

# WANTOK

Niuspepa bilong Papua Niugini stret


25 yia nau

32 pes

Namba 1,124

Wik i stat long Fonde, Janueri 11, 1996

50 toea



## 5-pela de bebi ken swim

● Planti ol manmeri i no inap long bilip long dispela stori olsem wanpela bebi, nem bilong em Bobbie Hawe, bihain long mama bilong em i karim em 5-pela de tasol i swim aninit long wara long 2 mita olgeta. Dispela em i wanpela trupela stori, we i bin kamap long Kwinslen long Ostrelia long mun Epril, 1995. Nem bilong Bobbie i stap nau long buk bilong ol lain i mekim samting we ol arapela i no mekim yet. Bebi i lainim long swim aninit long kosa Brian Rudd long swimming pul bilong ol Hawe famili. Mama bilong bebi leffe Hawe i sanap wantaimem long pul. ■ Lukim moa ripot long pes 18. Poto na stori: *New Idea*.

## LUKIM INSAIT

Ol man i dring na spak yet long Hailans. Pes 3.

Nupela lo na oda progrem long Sabama. Pes 17.

Kasam pas i bungim hevi yet long rot blok. Pes 8.

Tok pilai wantaim Kanage. Pes 15.

# Nalau laik rausim ol pablik sevan

*...sapos ol i no wok gut long bringim sevis*

### YAKAM KELO i raitim

GAVANA bilong Morobe provins, Jerry Nalau i tok em bai rausim ol pablik sevans husat i no wok gut long bringim sevis i go long ol pipel.

Niusman bilong Gavana, Ben Martin tu i tok sapos wanpela wokman i no bihainim ol dispela toktok bai ol i sasim ol long disiplin aninit long Pablik Sevis Ekt long Seksen 20 long i no bihainim oda bilong Gavana bilong tude.


Olgeta pablik sevans woka husat i laik sanap sait long gris bilong politiks o i no mekim gut wok bilong em gut bai wok-about, Mista Martin i tok.

Dispela toktok i kamaut bihain long i gat luksave olsem sampela pablik sevans i no amamas long Aine Sengero na i laikim Galun Kassas long kamap olsem Edministreta bilong Morobe.

Tasol i gat luksave olsem planti i laikim Sengero na planti tu i laikim Kassas bikos tupela wantaim i olpela man na eksperians pablik sevans long Morobe provins.

Mista Kassas em wanpela kiap na long hatwok bilong em insait long provins, em i bin kamap olsem asisten seketeri bilong Provinsal Afeas long las yia.

Trabel i stat taim ol politiks bilong provins i mekim na Nesenel Eksekutiv Kaunsil (NEC) i makm em olsem Edministreta long las yia.



□ Gavana bilong Morobe provins Jerry Nalau.

Gavana Nalau i tok Mista Kassas em wanpela gutpela pablik sevans inap nau ol i luksave olsem wok bilong em i no moa gutpela long kisim ol promosen bikos long dispela tokpait bilong Edministreta posisen.

Mista Nalau i mekim tok amamas bilong em i go long Mista Sengero long winim kot na askim em long wok bung wantaim em (Nalau) long strongim wok bilong ol pablik sevans long karimaut ol wok bilong ol.

Bihainim dispela tok amamas, Gavana i mekim strongpela toktok long askim ol arapela pablik sevans long wok bung wantaim Mista Sengero na karimaut ol sevis i go long ol pipel bilong Morobe.

Em i tok tu olsem ol politisen i wok long bagarapim ol gutpela pablik sevans olsem Galun Kassas.

Ol nesenel lida i no ken wokim politiks wantaim ol sinia

pablik sevans na pulim nem bilong ol i go long doti wara, Mista Nalau i tok.

"Sapos yumi ol memba i mekim wok bilong yumi na larim ol tu i mekim wok bilong ol, olgeta samting bai i kamap stret".

Aine Sengero; husat em Morobe Interum Gavman i bin makim olsem Edministreta i bin winim kot bilong em long las wik Trinde long stap olsem Ekting Edministreta inap palamen i makim nupela Edministreta bilong provins.

Bihain long kot i bin pinis long las wik, Mista Nalau i singautim ol 7-pela nesenel memba bilong Morobe long bung wantaim gen na wok long sevim ol pipel bilong Morobe.

Dispela em ol memba husat i bin sanap sait egensim Mista Nalau long kamapim wanpela vot i no gat bilip long Gavana.

Ol dispela memba em; Andrew Baing, Tukape Masani, Mao Zeming, Ginson Saonu, Amos Yamandi, Yaip Awini na Samson Napo.

Thomas Pelika na Bart Philemon i bin sanap wantaim Jerry Nalau long dispela taim.

Tasol long ripot i kamap long dispela wik, memba bilong Makam na Minista bilong Fores, Andrew Baing i tokaut olsem em bai bihainim toktok na laik bilong Tutumang tasol.

Na i no ol toktok bilong Jerry Nalau. Bikos em i ting Mista Nalau i no gutpela lida bilong Morobe provins.

## YUNO INAP WINIM TOYOTA HILUX 4x4 DABOLKABIN

Sapos yu painim hat long igo, go wantaim Toyota Hilux 4x4 tasol. nau long Ela Motors.

 TOYOTA

**Ela Motors**  
OLGETANAP

Oh! Em Gutpela Tru!



# Plis ripot

**HAGEN:**

Wanpela yangpela meri skul sumatin bilong Hagen i bin hangamapim em yet na dai bihain long kros wantaim mama bilong em.

Plis i ripotim dispela samting long dispela wik. Provinsal plis komanda John Wakon i tokaut long nem bilong meri olsem Wai Kolim wantaim 16 krismas. Em i bilong ples Kawi klostu long Kunjip. Em bin wanpela sumatin bilong Hagen provinsal hai skul.

Mista Wakon i tok sumatin ya i bin hangamapim em yet bihain long em na mama i kros long ol haus wok.

Em bin tok Mis Kolim i bin sakim tok bilong mama na go long wanpela ples we ol bin holim disko danis long en. Dispela em bihain long mama i givim em sampela wok long mekim long haus na em (mama) i go long gaden. Orait, taim mama i kam bek long gaden em bin painimaut olsem yangpela ya i no mekim ol haus wok na em i go long disko.

Mama i belhat na taim em i painim pikinini ya long ples bilong disko, em i paitim em long ai bilong ol planti lain long hap. Dispela i bin kamapim bikipela sem long sumatin na em bin hangamapim em yet na dai.

• Tripela arapela pipel i bin dai long ol birua long ka insait long Westen Hailans provins long dispela wik, Mista Wakon i tok. Tripela em ol bikipela man. Tupela bilong ol i bin dai klostu long ples Tomba we i stap long boda bilong Westen Hailans na Enga provins na narapela long Minj.

Mista Wakon i tok wanpela meri wantaim 28 krismas i bin dai bihain long wanpela gavman ka i ron spit i kam na krugutim em. Dispela birua i bin kamap long Minj las fraide taim meri ya i wok long go long narapela sait long rot insait long Okuk Haiwe. Em bin dai kwiktait tasol.

Mista Wakon i tok long Tomba tupela ka i bin bam long taim wanpela i tanim long kona na bam long wanpela PMV bas. Mekim na tupela pasindia husat i bin sindaun long beksait bilong ka i pondaun long rot na dai kwiktait long ol bagarap we ol i kisim. Ol no autim yet nem bilong tupela daiman tasol ol i bilong ples Waliya long Wapenamanda eria insait long Enga provins.

**DARU, WESTEN PROVINS:**

Plis wantaim ol kastom opisa long Daru, Westen provins i bin holim pasim na sasim tripela man Teste Ailan long Ostrelia las Sande bilong kam insait long PNG wantaim nogat tok orait long ol.

Sauten divisonal komanda, Fred Sheekiot i tok tripela ya i bilong ples Boigu long Teste Ailan. Long seven klok Sande moning, ol bin go sua long Daru long wanpela dingi we ol plis na kastoms lain i wetim ol i stap.

Mista Seekiot i tokaut long nem bilong tripela man olsem Billy Dau, Moses Namaiba na wanpela meri, Mau Desita Reeves.

Plis i bin sasim Dau long em i gat ol buk (megesin) nogut na 52 raun katres bilong yusim long .22 gan. Plis i bin kisim olgeta buk nogut na ol katres samting long ol. Ol i stap nau long han bilong ol plis, wetim kotkes long Janueri 21.

**KEREMA, GALP:**

Plis long Kerema i bin holim pasim na sasim wanpela man bilong ples Opau long wanem em bin kamapim bikipela bagarap long narapela man.

Eking provinsal plis komanda, sinia Sajen Kuu Murilasi i tok plis i bin holim pasim na sasim man ya long sutim brata bilong em wantaim naip. Em i tok birua i bin kamap bihain long tupela brata i kros pait namel long ol yet.

# Morobe brukim K63 millien baset

**YAKAM KELO i raitim**

MOROBÉ Interum Provinsal Gavman i brukim pinis K63 milion baset bilong provins long Tunde dispela wik.

Gavman bilong Jerry Nalau i winim vot long 20-9 long putim kamap dispela K63 milion baset bilong provins long Tunde apinun. Dispela baset i bin go insait long planti tok pait na tok hat bilong ol memba long ol kain kain wok na projek insait long ilektoret bilong ol.

Dispela i bin wanpela bikipela baset tru insait long kantri we Morobe provins i kisim long ol arapela provins. Na dispela em namba wan taim bilong Morobe provins i kisim dispela bikipela mani insait long nupela rifom sistem bilong provinsal gavman.

Tasol ripot i kam long opis bilong Gavana, Jerry Nalau i tok i tru dispela em bikipela baset, tasol em i no wanpela trupela baset. Bikos mani ya bai i no inapim olgeta wok na samting insait long provins.

Pres Seketeri bilong Gavana, Ben Martin i tok planti samting i stap yet long

i mas gat helpim long ol. Tasol dispela risos o mani bilong mekim ol i no inap.

Em i tok dispela mani we gavman i givim i no inap tru long olgeta ekspendisa o kos bilong lukautim na ranim ol samting insait provins.

Ripot bilong ol plena i tok tu olsem rot bilong bihainim na skelim mani long ol provins i no stret. Bikos nupela rifom sistem bilong provinsal gavman kamap olsem lo, gavman i mas bihainim dispela lo long skelim mani long ol provins.

Gavman i bin tokaut pinis olsem taim nupela lo bilong provinsal gavman sistem i kamap, bai gavman i skelim mani inapim het bilong wanwan manmeri insait long provins. Dispela em K20 long wanwan het (populesen).

Tasol ol plena i painimaut olsem dispela em mak long K7 tasol long wanwan het.

Rot bilong skelim mani i go long provins em i lo we i stap insait long dispela rifom lo bilong provinsal gavman. Olsem na gavman i mas bihainim, Gavana, Jerry Nalau i tok.

Memba bilong Huon Galp, Tukape Masani i tok ol pipel bilong Morobe i mas

kliia olsem dispela K63 milion i kam long provins bikos long vot bilong 7-pela nesene lida long palamen long sapotim nupela provinsal gavman sistem long kantri. Ol 7-pela memba ya em, Andrew Baing, Tukape Masani, Ginson Saonu, Amos Yamandi, Yaip Awini, Samson Napo na Mao Zeming. Ol tripela husat i no bin vot em Jerry Nalau, Thomas Pelika na Bart Philemon.

Mista Masani wantaim memba bilong Kabwum, Ginson Saonu na memba bilong Makam, Andrew Baing i bin tokpait tu long Tunde long gavman i mas skelim gut mani ya long ol projek na wok ol i gat long ilektoret bilong ol.

Mista Saonu i tok Kabwum i gat kopi na ol man bilong mekim wok long developim Morobe. Olsem na ol i mas kisim gutpela skel.

Tasol memba bilong Makam, Mista Baing i tok em bai toktok long Minista bilong Provinsal Afeas na Lokel Level Gavman long rausim Morobe Interum Provinsal Gavman.

Tok pait bilong ol i no stapim Gavana Jerry Nalau long putim dispela baset i go aut bikos em i gat moa namba long vot long Tutumang.

# Unagi bai stapim provinsal baset i gat fri mani

PROVINSAL Afeas na Lokel Level Gavman Minista, David Unagi i tok em bai rausim ol baset bilong husat provinsal gavman we i gat moa grent o fri mani i stap long en.

Mista Unagi i mekim dispela toktok long Trinde aste bihain long em i bin stapim K68 milion baset bilong Nesenel Kapital Distrik Komisn (NCDC). Mista Unagi i stapim baset bilong NCDC bikos em i skelim olsem i gat planti grent o fri mani we NCDC i givim i go long ol kain kain grup olsem yut, wimens, sios na ol arapela grup moa.

Mista Unagi husat i bin Lod Meya bilong NCDC bipo i tok em i bin oraitim pinis baset bilong planti provins tasol sampela i no yet. Bikos ol i no salim baset ripot bilong ol long em yet.

Em i bin oraitim pinis provinsal baset bilong ol provins olsem Manus, Westen Hailans, Wes Nu Briten na Galp provins. Em i oraitim tu Saplai Bil bilong Simbu na Milen Be provins. Long nau yet em i wok long lukluk insait long baset plen bilong Sauten Hailans na Enga provins. Long Fraide tumoro bai em i

lukluk long baset ripot bilong Morobe na Oro provins.

Mista Unagi i tok husat provins i no givim yet baset plen o ripot bilong ol yet bai brukim lo sapos ol i go het na yusim mani. Olsem na wanem provins i holim yet baset ripot bilong ol, i mas go long em hariap. Bikos taim em i bin makim long kisim ol dispela baset ripot i bin abrus pinis long 31 Disemba long 1995 las yia.

Dispela baset ripot bai i go long opis bilong Fainens Dipatmen na bihain i go long em long blesim ol baset ya

long ol i ken go het na stat yusim.

Tasol Mista Unagi i mekim strongpela tok lukaut olsem sapos ol baset ya i gat planti fri mani i stap long en, bai em i stopim dispela baset.

Em i bin mekim olsem long K68 milion baset bilong NCDC bikos em i ting dispela baset i karim ol kain kain tingting na plen bilong politiks insait.

Bikos 1997 nesenele ileksen i kamap klostu, bai politiks i yusim ol kain rot na sans olsem long winim vot.

## OL BRA lida no bihainim plen na ol resistene paitman sut long ol

**VERONICA HATUTASI i raitim**

I nogat kliia toksave long tupela sait wantaim na ol resisten paitman i bin sut long ol top BRA lida long Koromira Katolik Misen stesin, insait long sentrel Bogenvil.

Dispela birua i bin kamap long las wik long taim wanpela bot i karim bek ol rebel lida i kam long Honiara, Solomon Ailans. Ol BRA lida i kam bek bihain long kibung bilong ol wantaim ol bikman bilong PNG gavman, em i bin kamap long Kens, Ostrelia bipo long krismas.

Ol toktok i kam long Bogenvil i tok em i tru ol i kisim ripot long dispela samting. Tasol i bin gat sampela paul tok na tingting namel long ol BRA paitman na lida, ol sekyuriti fos na resisten paitman long ailan.

Ol sekyuriti fos i no bin kisim wanpela toksave i kam long ol BRA na Bogenvil Interim Gavman olsem lain bilong ol i wok long go bek long Bogenvil long dispela taim. Long wanem i gat plen na toksave i stap pinis wantaim BTG.

Toksave ya em ol BRA lida bai

go bek long Bogenvil long helikopta.

Helikopta inap long lusim ol BRA lida long Sipuru. Na ol sekyuriti fos wantaim ol atoriti long Bogenvil i bin save long dispela plen. Tasol bikos long sampela samting we ol i no kliia long en, ol BRA lida i senisim tingting na kisim bot. Na ol atoriti na sekyuriti fos i nogat toksave long dispela wokabaut bilong ol.

Edministresen opis long Buka i tok dispela samting i no kamapim hevi long ol toktok we tupela sait i wok long mekim long traime bringim bek gutpela sindaun i go long Bogenvil ailan.

Tasol ol i laikim tras o bilip i mas kamap na stap namel long ol lain i stap insait long dispela pait long Bogenvil. Em ol grup olsem BRA, sekyuriti fos, grup uilong ol resisten paitman husat i sapotim ol sekyuriti fos, Bogenvil Trensisenel Gavman, na Bogenvil Interim Gavman.

Long wanem sapos i nogat bilip i stap namel long ol dispela grup, toktok bilong kamapim gutpela sindaun gen long ailan i no inap karim kaikai.

## Ol pablik sevan long Bogenvil askim nau long 'High Risk Allowance'

WANPELA moa singaut i go nau long nesenele gavman long baim 'High Risk Allowance' long ol pablik sevan husat i wok long Bogenvil ailan.

Dispela em ol pablik sevan husat i bin wok long program bilong stretim ples na sindaun o bringim bek gavman sevis i go long ailan.

Wanpela pablik sevan long Tinputz eria husat i no laikim nem bilong em i kamap long niuspepa i bin mekim dispela toktok i go long long nesenele gavman long las wik.

Em i tok dispela i bin promis bilong nesenele gavman. Olsem na em i bihainim tasol dispela promis. Na laik makim maus bilong ol arapela hatowk pablik sevan long ailan.

Em i tok dispela promis i stap long Nesenel Eksekyutiv Kaunsil Disisen Namba 186 bilong yia 1990, we i karamapim ol pablik sevan na ol soldia na plisman.

Tasol nau yet ol soldia na plisman i kisim dispela pe na ol arapela pablik sevan long ailan nogat.

Long mun Ogas long las yia, mauseri bilong ol nes long Bogenvil, Joseph Buia i bin mekim wankain singaut i go long nesenele gavman. Em i askim gavman long baim kwik dispela pe long ol pablik sevan long ailan.

Na insait long wanpela bung we han bilong Pablik Employis Asosiesen long Bogenvil i bin mekim long mun Novemba las yia, wankain askim i bin kamap.

Edministretiv Seketeri bilong Bogenvil ailan, George Lessi husat i bin stap tu long dispela PEA bung long dispela taim. Na tok olsem em bai salim sampela opisa i kam long Mosbi long nu yia (1996). Na toktok wantaim ol dipatmen husat inap long stretim dispela wari bilong ol pablik sevan long Bogenvil.

Buka Edministretiv opis i tok eking edministretiv seketeri bilong Bogenvil, Aaron Rigamu i lusim pinis Bogenvil long dispela wik. Na i kam long Mosbi long stretim dispela wari wantaim Dipatmen bilong Fainens na Plening, Prait Minista na Pesenel Menesmen.

**WANTOK**  
 All departments Phone 325 2500 - Fax 325 2579  
 P.O. Box 1582, Boroko, NCD, Papua New Guinea

Published Weekly, Thursday, for  
**Word Publishing Company Pty. Ltd.**

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Honiara, for Word Publishing Co. Pty. Ltd.

Regional Office:  
 Suite Haus Tisa, Second Street Lae, P.O. Box 1726, Lae, Morobe Province, Phone/Fax 42 0618, Phone 42 1562

Regional Manager: Alphonse Pu.

Papers distributed by air throughout PNG.  
 Available by airmail subscription within Papua New Guinea and overseas.

Australia & New Zealand Representatives:  
 Tonkin Media Pty Ltd, P.O. Box 101, Avoca Beach NSW, 2251 Australia. Sydney, James Tokin, (043) 851746. Melbourne, Glen Smith, (03) 8072311.

General Manager and Company Secretary: Ian Fry.  
 Group Editor in Chief: Anna Solomon.  
 Editor of Wantok: Leo Wafwa  
 Advertising Manager: James DeLisle

Advertising Deadlines  
 Display bookings and Camera ready copy: Tuesday midday  
 Classified advertising: Wednesday 2pm.



### Klinim Morobe' kempen laik stat gen

OLPELA Provinsal Oposisen lida bilong Morobe, Nangaring Bapi i askim ol pipel bilong Morobe long klinim ol lida pastaim. Na bihain kirapim Morobe bihain long 1997 nesenele ileksen.

Mista Bapi i mekim dispela singaut bihain long Gavana bilong Morobe, Jerry Nalau i kirapim gen wok bilong 'Klinim Morobe' kempen long las wik.

Mista Bapi i tok pastaim long ol i bin rausim provinsal gavman, Tutumang i bin pasim wampela lo olsem ol manmeri husat i stap long ol setelmen we i no gat taitel long graun i mas go. Bihainim dispela lo, ol plisman i sasim na rausim ol manmeri long 10 Mail i go inap long 14 Mail.

"Nupela sistem bilong provinsal gavman i kamap na dispela 'Klinim Morobe' kempen i stop. Tasol lo i stap yet olsem na Jerry i traim long kirapim dispela tingting", Mista Bapi i tok.

Em i tok dispela tingting long Klinim Morobe i no gutpela bikos Mista Nalau i nogat wampela gutpela plen bilong kirapim Morobe yet.

"Kot i no gat pawa long yusim kastomeri graun, taun i pulap long ol pipia, lo na oda i bagarap bikos ol man long narapela provins i pulapim Lae siti, mani i sot na ol rot i bagarap na Gavana i laik mekim wanem?", Mista Bapi i askim.

Mista Bapi i askim ol pipel long askim ol yet ol dispela askim taim ol i laik makim man long sanap long 1997 nesenele ileksen.

"Sapos mipela i rausim ol sik het, orait ol narapela samting bai i wok stret. Olsem na ol pipel i mas klinim ol lida na bihain bai yumi kirapim Morobe".

Gavana, Jerry Nalau i bin tokaut long statim gen hap wok bilong em long 1992 long Klinim Morobe. Dispela em i wampela bikpela samting Mista Nalau i bin mekim na lusim taim em i go long nesenele palamen.

# Ol man i dring na spak yet long hailans

### SAPE METTA i raitim

BIA i pas pinis long ol hailans provins tasol ol manmeri i dring spak yet bikos ol i gat bia long dring na tu ol yet i wokim hombru bia na dring i stap. Dispela em ripot we planti lain long hailans i tokaut long en.

Tasol ripot i kam long Kundiawa plis stesin long Tunde dispela wik i tok ol tu i harim planti stori olsem ol manmeri i wok long dring na spak yet. Tasol ol plisman i no holim wampela man o meri wantaim SP botol na hombru bia yet.

Plis ripot i tok i no gat komplem yet i kam long plis stesin long dispela hevi na plis tu i no holim wampela man yet. Tasol ol i wok long was gut long dispela samting.

Plis ripot i tok long sek poin namel long Kundiawa na Goroka, ol i rausim pinis ol yut husat i save wok long sekim ol ka long hap. Ol i putim taso ol spesel plisman long sekim ol ka long sek poin.

Wampela yangpela man bilong Kundiawa, Paul Kei i save i go i kam long Goroka long dring i tokim Wantok olsem Jangel Jus (JJ) o hombru bia i kamap bikpela na ol manmeri i spak yet. Sampela tu i go moa long smokim spak brus bikos i no gat bia long Simbu provins na tu long arapela hailans provins.

Tasol em i tok bia i wok long go hait insait long Kundiawa na ol manmeri i baim long blek maket na dring spak i stap. Ol i save haitim bia long ka na ol yut husat i save wok long sek poin (Bum Geit) i no save sekim ol gut. Bikos em ol lain

bilong ol yet. Narapela tu em ol i save karim bia long Goroka i kam namel long hap rot na ol wantok i save karim na brukim bus, maunten na wara i go abrusim Bum Geit na i go insait long Simbu provins.

Paul i tok long dispela as, planti manmeri long Simbu provins i wok long karim lida i go insait na abrusim boda mak na i go olgeta long haus lain we ol i salim long blek maket prais.

Em i tok long prais bilong blek maket, wampela liklik strongpela dring, Gold Kap 300mls i kos K15. Ol i baim long K4.50 long Goroka. Long SP botol bia em K3.50 long wampela botol na long katen em K63. Na SP wait tin ken em K4 long lus na K96. long wampela katen.

Paul i tok i tru olsem planti bikhet pasin na hevi i go daun

taim atoriti i stapim bia long provins.

Las wik ripot i tokaut tu olsem tripela man long Banz, Westen Hailans provins i bin wokim bia long painapol na dring. Na tripela wantaim i kisim bikpela bagarap long bodi bilong ol na i go long Hagen haus sik.

Paul i tok ol lain i save yusim mau painapol bilong gaden wantaim yis, suga na wara long wokim dispela hombru bia.

Em i tok ol i save spak nogut tru taim ol i dringim dispela hombru bia. Em i tok moa olsem ol yangpela man i go het moa long smokim spak brus long ples klia.

Paul i bilip dispela kain pasin tu i stap long Westen hailans, Enga na Sauten hailans provins tu bikos Simbu provins em dispela pasin i stap.



Ol Tazen bilong Erima □ Tupela poroman Pi Jimmy na John Matthew i plilai olsem Tazen antap long ol diwai long Erima setelmen long Mosbi. Foto: JamesKila.

## Megiar na Aronis pipel pait long promis bilong Peter Yama

### BEN TAUMAI i raitim

MINISTA bilong Woks na Trensport na memba bilong Sumkar, Peter Yama i tok em i no inap oraitim wampela man husat i laik bagarapim ol gavman sevis o developmen long i go long ol pipel insait long ples.

Mista Yama i mekim dispela tok-tok bihain long Wantok i askim em long ol projek em i no mekim yet na ol pipel bilong Megiar na Aronis i statim pait pinis long Nu Yia. Megiar na Aronis pipel i stap long Not Kos Rot long ilektoret bilong Mista Yama.

Long dispela wik, Madang Provinsal Plis Komanda, Inspekta James Kui na tupela opisa bilong em i bin go toktok wantaim ol lida bilong tupela ples ya long painimaut as bilong trabel long stretim.

Dispela pait inap go bikpela moa tasol ol plisman i bin go hariap na stapim.

Ol viles lida long Aronis i tokim Inspekta Kupa olsem Sumkar memba, Peter Yama i promis long pulim paia lain i go insait long ples bilong ol. Tasol dispela i no bin kamap.

Long las yia ol i bin lukim ol wok-

man bilong Elkom i wok long pulim pawa lain i go long ples Megiar na long rot igo long Dylup plentesen.

Dispela i mekim ol yangpela bilong Aronis i bel kros na i go dring spak long Megiar na statim pait wantaim ol lain long hap. Long moningtaim ol lain Megiar i bung gen na pulim pait gen tasol plis i bin kamap hariap na stapim.

Tasol memba, Peter Yama i tok dispela em hap projek bilong olpela gavman olsem na wok bilong em i go het yet wantaim nupela gavman. Em i tok Elkom Jenerel Menesa i save long dispela na projek ya i stap yet long plen. Em i tok dispela projek bai i kos olsem K250,000.

Tasol Mista Yama i tok ol i luk-save long narapela rot bilong pulim pawa lain i go long Aronis iles. Ol bai pulim pawa lain long Beranis ples i go olsem long Aronis.

Mista Yama i tok wok i stat pinis we Madang Holdings lokel kampani bilong Sumkar pipel i go het long mekim dispela wok. Madang Holdings em lokel kampani we Peter Yama i bin statim long las yia.

Taim Minista Yama i harim dispela pait, em i tok em i no inap wanbel long ol lain husat i bagarapim gutpela gavman sevis na

developmen bilong sevim ol pipel bilong ples.

Em i tok ol pipel bilong Megiar i orait bikos ol i stap klostu long rot na i save kisim ol gavman sevis. Tasol ol turangu lain long bus i no gat tru.

Em i tok em i no inap harim ol lain husat i singaut long kompensesen.

"Mi bin tokaut long palamen taim ol lain long Simbu provins i bin blokim rot na askim long kompensesen olsem mi no inap harim husat man i askim kompensesen na dispela em wankain long olgeta lain insait long kantri".

"Sapos ol i no laikim, bai mi rausim na givim i go long arapela lain long narapela provins husat i laikim", Mista Yama i tok.

Bos bilong plis long Madang, James Kupa i tokaut olsem em bai askim DPI long givim kos bilong 7-pela kokonas diwai, ol buia, kakao na ol kaikai long gaden we i bin bagarap long pait ya. Bihain bai ol i ken sindaun gen long Fonde na stretim kompensesen pemen bilong ol kaikai ya.

Kaunsil bilong Megiar, Peter Neng i tok em bai i no inap askim ol pipel bilong em long rausim ol samting long rot inap dispela miting long Fonde i kamap.



# WANTOK

NIUSPEPA BILONG OL PAPUA NIUGINI STRET

## Lukaut long gris mani

Planti provins i kamapim provinsal baset bilong ol pinis na planti i sut long kamapim divelopmen na bringim sevis i go long ol pipel bilong ples aninit long nupela provinsal rifom sistem.

Mipela i mas was gut long sampela baset we i karim bikpela gris long en. Ol politikel baset. Dispela em bilong givim amamas na sapot long husat tru i papa long skelim dispela baset. Dispela inap kamapim hait tingting bilong ol politikis lain long winim biknem long winim gen 1997 nesenel ileksen long neks yia.

Minista bilong Provinsal Afeas na Lokel Level Gavman, David Unagi i rausim pinis baset bilong Nesenel Kapital Distrik Komisen (NCDC) long dispela wik bikos em i ting baset ya i karim plen na tingting bilong politikis. Bikos em i tok i gat planti fri mani o grent i stap long en.

Ol arapela provins tu i mas skelim gut baset bilong ol na lukim wanem hap rot em baset ya i sut long en na husat lain bai kisim helpim long en.

Gavman i senisim olpela provinsal gavman sistem pinis na nau ol nesenel memba i go pas nau long holim mani. Ol yet i kamap olsem siaman bilong distrik long mekim ol plen bilong wanem projek mani bai i go long en. Lukaut long mani bai i go long baim vot.

## Sekyuriti fos rausim tambu long ol sip na ka long bikples Bogenvil

### VERONICA HATUTASI i raitim

EM i orait nau long ol sip na karon i go long bikples Bogenvil.

Ol sekyuriti fos long Bogenvil long dispela wik i rausim tambu long ol sip, trak na ka i go long bikples Bogenvil. Dispela i karamapim Wakunai, Tinputz, Kunua na Keriaka insait long not is na not was Bogenvil, Kieta, Lolohe, Manetai, Mabiri na Arawa long Sentrel Bogenvil na Buin, Siwai na Nagovis insait long Saut Bogenvil. Ol sekyuriti fos long Bogenvil i bin putim ol tambu long sip, balus na ka i go long bikples Bogenvil long las yia yet bihainim ol trabel we ol Bogenvil Revolusinari Ami (BRA) i bin kamapim long

kilim dai ol man na bagarapim ol samting bilong gavman na pipel insait long ol hap we sevis bilong gavman i go long ol.

Opis bilong Distrik Sevisis long Buka i tokaut olsem bihainim stap na sindaun long planti ol dispela eria i go gut nau na ol pipel i singaut strong long kisim bek ol sevis, ol atoriti long provins i tok orait long opim bek gen siping sevis i go long bikples Bogenvil.

Long dispela wik Tunde tu, ol sekyuriti fos i bin givim kliarens long ol ka na pipel i ken i go i kam long Tinputz na Wakunai i go long Buka. Na i orait tu long ol sip i go olsem long Lolohe, Taurato, Mamagota na Marau.

Bikpela samting we ol pipel long olgeta hap bilong Bogenvil

i laik save long en em ol toktok i bin kamap namel long ol Bogenvil trensisenel gavman memba na ol BRA lida long Kens Ostrelia, klostu long Krismas wik. Planti pipel long Bogenvil i no kisim ol kliapela toktok long wanem samting tru ol lida long tupela sait wantaim i bin toktok na wanbel long en long dispela bung bilong ol.

Distrik Sevisis opis i tok tu olsem planti pipel i nogat toktok long dispela ripot we i tokaut long sampela resisten grup na sekyuriti fos i bin sut i go long bot we ibin karim ol BRA lida long Koromira insait long Sentrel Bogenvil long taim ol bin wok long go bek long ailan bihain long Kens bung. Tasol ol i tok long ambusim o banisim ol bai i nogut bikos dispela inap

bagarapim ol toktok long pinisim ol trabel na kamapim bek gutpela sindaun long Bogenvil.

Opis i tok bikpela samting em long tupela sait wantaim we i karamapim ol BRA, sekyuriti fos na grup bilong ol resisten pa'tman i mas gat bilip namel long ol.

Dispela em bilip long ol samting we ol i toktok namel long ol i karim kaika, na bai kamapim gutpela belisi pasin long kamapim bek gutpela sindaun long ples, komyuniti na provins, opis ya i tok.

Na long ol samting we i wok long kamap nau, i luk olsem sait bilong BRA i no wok long gat dispela bilip long ol sekyuriti fos na grup bilong ol resisten pa'tman long Bogenvil.

## Is Sepik laik oraitim ol tumbuna graun

### LEO WAFIWA i raitim

IS SEPIK Provinsal Eksekutiv Kaunsil i lukluk nau long oraitim ol papagraun long rejistaim tumbuna graun bilong ol. Dispela bai mekim isi long ol papagraun long kisim dinau mani long beng, na kamapim sampela kain wok bisnis antap long graun.

Is Sepik PEC i bin paitim toktok long dispela samting long namba wan kibung bilong dispela yia, em i bin kamap long Janueri 8 na 9. Insait long dispela kibung, PEC i orait long kamapim wanpela len ek we ol i kolim Kastomeri Len Rejistresen na Rejista insait long provins.


Na ol saveman long wok bilong lo i wok nau long putim wantaim wanpela lo, we ol papagraun i ken rejistaim tumbuna

graun bilong ol.

Toksave i kam long opis bilong gavana long Wewak i tok aninit long dispela senis we i gat bilip long kamap, em i no wanpela oda olsem olgeta papagraun i mas rejistaim graun bilong ol. Nogat. Em i laik bilong wanwan papagraun tasol.

Tasol provinsal gavman i lukim olsem nau yet em i nogat gol, kopa o wel long kirapim bisnis wok long provins. Planti pipel i strong long wok agrikalsa. Olsem na dispela senis bai helpim ol pipel long kisim dinau mani long beng. Na kamapim sampela agrikalsa bisnis wok antap long graun.

Gavana Sir Michael Somare i tok provinsal gavman bai baim moa long K420,000 olgeta yia long dispela plen wok. Na tu aninit long dispela kain polisi, ol Memba



• Gavana bilong Is Sepik Sir Michael Somare.

bilong Palamen olsem em yet i ken putim arere sampela mani bilong Rurel Eksen Program long dispela projek, na kisim sampela helpim mani long ol helpim grup long ovasis.

Long Rurel Eksen Program, wanwan memba bai kisim K420,000 olgeta.

Ripot i kam long opis bilong gavana i tok moa olsem aninit long dispela plen senis, provinsal

gavman bai lukluk long givim wanem sapot em i ken wantaim mani long ol papagraun long rejistaim graun.

Aninit long dispela plen senis, provinsal gavman bai gat buk bilong ol nupela bebi em mama i karim, nem bilong ol manmeri husat i dai, na nem bilong ol graun na papagraun insait long provins.

Bikos nau yet i gat

planti bebi i kamap, na planti manmeri i dai. Tasol provinsal gavman i nogat gutpela rekot long dispela. "Planti manmeri i dai pinis, tasol nem bilong ol i stap yet long gavman buk. Na dispela bai helpim mipela long save long stretpela namba bilong pipel, na plenim divelopmen long provins," opisa long opis bilong gavana i tok.

Sir Michael i tok aninit long senis ya sapos i go stret, taitel bilong graun no inap go long ol ausait pipel o ol pipel husat i no trupela papagraun. NA dispela bai stretim hevi we bai kamap bihain long husat em ol papa tru long taitel bilong graun.

PEC i paitim toktok tu long namba wan kibung bilong dispela yia long nupela Fores Plen insait long provins.

## Bogenvil oraitim tasol saplai baset bilong mun Janueri, Febreueri na Mas

BOGENVIL Trensisenel Gavman asembli i autim tasol mani plen bilong provins long tripela namba wan mun bilong dispela yia. Na mani plen bilong yia 1996 bai kam aut long mun Mas.

Mani plen bilong tripela mun ya long tok inglis em ol i kolim Saplai Baset.

Long bung bilong asembli long tupela wik i go pinis, ol memba i pasim toktok long yusim moa long K1 milien long namba wan kwata bilong dispela yia (Janueri, Febreueri na Mas).

Deputi Primia na Siaman bilong Fainens na Plening Komiti, Thomas Anis i tokaut long dispela taim em i autim mani plen bilong provins long yia 1996. Mak bilong mani ol bai yusim em K1, 566,900.

Mista Anis i tokim ol memba long asembli olsem dispela mani i bilong baim tasol ol wokman meri bilong BTG, na ol sampela arapela wok em ol i gat dinau long en.

Hia em ol mani plen bilong mun

- Janueri, Febreueri na Mas:
- Polisi na Edministresen - K646,400;
- Wok bilong brigim bek gavman sevis-467,700; na
- BTG edministresen wok- K452,800.

Mista Anis i tok BTG i no inap long kamapim ol nupela wok, inap long ol i kisim sampela moa mani i kam long gavman. Olsem na long mun Mas, bai BTG asembli i tokaut long 1996 mani plen bilong provins.

Aninit long 1996 nesenel baset, gavman bilong Sir Julius Chan na Chris Haiveta i givim tasol K2,450,000 i go long Bogenvil Trensisenel Gavman. Dispela mani i liklik tru long mak bilong mani provins i kisim long 1995 baset. BTG i bin kisim K7 milien olgeta long 1995 nesenel baset.

Mista Anis i tok dispela yia, BTG bai nogat inap mani long stretim sindaun bilong ol pipel na olgeta ol dispela wok long Bogenvil.





# Tomba-Tambul rot i kamapim hevi

ROT namel long Tomba na Tambul insait long WHP i bagarap olgeta na dispela i kamapim planti hevi long ol liklik bisnis man long ples. Ol liklik bisnis lain husat i save kisim kontrak long salim kabis, brokoli, patoto na arapela kaikai tu i kisim taim long salim ol kaikai i go aut long Tambul. Bikos ol papa bilong ol ka i les tu long ronim ka bilong ol long rot nogut.

Long mani bilong Rural Trensport Fan, memba bilong Tambul Nebilya, Vincent Auali i bin givim K5,000.00 igo long wan wan kaunsel insait long Lowa na Apa Kagul long stretim ol liklik

## MICHAEL MONDO i raitim

han rot . Tasol dispela mani i noi nap pinisim gut rot bikos planti ol dispela mani i bin go long Lowa Kagul sait. Na tu em bilong stretim ol liklik han rot tasol.

Ol toktok i kamap olsem ol lain Kaineba i bin kisim narapela K5,000.00 tasol i luk olsem ol lain Kaineba bai yusim dispela mani long wokim haus lotu bilong ol.

Long nau yet ol lain bilong Lowa na Apa Kagul i wet tasol long kisim sampela bekim long provinsal na nesanel gavman

long stretim wari bilong ol lain Tambul long hevi bilong rot.

Tupela wik i go pinis long bungim nu yia, Westen Hailans Provinsal Gavman i bin salim tupela bikpela masin long stretim Tomba-Tambul rot tasol dispela tupela masin i bin bagarapim rot olgeta. Bikos tupela i bin rausim ol ston we i save holim graun strong na taim ren i pundaun, em i bagarapim rot na dispela i mekim rot i bagarap olgeta na tupela i no pinisim gut rot i go long Tambul stesin.

Long namba tu de bilong nu yia ol lain Aika klostu tasol long

Tambul stesin i bin pasim tok wantaim ol lain kominiti manmeri bilong ol na ol i bin mekim gutpela wok stret we i nogat pe bilong ol yet.

Mista Piwa, kominiti lida bilong ol lain Aika i bin go pas long stretim ol rot wantaim tripela PMV ka.

Saina bilong ol lain Aika yet. Mista Piwa i tokim ol kominiti manmeri bilong em yet olsem yumi yet i mas senisim pasin bilong yumi long nupela yia na soim ol narapela long bihainim.

Em i tokaut tu olsem sapos yumi ol manmeri bilong ples yet i

lukautim rot bilong yumi yet wantaim nogat pe bai ol gavman i ken luksave long hevi mipela yet i gat long ol rot olsem Tomba Tambul na bai ol inap givim mani long karim aut dispela wok moa.

Long pinisim toktok ol lain Aika i bin stretim ol hap rot we i bin bagarap olgeta na ol i askim ol lain Kaineba na ol narapela lain wanpinis manmeri long stretim ol rot long hap bilong ol yet we rot i save ron long en bai ol pablik i ken ron gut na ol sevis i ken kam insait long ol ples insait long Tambul.

## Ol Sandaun studen go lainim tokples Bahasa

### FELIX RAMRAM i raitim

OL sumatin long Sandaun provins i lusim provins na i go long Jayapura long kisim skul long tokples bilong Indonesia. Ol i go skul long lainim tokples Bahasa.

Namba bilong ol studen i go long skul ya em 15 olgeta insait long 49 husat i bin resis long winim dispela sans bilong go skul long Indonesia.

Ol studen yai lusim Vanimo long 8 Januari na bai ol i kam bek long 28 Januari long dipela mun yet.

Insait long bung bilong ol long Vanimo las wik Fraide, 5-pela i kisim setifiket bilong Besik Bahasa na 4-pela i kisim setifiket bilong Edvens Bahasa kos. Insait long dispela em wanpela meri. Meri ya em Rose Ondukre bilong Vanimo yet.

Mausman bilong ol studen, Johnny Deckwalen i go mekim bikpela tok amamas long tokples Bahasa long ol lain bilong Indonesian Konsulet long kamapim dispela kos long Yunivesiti Senta long Vanimo.

Em i tok amamas tu long ol arapela husat i helpim long ranim kos ya.

Ol arapela lain husat tu i kisim setifiket bilong ol em, Jeffery Thomas, Raphael Parum, Philip Otto, Philip Sikre, Dominic Wekini, Gregory Zarkwaro na Silvester Tonigre.

Eking Dairekta bilong Sandaun Yunivesiti Senta, Francis Kakei tok ol lain yai bin sindaun long dispela kos inap 6-pela wik olgeta, stat long 27 Novemba, 1995 i kam pinis long Januari 5, 1996.

Na narapela Bahasa kos bai kamap long mun Julai na Ogas long dispela yia, we bai i lukim 4-pela sumatin i go skul moa long Jakarta Yunivesiti inap 18 mun.

Em i amamas long lukim dispela samting i kamap na tenkim gavman bilong Papua Niugini na Indonesia long sainim agrimen long dispela samting.

Dispela em i namba wan taim tu bilong Sandaun provins long salim bikpela lain i go kisim skul long Cendrawasih Yunivesiti long biktaun Jayapura.

Mista Kakei i mekim bikpela tok amamas i go long Indonesia Konsulet long kamapim dispela kos na tu Dokta Nico Jakarimilena long go pas long skulim ol studen long tokples Bahasa.

Em i tok long dispela yia bai Dokta Jakarimilena bai i no moa skulim ol studen long tokples Bahasa. Bikos em i winim pinis wanpela posisen long Indonesia opis long Mosbi.

Eking Asisten Seketeri bilong Edukesen, Ignas Wunum i tok amamas long ol lain sumatin long winim dispela skul na bai i go het long lainim moa. Em i tok pasin bilong luksave long ol samting na klia long ol em long tokples na save gut long ol samting.

Pasin bilong kamapim gutpela pren namel long arapela em long tok ples gut wantaim, em i tok.



□ CIS musik grup bilong Boram huas kalabus long Wewak i mekim ol musik long amamasim Krismas de long Boram banis yet. Foto FUZO PAUL

## Boram haus kalabus amamasim gutpela krismas

BORAM Korektiv Institut i bin amamasim gut tru krismas na Nu Yia bilong ol. Olgeta woda na famili bilong ol i bin bung wantaim long krismas de.

Long krismas de stret i bin gat bikpela ren long Wewak. Dispela i bin bagarapim liklik progrem bilong ol tasol sampela pilai tasol i kamap na ol manmeri i brukim kaikai na karim i go kaikai long haus wanwan.

Long Tunde, ren i stop na bikpela pilai ya i stat gen. Ol woda i mekimsave long pilai soka, volibal, basketbal na ragbi tas.

Long dispela taim tu biknem musikman bilong Sepik, Willie Sebas i kukim ol wantaim ol Sagothorns musik bilong em.

Wanpela bikpela pilai we i pulim ai bilong olgeta lain tu em

### FUZO PAUL i raitim

long pulim rop. Ol lapun i pulim rot egensim ol yangpela. Ol yangpela i no strong na ol lapun autim tiket bilong ol tripela taim.

Bihain long ol man, ol mama i salensim gen ol pikinini meri long pulim rop.

Eking Provinsal Komanda, Sinia Inspekta R Nombe i mekim bikpela tok amamas i go long olgeta wokman bilong Boram haus kalabus long bung wantaim na mekim gutpela wok long dispela yia i kam.

Emi tok i tru ol woda i gat ol hevi long sindaun bilong ol yet wantaim famili tasol dispela i no daunim ol long wok bilong ol.

Em i tok Boram i no bin bungim wanpela bikpela hevi long dispela yia i kam na em i

amamas kain pasin olsem bai i stap yet.

Em i tok tu olsem planti samting i no gutpela tasol ol bai i no inap kisim sapat yet bikos long hevi bilong mani em kantri i bungim nau.

Tasol dispela hevi i no daunim ol na ol i bin mekim gut wok i kam inap long pinis bilong krismas.

Mista Nombe i tok Boram i wanpela gutpela haus kalabus insait long kantri bikos namba bilong ol man i ranawe i no bikpela. Na em i wanpela klinpela banis long kantri tu.

Em i tok amamas long ol samting we i kamap gut olsem long spot, wok bilong lotu we i senisim na kamapim gutpela sindaun long ol pikinini bilong ol.

Kentin stua bilong ol long banis tu i wok gut we i sevim ol memba bilong ol gut i kam. Stua ya i bin givim bikpela helpim tu long krismas kaikai ya.

Dispela krismas pati long Boram haus kalabus i bin yusim olsem K3,140.00 long baim ol kaikai na samting bilong amamasim long dispela de.

Boram haus kalabus i save givim trening long ol kalabus lain bilong ol long wok kapenta, plama, mekenik, lukautim pik, sipsip na kakaruk, kopra ol arapela moa samting we ol i ken mekim long helpim ol yet bihain.

Boram haus kalabus i lukluk long gutpela yia long 1996.

## Isten hailans kapitol atoriti tokaut long 10-pela memba

GAVANA bilong Isten hailans i tokaut long makim 9-pela bod memba i go insait long ronim wok bilong Goroka Taun.

Gavana Aita Ivarato long long dispela taim i bin tokaut tu long nem bilong wanpela namba wan komuniti lida, Kasup Nate long kamap olsem siaman bilong go pas long dispela taun atoriti bod membas.

### SAPE METTA i raitim

Insait long dispela nupela bod, tripela memba bilong ol i bin holim wok pinis olsem siaman long ol yia i go pinis.

Ol membas ya i gat wanpela meri na wanpela praivet dokta na tu wanpela eksekutiv bilong ol Tisas Asosiesen.

Dispela 10-pela membas bai holim opis na wok inap tripela yia olgeta stat long dispela yia 1996.

Gavana Ivarato i tok, Sailas Atopare, Steven Pupune na Leslie Hoffman husat i bin holim wok olsem siaman long ol yia i go pinis i gat eksperiens, na nau yet ol istap olsem membas insait long taun bod. Wok

bilong ranim taun i luk olsem bai i go het gut.

Nupela membas bilong Isten Hailans Kapitol Atoriti ya em - Kasup Nate (siaman) na namba tu bilong em - Ben Asimole, Popsi Vira, Simon Itupi, John Tunuto, Atopare, Pupune, Hoffman, Sabumei na Dokta Lincoln Menda.



EM i pasin bilong ol Juda long taim man i kisim nupela wok, em i save kisim tu nupela nem. Long taim Jisas i singautim Saimon Bar Jona, em i givim nupela nem Pita long-em. Lukim Jon 1:42. Long Olpela Testamen God i tokim Abraham olsem: "Nem bilong yu i no moa Abram, tasol Abraham." (Stat 17:5) Na long sapta 35, lain 10 yumi rit olsem wanme na God i givim nupela nem Israel long Yakop. Na long Nupela Testamen Sol em i kisim nem Pol. (Apos 13:9).


Long olgeta kalsa na pasin tumbuna, nem bilong man o meri em i santu samting. Yumi tambu long tok bilas long-en, long daunim em na long krungutim gut-nem.

Sampela nem i gat namba. Olgeta manmeri i save gut long ol. Ol i min wanpela spesel samting. Yu ting long "Coca Cola" o "Wantok" Niuspepa, o "S.P." o "Sony" o "Honda."

Em i pasin bilong yumi Kristen bilong bipo yet olsem yumi save putim nem bilong ol santu na marty na aposel na bikpela man na meri bilong Baibel long man o meri i kisim baptais.

Yes, em i holim yet haiden nem bilong em tasol nau yumi skruim nupela nem long nem. Wanpela nem Kristen olsem Lusi na Agata na Maria na Anna na Jon na Pita na Pol na Teresa. Man o meri i save gut long ol stori bilong Baibel em i save givim tu ol nem bilong Olpela Testamen long ol yangpela. Mi ting long nem olsem Aisaya, na Noa, na Adam na Sara na Rut na Rachel.

Bilong wanem na yumi save givim spesel nem long ol yangpela bilong yumi? Bilong wanem na yumi save givim nem bilong wanpela tumbuna bilong bipo? Bikos yumi laik bai tumbuna papa o mama i gat interes nau long dispela yangpela i karim nem bilong em. Em bai lukautim em na helpim em na presen long em planti taim. Tumbuna i laik tu bai yangpela i karim nem bilong



FRANK MIHALIC i raitim

em i mas bihainim gutpela pasin bilong em.

Em i laik bai yangpela i holim nem bilong em i mas kamap namba man o namba meri na skruim biknem i go.

Em i pasin bilong yumi Kristen long givim nem bilong ol bikpela santu na holiman na holimeri

bilong yumi long ol yangpela, bai ol tu i ken bihainim lek bilong ol na kamap santu yet.

Mi laik askim nau bilong wanem tude planti papamama i save putim nem bilong muvi sta o stringben lida o man o meri bilong spot long ol pikinini bilong ol?

Planti dispela man na meri i no gutpela Kristen tru. Bilong wanem yumi laik bai ol yangpela i bihainim pasin doti o pasin raskol o pasin pait bilong ol dispela kain pipel? Sapos yumi mekim olsem na ol yangpela i go bihainim ol nau yumi no gat tok.

Ol papamama i mas tingting gut long nem ol i putim long pikinini. Nem bilong ples i orait tasol watpo yumi tromoim pasin bilong yusim ol Kristen nem? Tude yumi no inap lukim nem na tok em i nem bilong man o bilong meri. Sapos ol skulmanki i gat

Kristen nem, yumi no gat dispela wari. Em wanpela eksampel gen we yumi Kristen i bin tromoim gutpela Kristen pasin na i go bihainim nating pasin bilong televisen na video na muvi. Planti tumas ol sta bilong televisen na video na muvi na spot i kisim nem long mekim olkain pasin nogut. Yu laik bai pikinini bilong yu tu i go mekim wankain? Yu ting em i smat, a?

Harim! Nem em i no samting nating. Yu sainim nem long sek na nau yu inap tanim em i kamap mani. Yu kolim nem bilong nambaman na wantu ol man i putim yau i bihainim tok bilong yu.

Bikos nem i gat pawa, yumi save pinisim olgeta beten long lotu wantaim dispela hap tok: "Mipela i askim yu dispela samting long nem bilong Jisas." Jisas yet i bin tok yumi mas mekim olsem na yusim pawa bilong nem bilong em. Lukim Jon 14:14.

I gat wanpela samting yumi olgeta i laik harim. Em nem bilong yumi. Em i krai swit moa long yau bilong yumi. Ating God tu i laik harim nem bilong em. Bilong dispela na yumi save pre.

## Ol pater bung long strongim ol Katolik peris long Wewak

ATING planti bilong yumi i bin kisim gutpela win na amamas stret long Krismas na Nu Yia malolo. Sapos yumi larim ol pater, ol pastorel wokman meri long ol peris bilong yumi i kisim malolo tu, ating bai yumi no inap komplek tumas.

Long Wewak Katolik Daiosis, ol pater i bung long tupela wik long kisim skul bilong skruim save long nupela progrem bilong helpim daiosis long go het gut. Na bai gutpela nupela pasin i ken kamap namel long olgeta Katolik manmeri.

Skul progrem long dispela samting i bin stat long dispela wik Mande Januari 8, 1995. Na bai pinis long neks wik, Fonde Januari 18, 1996.

Dispela kain progem i bin stat long las yia. Dispela em bihain long taim wanpela grup ol i kolim long Muvmen bilong Beta Wol i givim skul trening long bisop bilong Wewak daiosis wantaim liklik lain pater na wokman meri bilong em.

Ol bin givim nem Daiosisen Tim bilong Pastorel Animesen (DTPA) i go long grup bilong Bisop long Wewak.

Kain grup i statim pinis wok insait long Daru na Kiunga long Westen provins, Hagen long Westen Hailans, na Bereina insait long Sentrel provins.

Long 10-pela yia i go pinis, ol bisop long sikipela daiosis insait long kantri i bin kirapim wanpela riniwal progrem long ol daiosis bilong ol. Ol i kolim dispela progrem long "Nupela Pes bilong Peris".

Orait, long tude, foapela kain riniwal progrem i kamap. Astingting long dispela ol progrem em long olgeta manmeri husat i kisim baptismo long Katolik Sios i mas bihainim wok duti bilong ol na bung long nem bilong Jisas yet olsem ol

Kristen komyuniti. Na ol i mas soim laik pasin olsem Jisas i bin soim yumi na singautim ol manmeri long bung wantaim long preia, lotu na harim Tok bilong God we i stap insait long buk Baibel.

Long dispela pasin tasol na sindaun insait long komyuniti, ples na kantri i bihainim as tingting long Muvmen bilong Beta wol.

Orait, ol bisop wantaim ol pater bilong Wewak daiosis long tupela wik bai i harim ol toktok, diskasim, pre na meditet wantaim long painim sampela rot long mekim dispela progrem i wok insait long daiosis na ol wan wan peris bilong em.

Ol i laik painim sampela rot long helpim ol pipel insait long peris long painimaut wanem rot ol i ken bihainim, wanem hevi i stap na wanem as tru bilong ol hevi.

Ol i mas ritim tu mak bilong taim nau na luksave wanem wok wanmanmeri olsem kristen i ken mekim long helpim wok bilong sios.


Bikos wanwan sios memba i gat presen o gif i kam long God.

Na God yet i laikim yumi long yusim.

Dispela tupela wik kos o skul bai inapim dispela wok sapos ol i opim lewa bilong ol i go long Santu Spirit. Dispela Spirit tasol i bin statim wok bilong bikpela bung long Vatiken Kaunsil long taim ol bisop i bung na MBW i promotim.

Wewak daiosis i bin kisim dispela progrem long Januari na long narapela mun i kam, Hagen daiosis bai i bihainim.

Kiunga na Daru daiosis i kisim pinis dispela progrem long las mun. Madang, Bereina na Kundiawa wantaim NIP progrem na ol bisop i strongim ol pris na ol pastorel wokman meri long go het wantaim riniwol progrem insait long ol wan wan peris.



□ Sampela bilong ol studen husat i greduet long Amron ELC-PNG Evanjelis skul.

## Greduesen long Amron Evanjelis trening senta

FIFTIN studen bilong Amron Evanjikal Luteran Sios (ELC-PNG) Trening Senta long Madang i bin greduet na kisim setifiket pepa bilong ol i no long taim i go pinis.

Dispela em long mekim wok evanjelis insait long ELC-PNG.

Planti manmeri i bin kamap long lukim na amamasim ol dispela nupela wokman bilong sios. Long wanem ol i save olsem dispela ol lain studen i lusim tupela yia bilong stadi long tok bilong Baibel, autim Gutnius, mekim wok sambai, givim ol skul long Rilijes instraksen na konfemasio, kisim kain save long Baibel stadi, spirituel na mekim ol arapela wok bilong sios.

Pasto Andrew, husat i siaman long bod bilong ministeriel tren-

ing bilong ELC-PNG i mekim strongpela singaut i go long ol nupela greduet long karimaut wok bilong God long olgeta de, tumora na long hap tumora.

Em i tokim ol greduet olsem long tude ol kankain singaut i stap na pulim ol yangpela manmeri long bihainim ol kankain pasin. Na wanpela strongpela singaut i kam long Jisas. Na dispela singaut em long mekim wok bilong em (Jisas).

Dispela singaut, em i tok, i no kamap long wanpela taim. Na dispela singaut i no bilong grisim ol manmeri tasol em i sut long laikim wanpela arapela, sori long narapela na kamap olsem tul bilong God long graun. Na dispela singaut i no pinis long taim ol i kisim ol setifiket pepa, nogat.

Long toktok bilong em long taim bilong greduesen, bos bilong Divisen bilong stadi, Reveren Klaus Walz i bin tok husat yangpela man i laik bihainim Jisas na mekim wok bilong em inap go insait long dispela senta. Tasol dispela man i mas gat bikpela laik (motivesen) long wanem em tu i mas redi long karim diwai kruse bilong Bikpela Jisas Kraus. Man i mas pinisim gret 8 na winim wanpela tes long em i orait long go skul long Amron, Mista Walz i bin tok.

Insait long Amron ETC, ol studen i kamap olsem wanpela Kristen famili. Na ol i traim long sindaun gut wantaim prea na lotu. Dispela em long kamap olsem kristen man tru na mekim wok bilong Bikpela, em i mak bilong dispela skul.



## Ples Katika i gat nupela Lutheran haus lotu

HENRY BEGO i raitim

NAMEL long 500 na 600 pipel i bin bung long ples Katika insait long Satelberg Evangelikal Lutheran Sios seket long Finsafen distrik, Morobe provins long witnesim opening bilong nupela haus lotu bilding bilong ol.

Dispela i bin kamap long Sarere Disemba 16, wanpela wik bipo long Krismas.

Ol i bin apim diwai kruse na nilim long nupela haus lotu bipo long ol i opim tru haus lotu.

Reveren Rudolph Borzel i bin go pas long ol lotu bilong opim nupela sios ya.

Long dispela taim, ol bin sanapim sevenpela haus kuk long redim kaikai bilong ol lain manmeri husat i bin kamap na witnesim dispela sios opening.

Orait, long Sarere nait, sikspela manmeri i bin kisim blesing bilong marit na tripela pikinini i kisim baptismo long dispela nupela sios.

Ol wan wan grup long distrik i bin putim ol singsing tumbuna na danis i go brukim tulait inap long Sande moning, Disemba 17.

Na ol tasol tu i bin pulim ol lain delegeet i go insait long nupela haus lotu.

Long Sande nau, ol bin gat komunio sevis long nupela sios.

Ol bikman bilong sios i bin givim sampela toktok na bihain long en, ol bin givim ol presen samting i go long ol invaitet ges na ol dispela manmeri husat i bin wok hat tru long redim nupela sios bilding i bin kisim ol presen bilum we ol asples yet long seket ibin wokim.

## Tripela Filipino Katolik Sista winim 25 yia long wok misinari

EDDIE SAUNDERS  
i raitim

TRIPLELA Katolik Notre Dame Sista i bin amamasim 25 yia kontrak long givim laip bilong ol long Bikpela.

Misa lotu long makim dispela de i bin kamap long Sivarai Namona Pastorel senta long Bomana, ausait tasol Mosbi siti. Dispela em long Sarere Disemba 30 long apinun.

Tripela sista ya i bilong Filipino Ailan. Nem bilong ol em Sista Magdalen T. Gorecho OND, Sista Nellie I. Margate OND na Sista Miriam V. Solito OND.

Tripela ya i bin riniuwim na sainim kontrak bilong ol gen long dispela de. Ol Katolik komyunit bilong Filipins insait long Mosbi i bin bung na amamas wantaim tripela Sister long bikde bilong ol.

Asbisop bilong Mosbi Katolik Asdaiosis, Sir Peter Kurongku i bin go pas long lotu misa bilong



□ Long lephan i go long rait em Sista Magdalen Gorecho, Asbisop bilong Mosbi Asdaiosis Sir Peter Kurongku, Sista Nellie Margate na Sista Miriam Solito, tripela wantaim Asbisop bilong Mosbi Katolik Asdaiosis Sir Peter Kurongku.

dispela de. Na i tok olsem em i amamas long gutpela wok misinari we ol Filipino sista i mekim insait ong Mosbi asdaiosis.

Na em i laikim moa misinari bilong Filipino Ailan i kam wok long


Mosbi Asdaiosis. Long wanem em i lukim olsem ol Filipino na Esia misinari i save hariap long kisim tokples na pasin tumbuna bilong ol Papua Niugini pipel. Na tu ol i save pren na stap gut wantaim ol asples pipel.

Tripela sista ya i bin amamasim wok kontrak bilong ol wantaim Bikpela Jisas. Na i save wok long ol misin stesin insait long Westen provins. Ol OND Sista i wok insait long PNG na Solomon Ailans nau.

Ol bin kam nambawan taim long kantri long mekim wok misinari long yia 1985. Olgeta dispela sista i bin bung na witnesim ol tripela susa bilong ol i sainim gen kontrak long wok yet olsem ol wokmeri bilong Bikpela Jisas na God.

# YU NO INAP WINIM

## TOYOTA HILUX 4x4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapatim dispela nupela kar.

 TOYOTA

Ela Motors



# Kasam Pas i bungim hevi yet long rot blok

OL raskol pasin bilong stapim ka na stil i kamap bikpela long Kasam Pas insait yet long lsten hailens provins.

Bikpela kago trak na pasindia bas we i wok long ron i go kam long Okuk haiwe, i wok long bungim birua taim ol i wok long ron i go daun o kam antap long Kasam Pas.

Planti ripot i save kamap long raskol pasin long Barola veli long Henganofi. Dispela i mekim na ol plis patrol i wok hat long ron i go kam long daunim hevi long Barola veli. Olsem na ol trabelman i muv i go daun long kasam Pas, we ol i wok long blokim haiwe rot long hap na stilim ol kago samting na mani bilong trak draiva na ol pablik husat i laik go daun long Lae o go antap long hailens.

Wanpela long ol dispela pasindia bilong Goroka yet husat i no laik tokaut long nem bilong em i tok, tupela taim insait long wanpela wik ol raskol i bin stapim bas we em i bin ron long en, na i stilim olgeta kago na mani bilong ol pasindia. Ol raskol i kisim K300.00 bilong em. Dispela mani em i laik karim i go daun long Lae na baim bek buai long karim i go bek long Goroka na salim long maket.

Pasindia ya i tok, dispela birua i bin kamap long Fraide. Bihain long dispela birua em i go daun long Lae, na neks de (Sarere), em i painim PMV bas na i go antap long Goroka long kisim sampela moa mani na i go daun ken long Lae long baim buai. Foapela de em i stap long Goroka. Long Fonde em i kisim narapela K300.00 na kalap long wanpela PMV bas na i ron i go daun wantaim ol arapela pasindia.

"Taim bas ya i kamap long Kasam

## SAPE METTA i raitim

Pas, mi stat long tingting planti taim bas i ron i go klostu long hap we mipela i bin bungim ol raskol 5-pela de i go pinis. Kamap long dispela hap stret 6-pela man i kalap i kam aut long haiwe rot na stapim bas mipela i ron long en".

Tupela i holim hom med gan, wanpela i holim pam eksen (pump action) gan na narapela i holim fektori med sotgan, em i tok.

"Draiva i stapim bas na ol trabelman ya kisim ki long em na rausim mipela ol pasidia i kam aut long bas na sekim poket bilong mipela. O i rausim K300.00 bilong mi gen".

Ol i rausim olgeta kago na tokim olgeta lain long kalap long bas. Ol i givim ki i go bek long draiva na draiva i ronim bas i go daun long Lae.

Man ya i tok tupela marit husat i pasindia long dispela bas i bin lusim olgeta kago na K500.00 kes mani long han bilong ol dispela raskol man.

Pasindia ya i tok, nau yet planti man na meri i wok long lusim planti kago na mani long han bilong ol raskol long Kasam Pas.

Em i tok dispela rabis pasin i no bin kamap long Kasam Pas long bipo, tasol nau yet stat long las yia i kam inap nau, pasin bilong blokim rot na stil long ol pablik i kamap bikpela moa long Kasam Pas.

Em i askim nau ol atoriti long kamap wantaim moa helpim long kamapim moa plis patrol long Kasam Pas haiwe long sevim laip na kago bilong ol manmeri husat i laik ron long haiwe i go antap long hailans o go daun long Lae na Madang.



**Nupela sotkat** □ Ol manki bilong Hohola i wokabout long nupela friwe rot i go daun long Konedobu na Ela Bis. Ol wokman bilong rot i wok long stretim dispela bikpela rot em bai go olgeta long Jeksan ples balus long Mosbi. Nupela rot bai i mekim isi long ol kar i go daun long taun.

## Papagraun pasim graun long wara saplai projek

WANPELA Komyuniti Lida bilong Did ples long Karkar Ailan, Musob Komet i tok olsem, wanem ol graun yumi stap long en, em i no bilong yumi wei yumi yet wokim, nogat God Papa tasol i wok na yumi i lukautim tasol.

"Olsem na ymi noken tambuim ol wok kamap o developmen bilong traim stretim sindaun bilong yumi."

Komet i mekim dispela toktok long namba 27 dei bilong mun Oktoba long Did viles taim Ekting Edministreta bilong Madang Mista Kikereng Wargem na Asisten Sekreteri bilong Provinsel Afes Mista Nick Genia go lukluk raun long Karkar ailan.

Long dispela taim tu Siaman bilong Sosel Sevises, Edukesen na Helt long Madang Interim Provinsel Gavman, Turuk Wape

## BEN TAUMAI i raitim

na Komanda bilong PNG Difens Fos Brigadier Jeneral Jerry Singirop i bin stap insait tu long dispela bung wantaim Distrik Menesa bilong Karkar Willie Agong.

Komet bin mekim dispela tok-tok bihain tasol long Ekting Edministreta Mista Wargem i tok-tok long ol, long wei bai ol kisim helpim insait long dispela nupela rifom we bikpela gavman i oraitim pinis long palamen.

Koment i mekim dispela toktok long wanem em na ol pipel bilong em long Did ples i no wanbel long ol pipel husat bin tambuim graun na wara bilong ol. Wok i no kamap yet long pulim paip wara i go long ol sampela ples husat i save kisim taim tru

long wara long taim bilong bikpela san.

Mista Wargem i bekim tok bilong Komet olsem, em wanbel wantaim toktok bilong Komet long wanem em tok graun em yumi no wokim, nogat.

Bikman (God) antap i wokim na yumi em man i lukautim tasol olsem na yumi mipela i gridi na tok em graun bilong mipela.

Olsem na long dispela as yumi bai i no inap kisim developmen o helpim i kam long gavman.

Tasol bihain liklik Mista Wargem it ok em bai salim ol gavman opisa bilong dipatmen long Madang i kam kisim sampela bikman long ples na traim stretim toktok wantaim man husat i tok em papa bilong dispela graun na wara na traim stretim hevi kwik.

WANPELA yangpela man bilong Madang i winim kos bilong sekim sik AIDS long kantri Japan. Joseph Pawying krismas bilong em 24 bilong Raikos long Madang bai i go skul tupela mun long tupela Nesanel Medikal Yunivesiti long kantri Japan. Em bai skul long wei bilong sekim na painim aut sik AIDS yusim ol haiteknoloji masin bilong hausik.

Joe em wanpela Medikal Laboratori Teknolojis (medical laboratory technologist) long Patologi dipamen bilong Mosbi Jenerel Haus Sik.

Na yangpela Joe em wanpela

## Manki Madang go skul long sik AIDS

### EDDIE SAUNDERS i raitim

stret insait long Saut Pasifik olgeta. Joe i winim dispela sans bilong skul moa long save na hat wok bilong em yet. Planti ol lain i aplai tasol Joe i winim ol.

Na em tok amamas long ol bikman bilong helt dipatmen na bikpela haus sik long Mosbi we em i wok long sapatim em long winim dispela skul. Bikos taim em i stat wok em i nogat haus na em i save

wok na slip long wokples bilong em. Na tu taim nogat man o meri bilong wok em i save givim em yet long go wok. Ol Helt Dipatmen i luksave long em long dispela hat wok bilong em.

Long Japan Joe bai skul long tupela bikpela Nesanel Medikal Trening sekta long Tokyo siti. Dispela tupela mediakal yunivesiti em, Shinjokus-ku na Murayama. Na JICA opis long Mosbi i go pas long stretim rot bilong em na sponsorim tu long stap bilong em long Japan. Ol silip na kaikai bilong em

bai long Hachiqi Intanesenel trening senta em JICA yet i stretim.

Na kos em bai kisim em Virological Diagnosis bilong Hiv Infeksi (virological diagnosis of HIV infection). Luksave na painimaut long ol kainkain we blong sik AIDS i save stat na kamap olsem wanem.

Dispela narapela wik Mande kos bai i stat na pinis long Februari na Mas bai em i kam bek.

Joe Pawying i tok tu olsem em i amamas tru long go skul moa. Na em tok tok tenkyu i go long bikman

(Papa God) long givim dispela sans. Bikos mi givim mi yet i go long wok blong mi na wok blong i go long God long sevim ol sikman na meri, em pipol long God. Em yet em katolik yut lida long Boroko. Em i lukautim mani bilong ol yut.

Em i tok em i olsem man i makim kantri PNG long Japan na em bai wok strong long skul na tu soim pasin bilong em olsem embasada bilong PNG. Na taim em i kam bek em i laik putim dispela save em i kisim i go long wok tru na lainim ol wanwok bilong em Joe i tok. Joe bai kam bek long mun Mas.

**OPIM AI**

wantaim  
**JOE KAU**



Nesanel Gavman i noken sruk long singaut bilong Sosoro Hewago na ol pipel bilong em long Sauten Hailans provins. Ol Fasu na ol Foe pipel i mas gat moa sea long Kutubu Joint Venture Wel Projek. Wel em bilong Papua Niugini na i stap long graun bilong ol Fasu na ol Foe pipel. Ol i gat rait long askim long moa sea long dispela projek.

Husat tru i papa long dispela projek? Husat i kisim bikpela winmani long dispela projek?

Minista John Giheno i tok olsem dispela wai em Papua Niugini i papa long en. Em i tok olsem olgeta samting aninit long graun em bilong ol pipel bilong Papua Niugini. Na bilong wanem em i no laik sapatim Mista Hewago na lain bilong em?

Lukluk gen long ol seaholda bilong Kutubu Joint venture. Gavman na ol pipel bilong Papua Niugini i bosim 30 pesen tasol. Ol lain ovasis i bosim 70 pesen. Em i klia nau olsem Papua Niugini i no bosim dispela projek. Ol ova-

## Harim singaut bilong ol papagraun

sis lain i bosim dispela projek na kisim moa mani.

Mista Giheno i tok wel em i bilong ol pipel bilong Papua Niugini. Na bilong wanem na em i givim 70 pesen i go long ol ovasis lain. Moabeta em i rausim 60 pesen sea bilong ol dispela ovasis lain na givim long ol pipel bilong Papua Niugini olsem Mista Hewago na lain bilong em.

Sapos Mista Giheno em i minista tru bilong Papua Niugini, orait, em i mas askim Chevron, BP, BHP, Ampolex na Merlin Petroleum long rausim sampela sea bilong ol. Na givim long ol pipel bilong Papua Niugini. Bai gutpela sapos gavman yet i baim sampela moa sea long ol dispela ovasis kampani.

Gavman i noken katim sea bilong em na givim long Mista Hewago na lain bilong em. Tingim Bogenvil. Francis Ona na lain bilong em i bin askim long sampela moa mani long bagarap i kamap long sindaun bilong ol. Hevi i stap yet long hap.

Bilong wanem na Mista Giheno i no laik sapatim tingting bilong Mista Hewago long pasim dispela projek. I luk olsem Mista Giheno i laikim ol ovasis kampani i papa yet long dispela projek. Na kisim bikpela winmani i go ovasis.

Mista Hewago i askim gavman tu long noken salim ol plisman i go long hap. Gavman i mas harim toktok bilong Mista Hewago. Taim Francis Ona i autim belhevi bilong em, gavman i salim ol

plisman i go long hap. Hevi i stap yet.

Gavman i mas sindaun gut na harim singaut bilong Sosoro Hewago na ol pipel bilong em. Maski long harim mauswara bilong ol ovasis lain.

Nau tu ol studen long ol yunivesiti i tok kros long tingting bilong gavman long sasim skul fi long dispela yia. Planti studen nau long yuni em nesanel gavman i baim skul fi bilong ol.

Planti bilong ol dispela lain i no inap stap long yuni sapos gavman i no wokim dispela pasin. Ol mani lain tasol bai skul long hap.

Dispela tingting em i no bilong helpim ol asples na ol grasrut pikinini. Em bilong

helpim ol mani lain tasol. Ol pikinini asples na grasruts bai kisim taim stret.

Gavman i tok o i nogat mani. Tasol ol i gat planti mani long wokim ol wok i no helpim ol pipel bilong Papua Niugini. Ol i yusim K24 milien long kamapim wanpela nupela skul long Mosbi. Ol i yusim moa long K60 milien long kamapim wanpela bikpela rot long Mosbi.

I luk olsem olgeta pipel bilong Papua Niugini i stap long Mosbi. Na olgeta lain husat i stap long Mosbi bai yusim dispela skul na rot.

Sori tru. Skul ya em bilong ol mani lain. Na rot ya em bilong ol bikpela bisnis tasol. Mipela ol manmeri nating, sore tumas.



# Chanel 7 long Ostrelia baim Jana Wendt long K1.5



Tasol long dispela yia, Chanel 7 i laki long stilim Jana Wendt na sampela biknem ripota.

Nau yet Chanel 7 i kisim pinis sampela nem ripota bilong ol arapela televisen kampani olsem Anne Fulwood bilong Chanel 10, na tu kisim gen Stan Grant, husat save presentim Real Life program long bipo.

Jana Wendt i gat 38 krismas nau. Na aninit long dispela nupela tokorait wantaim Chanel 7, Jana i no inap long salim moa stori long US 60 Minit tim long Amerika neks yia.

Aninit long kontrak bilong em wantaim Ostrelia 60 Minit long bipo, Jana i save givim 12-pela ripot long wanpela yia i go long US 60 Minit.

Eksekutiv produsa bilong US 60 Minit,

Don Hewitt i tok long stat bilong las yia i kam inap nau, em i bin traim hat long grisim Jana Wendt i go wok wantaim ol olsem ful taim ripota.

Sief eksekutiv opisa bilong Chanel 9, David Leckie i tok em i sori tru long lukim Jana i lusim ol. Tasol em i salim gutpela lak bilong em long Jana.

"Mipela i laik tenkim em long olgeta samting em bin mekim long mipela long 13 yia i go pinis," em i tok.

Long tupela yia i go pinis, ol ripota i bin kisim nius bilong Jana o toktok wantaim Jana long dispela samting. Tasol nau em i no laik mekim wanpela toktok long dispela samting. Tasol wanpela mausman bilong Chanel 7 i tok Jana i redi tasol long bungim salens long nupela wok bilong em.

*THE DAILY Telegraph Mirror*

## OL WOK BILONG JANA WENDT

**1957:** Mama i karim Jana Wendt long Melben, Ostrelia. Em i pikinini bilong man na meri refuji bilong Sekoslovakia, husat i stap long Ostrelia.

**1979:** Em i joinim Chanel 10 long Melben olsem wanpela meri bilong ritim nius tasol.

**1981:** Em kalap i go joinim 60 Minit program bilong Chanel 9.

**1988:** Stat wok long presentim 'A Current Affair' program.

**1991:** Em lusim 'A Current Affair' program taim ol bikman i soim wanpela stori bilong ol meri save sanap susu nating na wok long stua. Jana mekim olsem bikos em i no laikim ol i soim dispela stori.

**1992:** Em i mekim tingting long wok wantaim 'A Current Affair Program'. Na winim wanpela awod olsem top televisen presenta na ripota bilong dispela yia.

**1992:** Em i lusim wok na wok wantaim man bilong em, Brendan Ward.

**1993:** Em lusim wok long televisen na stap malolo long haus.

**1994:** Em i go bek joinim 60 Minit wantaim tokorait olsem em i ken salim ripot tu long Amerika 60 Minit.

**1995:** I gat bikpela tokwin olsem em bai go long Amerika long wok wantaim CBS televisen, tasol Jana joinim Chanel 7.

• Jana Wendt ... bikpela tokwin bilong em lusim Chanel 9 i kam aut kliu nau.

BIKNEM televisen nius ripota bilong Ostrelia, Jana Wendt i lusim pinis 60 Minit na bai joinim Seven Network o Chanel 7. I gat ripot olsem Seven Network bai baim Jana Wendt long mak bilong K1.5 milien long wanwan yia.

Dispela em i wanpela longpela stori long bisnis bilong televisen. Menesing Dairekta bilong Seven Network, Gary Rice i tokaut long Fraide Desemba 21, 1995 olsem em i kisim nau Jana Wendt long joinim televisen kampani bilong em.

Jana Wendt i bin wok wantaim 60 Minit long 13 yia olgeta nau.

"Tokorait bilong Jana long joinim nius

tim na karen afeas program bilong Chanel 7 bai givim bikpela nem stret long televisen kampani o wok bilong mipela," Mista Rice i amamas wantaim na tok olsem.

"Em i gat biknem long ritim nius na we bilong ripot we i save holimpas ai bilong planti pipel husat i lusim televisen. Olsem na em bai mekim bikpela wok long wokim biknem long nius tim na karen afeas program bilong Chanel 7 long 1996."

Jana bai presentim karen afeas program long wanpela aua olgeta long dispela yia.

Chanel 7 i bin traim hat long longpela taim tru long kisim Jana

Wendt i joinim em. Na nau em i kisim pinis Jana Wendt. Na em i mekim dispela long daunim biknem nius na karen afeas program bilong Chanel 9, narapela televisen kampani em Jana Wendt i wok wantaim bipo long 13 yia olgeta.

Chanel 7 i bin makim K1 milien long las yia na traim hat long kisim Jana Wendt long stat bilong yia 1980 i kam inap nau. Emi laikim Jana Wendt long joinim biknem ripota bilong ABC, Kerry O'Brien long nupela karen afeas program bilong Chanel 7. Tasol Jana Wendt na Mista O'Brien wantaim i no joinim Chanel 7.

**W.R. CARPENTER & CO. ESTATES**  
The largest grower and manufacturer of Quality Tea  
**Growers and processors of SIGRI, the finest High Grown Arabica Coffee from the Western Highlands of Papua New Guinea**  
P.O. Box 94, Mt Hagen. Telephone: 52 2700, Facsimile: 52 1616



# Kwin odarim Charles na Diana long brukim marit

I gat bilip nau olsem Prince Charles na meri bilong em Diana bai brukim marit bilong tupela, em i bin stap long 14 yia olgeta nau. Dispela bai kamap bihainim askim bilong Kwin Elizabeth 11 long Prins Charles na Ledi Diana mas brukim marit kwik.

Prins Charles em i namba wan pikinini man bilong Kwin Elizabeth. Na em bai kisim ples bilong mama bilong em na kamap king bilong Yunaited Kingdom, na ol Komonwel kantri olsem Ostrelia, Nu Silan, Papua Niugini na Solomon Ailan.

Tasol Prinses Diana i no amamas long dispela askim bilong Kwin long marit i mas bruk kwik.

Nau yet ol loya bilong Diana na Prins Charles i paitim toktok long marit bai bruk olsem wanem. Tasol i gat bikpela pret olsem Prinses Diana bai mekim sampela samting long bringim bikpela sem long Royal famili.

Sampela ripot i tok olsem:

Sapos marit i bruk, dispela i no inap stapim rait bilong Prins Charles long kisim ples bilong mama na kamap King, na bai kamap King Charles III, na

sapos marit i bruk, em i no inap long maritim prenmeri bilong em, Camilla Parker Bowles.

Prins Charles i yesa pinis long askim bilong mama bilong em olsem dispela marit i mas bruk. Tasol Prinses Diana i no mekim wanpela toktok yet long dispela samting. Diana i bin tok long mun Desemba, 1995 olsem em i no inap mekim wanpela toktok long dispela samting inap Nu Yia (1996).

Long mun Desemba, 1995, Diana i no bin amamas tru long askim bilong Kwin long em na Prins Charles i mas brukim marit i kamap pablik we planti pipel i save nau. Bikos em i no toktok yet wantaim tupela pikinini man bilong em, Prinses William na Harry, husat i stap wantaim em nau long Kensington Pales.



□ NOVEMBA 1992: Long wanpela visit i go long Korea, tupela i no luk olsem ol i amamas. Poto long antap i soim olsem tupela i gat wari.

Prinses William na Harry em tupela pikinini man bilong Prins Charles Charles na meri bilong em Prinses Diana.

Diana i bin tokaut long wanpela televisen ripot olsem "mi no inap long lusim dispela marit isi." Em i min olsem em bai mekim sampela nois pastaim bipo em i lusim sia olsem Prinses Diana.

Planti pipel long Yunaited Kingdom na long wol i ting olsem marit ya bai bruk isi tasol. Tasol bihain long dispela toktok bilong Diana, ol i ting nau olsem marit i no inap long bruk isi.

Diana i gat 34 krismas nau. Na em i laikim moa taim long tingting long dispela samting pastaim, bipo em i go long pablik o bungim famili bilong Prins Charles na toktok long en. Tasol Kwin i askim nau olsem

marit ya i mas bruk kwik. Na Diana i bilip olsem famili bilong Prins Charles, husat em i save kolim olsem "ol birua" bilong em i no mekim gutpela pasin long em.

Long Desemba, 1996, Diana i tok em i no laik stap wantaim Royal famili long amamasim krismas. Na ating dispela i mas mekim Kwin i belhat. Na laikim dispela marit long bruk kwik.

Ol ripot i tok Diana bai pait strong wantaim ol Royal famili long tupela pikinini i mas stap wantaim em. Na tu em wantaim tupela pikinini i mas kisim sampela mani em Prins Charles i save kisim.

Prins Charles i save kisim K4 milien long olgeta yia.

Ol ripot i tok Kwin i belhat na laikim marit i bruk kwik. Bikos hevi bilong dispela marit i bringim

bikpela sem nau long famili bilong Kwin.

Wanpela pren bilong Diana i tok: "Em "(Diana) i kalap nogut tru long dispela leta."

Leta em Kwin i salim i go long Diana i bin kam aut long niuspepa. Bihain long dispela, Praim Minista bilong Gret Briten, John Major i bungim Diana long Kensington Pales. Na tupela i paitim toktok long wanpela aua olgeta.

Em i wok bilong praim minista long stretim ol kain bikpela hevi namel long Royal famili.

I gat bilip olsem Mista Major i toktok wantaim Diana long wanem kain bikpela pablik wok Diana ken mekim bihain long marit i bruk. I gat bilip olsem Diana i laik kamap wantaim mauseri o embaseda bilong Gret Briten long ol ovasis

kantri. I gat sampela ripot tu olsem Diana bai toktok strong olsem em mas holimpas tupela pikinini bilong em yet.

Na tu mani bilong Royal famili mas kam tu long em na tupela pikinini. Bai ol i noken go askim nabaut ol bisnisman meri na lida long wol long mani bilong lukautim ol.

I gat bilip olsem em bai askim tu long wanpela bikpela haus, ating Kensington Pales, wantaim sampela wokman meri, sampela ka na sekyuriti bilong lukautim em na tupela pikinini.

Ol saveman long lo i tok sapos marit i bruk, dispela i no inap stapim Prins Charles long kamap King long bihain taim.

- THE DAILY TELEGRAPH



□ Julai 28, 1981: Tupela i luk amamas na marit i gutpela long fes taim.





# Lukautim bisnis bilong yu insait na aut

Las wik yumi toktok long was long mani i lus long bisnis. Dispela wik mipela bai toktok long mani i lus long ausait olsem long raskel i brukim stua, raskel i hensapim wokman, kastoma i stil o giaman sek mani.

Olgeta samting ya em stil na sapos wanpela i kamap, dispela em wok bilong polis. Tasol sans bilong kisim bek ol samting we ol mani i stilim i no bikpela tumas. I gutpela long daunim sans bilong stil. Stopim stil long i no ken kamap i moa gutpela.

## Brukum (Break-in)

Banis bilong yu i mas i gat gutpela sekyuriti. Kisim sekyuriti gad o gutpela dok bilong was long banis. Katim ol diwai na arapela samting i stap arere long banis nogut ol raskel i ken yusim long kalap antap long banis na go insait long banis bilong yu. Putim ol lait long ausait bai banis bilong yu i gat lait na mekim banis bilong yu i stap ples klia.

Joinim alam o belo i go long banis na ol bikpela samting bilong yu. No ken holim bikpela mani long haus na tu i no ken putim planti ka long haus bilong yu.

## TOKTOK BISNIS

### wantaim

#### BOB WHEELER

Putim serial namba long ol samting bilong yu. Sapos i no gat serial namba, yu yet i mas putim serial namba long ol. Rausim olgeta mani long kes rejista (til) na larim i stap op. Ol plisman i mas save long telefon namba bilong yu long haus.

#### Raskel hensap (Armed holdup)

Long taim raskel i kam holim yupela, yu mas was long wanpela woka i no ken kisim bagarap. Harim tok bilong ol na bihainim tasol yu mas was gut long wok-abaut na sanap bilong ol. Mekim nois long alam sapos yu gat sans. Taim ol raskel i go pinis, raitim wanem samting yu lukim long en long ol raskel ya.

Raskel i save holim kampani taim ol i save kisim mani i go long benk o kisim mani long benk na i

kam bek long wok. Ol i save holim ol wokman sapos i gat mani bilong kampani i save long wok ples. Sapos yu laik i go long bek long putim mani, askim sekyuriti long go wantaim yu. Dispela i moa gutpela long yu yet i go.

Potnait pe bilong ol wokman i mas go gut tru. Larim ol sekyuriti kampani i go kisim mani na i kam long wokples. Stapim ol ausait manmeri long i no ken go insait long banis bilong kampani long taim bilong pe de. Lukim olsem banis bilong kampani i klia pastaim long mani bilong ol wokman i kam.

#### Stil long stua

Bisnis i save lusim mani long stil long stua. Long Australia, ol i save skelim olsem ol bisnis i save lusim mani long mak olsem \$600-700 milion long olgeta yia.

Long stapim kain pasin bilong stil insait long stua, ol wokmanmeri bilong stua i mas opim ai na was olgeta taim long ol manmeri i go insait long baim samting long stua. Sekyuriti tu i mas was gut long dispela.

Insait long stua, • no ken larim wanpela hap bilong stua i stap nating, • sekim ol gamet we ol kastoma i kisim i go insait na kam ausait. Ol kastoma i ken putim gamet i go aninit long han bilong ol nakarim samting i go. • Mekim ol ples insait long stua i stap klai na klia. • Long bikpela stua we ol kastoma i save go insait long sevim ol yet, wokim wanpela rot tasol i go insait na wanpela rot i kam aut. • yusim masin bilong sekim ol manmeri i go aut long stua. Masin ya bai mekim nois sapos kastoma i hatim samting long poket. • was gut long ol man husat bai lukluk raun nating long stua na i no baim samting. • was long han bilong kastoma bikos han i save stil • lukluk long ol kastoma i werim bikpela siot na kolos samting. • was long ol kastoma husat i pret na guria nating • was long kastoma husat bai tok, mi orait na i no lai bai yu helpim em o toktok long en.

Sapos yu laik sekim wanpela kastoma bikos yu ting em i haitim samting long poket, go isi na mekim samting isi pastaim. Tingim hevi kastoma bai kisim sapos em i no mekim samting tru

na yu utim tok nating long en. Na tu tingim hevi kampani bai kisim sapos em i stil tru. Sapos yu sekim kastoma ya nating na sutim tok long em i stil, em i ken kotim mipela long sutim tok long em na mekim em i sem long ai bilong pablik.

#### Giaman sek

Sek i no wanpela samting we i egensim lo. Planti manmeri i save yusim sek long baim ol kaikai na samting long stua. Tasol yu mas was long ol dispela samting.

• sekim gut sek ya na papa bilong sek ya. Inap yu bilip na klia tru long man ya, orait yu ken senim sek bilong em long mani. • Noken oraitim sek we papa bilong sek i no kam na narapela man i kisim i kam. • No ken oraitim sek we mak bilong mani i bikpela long mak bilong trenseksen. • No ken oraitim sek we de bilong em i wanpela o tupela mun i go pinis. • Taim yu oraitim na kisim sek ya pinis, hariap na krosim na putim i go long benk akaun bilong stua. No ken holim sek ya i stap longpela taim long stua.

# NPF kamapim K11 milien win mani long 95

## VERONICA HATUTASI i raitim

NESENEL Providen Fan Bot bilong Trasti (NPFBT) i kamapim K11.9 milien olsem winmani (profit) inap long Oktoba 30 las yia, 1995. Dispela em mani mak long profit we NPF i kamapim bipo long ol i rausim takis long en.

Long dispela wik yet, Deputi Praim Minista na Minista bilong Fainens, Chris Haiveta i tokaut long dispela samting. Em i tok amamas long lukim olsem NPF i no wokim tasol winmani. tasol em bin inap long yusim gut mani long mekim ol wok bilong Fan we long wankain taim i sevim moa long K120,000.

Long taim em i tokaut long winmani we Fan i kamapim. Mista Haiveta i amamas tu long pasin we ol memba long bod bilong trasti i wanbel long en na dispela em long apim interes pe i go long ol NPF memba. Mak long apim interes long 1995 em long 1.0 pesen (%) na dispela inap long 7.5 pesen mak i go antap long 1995. Dispela em i abrusim mak bilong 1994 we i bin stap long 6.5 pesen.

Orait, winmani bilong las yia bihain long ol takis i kamap olsem K9.2 milien. Ol bai tilim dispela mani i go long ol fan memba long dispela yia tasol dispela em bai stap olsem winmani i go long ol akaun bilong ol memba long 1995.

Mista Haiveta i amamas long lukim olsem insait long las tripela yia, NPF fan i groa stat long K120 milien mak i go antap long K163 milien mak. Dispela i min olsem insait long wan wan mun yet, fan i kamapim moa long K1 milien mani mak.

Em bin tokaut tu olsem i kam inap long mun Oktoba las yia (1995), mani mak we i kamap long seving bilong ol fan memba inap long K9.7 milien.

Na mani mak i we ol kampani o employa i putim antap long kontribusen bilong ol wok manmeri inap long K13.4 milien. Orait, bungim tupela wantaim i kamapim total inap long K23.2 milien.

Skelim wantaim mani mak long wankain taim long 1994 we i bin nap long K20.8 milien na long las yia mak i bin go antap long 11.4 pesen. Dispela tu i soim olsem planti fan memba nau i gat laik long sevim mani bilong ol long kisim bihain long taim ol i pinis long wok o ol i go lapun.

Mista Haiveta i bin tokaut tu long mani we ol memba i bin rausim long fan inap long pinis bilong mun Oktoba. Long total mani mak bilong K13.5 milien, 72 pesen long ol dispela i bin rausim mani long wanem ol bin pinis long wok, memba i dai na narapela 19 pesen i bin go long ol memba i kisim mani long peim lon bilong ol haus.

Long wankain taim, Mista Haiveta i singautim ol lain husat i lukautim ol fan bilong ol memba long mekim ol wok bilong ol long lukautim gut mani.

Bihain long lukim NPF invesmen ripot, Mista Haiveta i amamas long lukim olsem fan i bin inap long yusim gut mani long ol bikpela prosek long kantri olsem Lahir Gol long Nu Ailan, Kutubu Wel, Porgera Gol, Saut Is Gobe Wel Fils, Poreporena Friwe, Ramu Suga, Niugini Insurens Koporesen na ol arapela liklik invesmen moa.

Mista Haiveta i bin tokaut tu long nupela siaman bilong NPF bod. Man ya em Evoa Lalatute husat i holim wok olsem deputi seketeri wantaim Foren Afeas na ambasada bilong kantri long Esia. Em bai kisim ples bilong man husat i holim dispela wok na seketeri bilong Fainens na Plening, Rupa Mulina.



• Sepik basket em bikpela samting bikos em i gat planti wok bilong em. Dispela tu em wanpela gutpela rot planti mama na yangpela i mekim long kisim mani.

## Polisi bilong ol papagraun long wel na ges prosek i mas kamap klia

DEPUTI Oposisiien lida na memba bilong Galf Roy Evara i singaut strong long nesanel gavman long kamap wantaim wanpela klia polisi long lo bilong onasip o husat i papa tru long wel na ges prosek insait long kantri. Dispela long mekim na ol papagraun i ken kisim gutpela samting o long ol i stap insait long ol prosek we i stap long graun bilong ol, Mista Evara i bin tok.

Mista Evara i bin mekim dispela singaut long dispela wik long strongim gavman long em i mas larim hap sea bilong ol papagraun long Kutubu wel prosek i go long kampani bilong ol, Petrokina.

Em i tok strong long gavman long lukaut bikos sapos em i no harim singaut bilong ol papagraun, bai i gat kikbek i kam long en.

Em i tok pasin we gavman i mekim long tok olsem ol papagraun long Kutubu i nogat

eksperiens long sait bilong maketing o dispela kampani i no makim olgeta papagraun long prosek eria em ol giaman toktok we gavman i autim. Dispela i soim tu olsem gavman i no gat bilip long ol asples pipel i stap insait long ol bikpela risos prosek, Mista Evara i bin tok.

"Sapos gavman i gat tingting long strongim as bilong ekonomi developmen, mi no lukim as long gavman i pasim hap sea bilong ol papagraun long Petrokina kampani bilong ol Kutubu papagraun. Mi bilip strong olsem Petrokina i gat kapitel (mani) na em i ken maketim hap sea krut wel bilong ol", Mista Evara i bin tok.

Em i tok gavman i ken helpim Petrokina long kamap olsem namba wan lenona kampani long kantri long go het na mekim samting em i ken mekim. Na maski long givim nogat ansa olgeta taim i go long ol papagraun bilong Kutubu.

"Mi singaut strong long gavman long kwiktai givim ol samting we ol i askim long en na long dispela kampani bilong ol i ken kamap olsem maina produsa wantaim 5 pesen (%) sea long Kutubu prosek", Mista Evara i tok.

"Aninit long lo bilong maining na petroleum long dispela taim, i luk olsem kantri i lusim ol raits long nesanel developmen long han bilong ol ausait kampani. Ol tasol i save kamapim ol arapela kain developmen long ol risos eria we ol i wok long en long laik bilong ol", Mista Evara i bin tok.

Em i tok taim nau long glasim na lukluk gut long risos onasip, wok developmen na fainensel straksa long kantri. Em laik lukim senis i mas kamap kwiktai long ol dispela eria. Dispela em Konstitusene Komisin inap kamapim pastaim long ol provin-sal gavman rifom i kamap.





□ Yangpela Boni bilong Boera viles insait long Sentrel provins i salim pis long K5 wan wan rop. Bai yu i no inap abrus long em bikos em i save karin raun ol pis insait long dis na i save go long ol haus bilong ol manmeri bilong salim.



□ Lapun ya i salim ol emti rais nt plaua bek long K2 na K5 long Mosbi. Em i tok planti manmeri is save gat kainkain wok bilong dispela bek. Wampela wok bilong ol bek em i putim ol buai i go insait long karim ol i go long maket.



□ Husat i tok olsem ol emti plastik botol i rabis! Nogat dispela ol lain ya i save salim ol emti botol long Erima insait long Mosbi. Ol i save salim ol emti kontena long ol lain ples husat i save kam long Mosbi long baim kerosin na petrol



□ Liklik Abere Tamati na mama bilong em i malolo o wokim wampela samting long rausim tingting bilong wok ol i save mekim long taim ol stap long opis. Olsem na dispela ol lain i go long wampela piknik long las wiken long Sirinumu dem. Poto JOE IVAHARIA



□ Tupela wokman bilong Wantok Niuspela long Lae Morobe provins i holim Niu Yia kek na bos bilong ol Alphonse Pu wantaim had sanap long namel long tupela na mangalim stret dispela kek.



□ Planti manmeri insait long taun na siti i mas gat sampela kain malolo o wokim wampela samting long rausim tingting bilong wol. Na tru ol dispela lain i bin painim tim long go piknik long Sirinumi ausait long Mosbi las wiken. Poto JOE IVAHARIA



## Charlie nogat amamas moa long Krismas na Nu yia

"KRISMAS na Nu Yia em ol rabis de . . . mi no laik tru long harim nem bilong dispela tupela de long laip bilong mi."

Dispela em toktok bilong wanpela mangi husat i gat 10-pela krismas. Mi no laik holimpas dispela hap toktok i stap long mi yet. Olsem na mi laik skelim wantaim yupela ol arapela rita. Bikos long namel bilong stori i gat gutpela as long mangi ya i tok em i no laik save long nem Krismas na Nu Yia. Pinis bilong stori i givim piksa tu long mipela olgeta long senisim o rausim olgeta pasin long tingting nogut bilong yumi na kamap "nupela man" long laip bilong yumi wanwan o olsem wanwan famili.

Orait 4-pela de bipo long Krisman i go pinis, mi bungim wanpela mangi, husat bai mi kolim olsem Charles.

Long Krismas na Nu Yia, planti lain i save tingting long go lotu. Planti i laik holim ol pati na amamas na kisim planti presen. Bikpela tru em ol pikinini.

Ol skul pikinini bai kisim malolo bilong ol long skul. Na long dispela taim mi

### FELIX RAMRAM i raitim

bungim Charles. Em wok-about wanpis stret long rot i kam. Mangi ya mi save bungim olgeta taim long taim mi mekim wok bilong mi raun long Vanimo taun.

Wanwan taim mi save

wantaim tok amamas bilong Krismas na Nu Yia i go long em. Nau, planti taim mi save bungim em, em i wanpela pikinini bilong dresap gut tru. Wokabout bilong em tu planti taim em i save wanpis

tokim Charles.

Na Charles i bekim, "dispela em i tru pren, na wanem stori yu laik stori wantaim mi". Toktok bilong mi na Charles i stat olsem. "Desemba em las mun bilong 1995 na Januari em nupela mun long 1996 em

askim.

I kisim tripela o foapela minit bipo long Charles i opim maus bilong em na toktok, tasol wantaim hatpela taim long toktok. Na i mekim mi ting olsem wanpela samting i pasim nek o maus bilong em. Na em i painim hat long toktok. Mi lukluk long pes bilong em tu, na pes bilong Charles i soim pes we i gat bikpela sori o wari. Na em i no bin tokaut o i bin toktok long en long longpela taim wantaim sampela lain. Olsem bai lewa na tingting bilong em i ken sindaun gut. Mi wetim em long bekim askim bilong mi, tasol wantu mi lukim ol traipela raun wara i lusim tupela ai bilong em. Na pundaun i go daun long tupela sait long pes bilong em.

"Olsem wanem Charles, i gat sampela samting i rong long yu . . . o ating mi mekim sampela toktok we yu no amamas long en?", mi askim gen. Nau Charles i apim het bilong em i go antap na meknais long hed bilong em long soim olsem yesa. Nek bilong em i klia nau na em i opim maus na i toktok isi. Taim em i toktok, mi stap isi tasol na harim olgeta toktok bilong em.

Charles i tokim mi olsem: "Krismas na Nu Yia em ol rabis de. Mi no laik tru long harim nem bilong dispela tupela de long laip bilong mi. Bikos foapela yia i go pinis, mipela i bin stap insait long bikpela amamas bilong Krismas na Nu Yia. Amamas bilong dispela tupela de tasol i rausim laip bilong papa bilong mi. Olsem na mi promis olsem olgeta yia inap long dai bilong mi, mi nogat wanpela samting long mekim wantaim dispela tupela de. Na mi tu i nogat laik tru long harim nem Krismas na Nu Yia.

Charles i stori olsem ol bin stap long Lae long dispela taim. Papa bilong em i wanpela haiwe drajva. Papamama bilong em, tupela liklik brata na planti arapela wantok na pren, olgeta i amamas long lukim pinis bilong 1991 na bungim nupela yia long 1992. Amamas wantaim pati i stat tupela de bipo long Krismas de stret. Narapela 6-pela de bihain long dispela pati i go het yet inap nait bipo long Nu Yia. Wanpela aua bipo

long 12 kiok nait long nupela yia bilong 1992, papa bilong em i pam long ka na i dai pinis.

Charles i gat 6-pela krismas tasol long dispela taim. Tasol piksa bilong bagarap bilong tupela ka i pam, wantaim blut i pas na kapsait insait na ausait long papa i pam, na pen na dai bilong papa i soim long pes bilong em i stap long tingting bilong em. Na Charles i no inap tru long lusim tingting. "Famili bilong mi, mipela ol famili bilong kamapim amamas long taim bilong Krismas na Nu Yia. Planti ol pren na Owantok i save kamap long haus na mipela kaikai na stori. Taim ol bikpela manmeri ol i dring spak, mipela ol mangi i save kisim presen long dispela taim. Taim ol narapela i go lotu long Krismas na Nu Yia, mipela tu i bihainim ol. Tasol long haus ol amamas i stap yet," em i tok.

Long dispela taim, taim toktok i kisim Charles ol long haus olsem papa i dai pinis, amamas bilong mama na Charles ol i pinis nating. Ol i no inap bilip olsem papa pam long ka na i dai. Charles i toktok strong olsem papa bilong em i haiwe draiva. Na em i gat planti save long draivim ka. Em i no inap pam, maski em i spak tu. Mama i tokim Charles long stap long haus, tasol Charles i strong olsem em mas go tu long bik rot na lukim i tru olsem papa bilong emi dai o nogat.

Taim ol i kamap, planti pipel i bung long sait bilong rot. Ol plisman tu i stap pinis na traim long rausim ol lain husat i stap insait long tupela ka wantaim.

"Mi no wari long husat manmeri i bagarap, mi laik tasol long lukim papa bilong mi, em i stap orait o em i dai pinis."

Ka Charles i stap insait long em stap long sait rot. Na wantu em i luksave long liklik ka papa i draivim. Ai bilong em i go insait long kabin na em tokim mama, "papa i kaikai tit bilong en na pes i soim mak bilong bikpela pen, bai mi go helpim em!"

Tasol ol plisman i stapim ol narapela lain long go klostu. Ai bilong Charles i stap strong long pes bilong papa bilong em.

I go moa long pes 14.

*"Krismas na Nu Yia em ol rabis de. Mi no laik tru long harim nem bilong dispela tupela de long laip bilong mi. Bikos foapela yia i go pinis, mipela i bin stap insait long bikpela amamas bilong Krismas na Nu Yia. Amamas bilong dispela tupela de tasol i rausim laip bilong papa bilong mi. Olsem na mi promis olsem olgeta yia inap long dai bilong mi, mi nogat wanpela samting long mekim wantaim dispela tupela de. Na mi tu i nogat laik tru long harim nem Krismas na Nu Yia."*

bungim em i wokabout wantaim wanpela marit, em bihain long mi toktok wantaim ol. Charles i tokim mi olsem dispela em kandre na anti bilong em, we bipo mi save ting em papa na mama bilong Charles.

Taim mi bungim Charles, i nogat wanpela manmeri long rot. Olsem na mi givim stratpela smail long em

stret. Na i no save toktok planti o pilai na mekim nabaut olsem ol arapela pikinini taim skul i pinis o taim ol i laik go long skul olgeta moning.

"Hei Charles, planti taim mitupela save bungim mitupela long rot. Tasol i nogat wanpela taim mitupela i stori long sampela minit. Nau em i sans yu na mi bai stori", mi

yumi save kolim Krismas na Nu Yia. Planti Kristen long wol bai go lotu na singsing amamasim de taim Mama Maria i karim Jisas long planti tausen krismas i go pinis long ples bilong ol Yuda man, Bethlehem. Olsem na long tingting bilong yu Charles, yu ting Krismas na Nu Yia i gutpela taim long laip bilong yu?", mi



### Misis Kerepia sekim sindaun bilong ol Goilala pipel

Tripela meri husat em man bilong ol i dai pinis. Long lephan i go long rait em Misis Anne Kerepia, Jenny Kiri na Weru. Misis Kerepia em meri bilong olpela CIS Komisina, Paias Kerepia. Long nu Yia awot bilong Kwin, em i kisim wanpela namba olsem Memba bilong Britis Empaia (MBE). Em i kisim dispela namba bikos long hatwok bilong em long wok bilong ol meri insait long Nesenel Kapitel Distrik. Ritim stori bilong em long pes 15. Foto: Ivan Bayagau.



# Katolik Kapusin brada dai bihain long em i givim 40 yia sevis

**Brata Claude i bilong Merilen long Yunaited Stets ov Amerika (USA). Mama i bin karim em long Mas 26, 1917. Na bin kisim tok promis long kamap wanpela Kapusin brata long 1935. Em gat nem long wok long ples bilong em long Merilen na Wasington DC olsem wanpela brata, bipo long em i kam long PNG olsem wanpela misinari long 1956.**

WANPELA lapun Katolik misinari husat i wok 40 yia long Papua Niugini i bin indai Fonde Januari 4, 1996.

Nem bilong dispela misinari em Brata Claude Mattingly. Brata Claude em i wanpela Kapusin brata. Em i bin gat 79 krismas bipo long em i dai.

Planti Katolik pipel long Mendi na long ol arapela daiosis long hailans rijon i save long dispela brata. Long wanem em bin kirapim planti haus lotu, skul, haus tisa na haus sik long ol misewn stesin insait klong Sauten Hailans provins.

Brata Claude i bilong Merilen long Yunaited Stets ov Amerika (USA). Mama i bin karim em long Mas 26, 1917. Na bin kisim tok promis long kamap wanpela Kapusin brata long 1935. Em gat nem long wok long ples bilong em long Merilenna Wasington DC olsem wanpela brata, bipo long em i kam long PNG olsem wanpela misinari long 1956.

Namba wan ples long PNG we em bin sindaun na mekim wok em

long Mendi, biktaun bilong Sauten Hailans provins.

Olsem wanpela saveman tru long wok mekanik na kapenta, Brata Claude i bin wokim haus slip bilong ol Kapusin brata long Mendi, konven bilong ol Katolik Sista, nupela haus lotu long Mendi.

Na tu em i gat nem long wokim plen bilong planti arapela haus long ol Katolik skul long Mendi, ol klasrum, haus tisa na ol haus pater bilong 16 Katolik misin stesin insait long Sauten Hailans provins.

Long dispela wik Mande long Januari 8, planti pipel, wanwok na pren bilong Brata Claude i bin bung long Katolik haus lotu long Mendi. Na wokim lotu misa bilong Brata Claude.

Bihain ol i planim bodi bilong em long Mendi yet. Em i kamap olsem namba tu Kapusin brata husat i dai na ol i planim long kantri yet. Dispela i save kamap bihainim askim na laik bilong wanwan brata.

Long taim Brata Claude i kam olsem misinari na stap long Mendi, em bin stat long sanapim wanpela

woksop. Na tu givim trening i go long ol yangpela asples pipel long Mendi long kamap olsem ol kapenta.


Na taim ol misinari i go aut na karamapim planti eria long wok bilong ol, Brata Claude i bin save mekim ol plen bilong ol bilding long ol nupela misin stesen.

Tupela sori taim long laip na sindaun bilong em hia long PNG i bin kamap taim konven o haus bilong ol Sister long mendi i paia. Na gen i no longpela taim bihain, Konven long Det i paia.

Tupelaya i bin ol bikpela bilding we ol bin wokim long ol pemanen matiriel olsem kapa, plang na ol samting we ol waitman i wokim long wokim haus.

Tasol bihain long ol i kliarim hap we ol bilding i paia, Brata Claude ibin sanapim ol nupela haus sista gen.

Bihain long planti yia em i mekim wok misinari long Madang, ol bin salim Brata Claude i kam long Bomana Katolik Seminari ausait tasol long Mosbi.



□ Br Claude Mattingly

Em save stap long haus Kapusin long Bomana na go hetim yet wok long helpim pipel long lukautim ol paspot na visa bilong ol misinari. Sapos ol misin i laikim helpim wantaim wok bilong sanapim ol bilding, kamra na kapenta, ol i save askim Brata Claude long en.

Tupela bilding long Bomana we brata Claude i bin helpim long sanapim em long Dominiken koles, na novisiet bilong ol Henmeits bilong Lot long Nasaret antap long Bomana.

Na 10-pela mun i go pinis long

Mas 19, 1995, Brata Claude i bin amamasim 60 krismas bilong em i wok olsem wanpela Kapusin brata.

Bikpela misa lotu i bin kamap ausait long Sen Fidelis Koles long Kap, we moa long 200 sumatin wantaim ol bikman meri bilong sios na provins i bin kamap long amamasim bikde bilong brata.

Bisop Stephen Reichert wantaim 17 Kapusin bratar na pater, na ol arapela sios woka na memba i bin stap tu long dispela lotu na amamas de bilong lapun brata ya.

## Charlie nogat amamas moa long Krismas na Nu Yia

i kam long pes 13

Na taim ai bilong Charles i harim mama i toktok wantaim krai: "O God let Tony live, for me and the kids!" Long dispela taim tu mama i gat bel long susa bilong Charles, Stellar. Ai bilong Charles i no lusim ka papa bilong em i stap insait long en. Charles lukim wanpela plis opisa wokabaut i go long narapela opisa na toktok long em. Bihain long em i go long ka papa bilong Charles i stap insait long en, opisa ya i toktok na tromoi het. Charles luksave olsem dispela plisman em wanpela pren bilong papa. Plisman ya i daunim het na stat long krai. Dispela em mak nogut na i min papa i mas dai pinis.

Strong bilong Charles i kam bek. Em rausim han bilong mama husat i holim strong han bilong em. Na em spit i go long ka na holim papa.

"Mi singaut tasol papa i no bekim. Mama tu i ron i kam, mitupela i singaut tasol papa i no muv, opim ai o bekim tok long mitupela mama. Ol plisman i kam na kisim

mitupela i go long sait na sampela wokman i kam wantaim ol masin bilong katim na rausim ol lain i pas insait long tupela ka wantaim."

Mama wantaim ol wantok bilong papa na Charles i go long ka bihainim papa na ol narapela i kisim bagarap i go long ambulens long haus sik. Long ka Charles i harim mama i krai na i tok: Tony yu no ken dai. Ol pikinini bilong mitupela i no bikpela yet. Yu go bai husat i lukautim mipela.

Charles i pasim tingting long noken krai inap em harim gut toktok bilong ol dokta na sista long haus sik pastaim. Long haus sik ol i wet inap long wanpela aua olgeta. "Bihain mi lukim wanpela dokta i kam. Mi tingting tasol, plis mi no laik harim nius nogut, nius i mas gutpela olsem papa bilong mi i stap orait."

Dokta i kam na i tok sori olsem ol i no inap mekim wanpela samting. Tripela long dispela 7-pela man long tupela ka wantaim i dai stret long taim tupela ka i pam. Tupela draiva wantaim i dai na 4-pela i

kisim bikpela bagarap tru long bodi bilong ol. "Wanem ol narapela toktok dokta i tok mi no harim. . . mi no inap moa long holim sotwin na krai bilong mi.

"Pren (Mista Ramram), dispela em taim nogut tru long laip bilong mi. Na mi mekim strongpela promis tru olsem, mi no inap tru long dringim ol strongpela dring. Mi no inap tru long wok draiva. Na bikpela samting mi no inap tru long gat wanpela samting long mekim wantaim Krismas na Nu Yia. Bikos amamas bilong dispela tupela de tasol i mekim na papa bilong mi i dai."

Mi askim ken; "Na Charles, wanem samting i kamap long mama na tupela narapela brata bilong yu?" Liklik pren bilong mi i tok, "Mama, mi na Junia Tony i save gat wari long planti taim. Planti taim mipela i no save kaikai gut. Maski mama i kukim kaikai long mipela. Taim mipela i lukim ol mangi i ron i go na hangamap long ol papa taim ol i pinis wok na i go bek long haus o papa bilong ol i

givim ol loli o wanem samting, mama i save krai na bai mipela olgeta i stap wantaim wari.

Dispela wari i mekim na klostu mama bilong Charles i dai tripela mun bihain long papa i dai. "Taim mama i go long haus sik long karim liklik Stellar, mipela i laki na mama wantaim Stellar i stap orait. Nau ol i stap long ples bilong mama. Na mi kam stap hia wantaim kandre na anti bilong mi long skul."

"Na long dispela holidi, bai yu go lukim mama, Junia Tony, narapela liklik brata na Stellar tu?" mi askim Charles. Tasol Charles i tokim mi olsem em i no inap go long ples. Bikos ples bilong mama bilong em i longwe tru. Na bai kisim tripela de long wokabaut. Ples tu i stap longwe long bikpela rot bilong kar i save ron longen, na tu bai i nogat man long kisim em i go bringim em long ples. Olsem na em bai lusim nating holidi bilong em long Vanimo taun.

Taim liklik pren bilong mi i pinisim stori bilong em em i pulim

longpela win pinis, na tu i draim wara long ai bilong em, em i tokim mi tu olsem tripela wik i go pinis, em i kisim wanpela pas i kam long mama. Na em i amamas olsem foapela wantaim i stap gut tasol long ples.

Long tenkim liklik pren bilong mi, mi tokim em tu olsem mi tu papa na mama bilong mi i dai pinis. Na em i no en ting olsem em wanpela i lusim wanpela memba bilong famili bilong em, na em i mas amamas olsem mama bilong em i no dai olsem mi. Stori bilong mi na pren bilong mi Charles i pinis na em i wokabaut i go.

Long haus, stori bilong Charles i wok long raun raun long het bilong mi. Na mi kamap long wanpela tingting olsem, yes dispela em i tru. I no olgeta amamas i save gutpela olgeta taim. Amamas i save bringim sori na wari long famili na wanlain o ol gutpela pren bilong yu. Na dispela sori na wari i helpim mi long mekim ol narapela i luksave na wantu ol i senisim pasin na sindaun bilong ol tu.





# Avele pipel i no kisim yet gavman sevis

VERONICA HATUTASI i raitim

"Mi no nap long bilipim olsem bihain long 20 yias kantri i kisim indipendens, i gat yet sampela pipel husat ino kisim ol besik sevis olsem helt, edukesen na rot long i go i kam salim ol samting bilong ol long maket na tu yusim long kisim ol sevis na mani long helpim ol i go hetim gut laip na sindaun bilong ol".

Misis Anne Kerepia, wampela lidameri husat i go pas long wok bilong ol meri na komyuniti insait long Nesenel Kapitel Distrik i bin autim dispela toktok bihain long em i kam bek tasol long wampela wokabaut i go long ples Avele we i stap long Dilava kausil eria insait long Goilala distrik, Sentrel provins.

Misis Kerepia i bin kisim luksave long wok bilong em long helpim ol meri na komyuniti long kantri long dispela yia taim Kwin i givim em awot long Nu Yia wantaim ol arapela lain long kantri. Medol we Misis Kerepia i kisim em olsem awot em long memba bilong Sivil Divisen long mos ekse-len oda long Britis Empaia (MBE).

Long dispela, Misis Kerepia i givim bikpela tok amamas na tenkyu bilong em i go long komyuniti husat i mekim na em i kisim dispela awot. Em yet i no bin harim long dispela awot inap long sampela lain i toksave long em long dispela samting long Fane Katolik Misin long taim em na grup bilong em i wok long kam bek long stap bilong ol long Avele.

Orait, Misis Kerepia, Ruth Bai husat i literesi kodinata wantaim Yang Wimens Kristen Asosiesen (YWCA) na wampela Kristen Laip Senta (CLC) pasto i bin mekim dispela wampela wik wokabaut i go long ples Avele, stat long Disemba 27 inap long las wik Fonde apinun, Januari 3. CRC grup na komyuniti long Avele i bin singautim ol long stap insait long wampela lotu kruset bung we komyuniti i bin holim long hap long Nu Yia wiken.

Bikpela as tingting bilong Misis Kerepia na Misis Bae long wanbel long go het wantaim dispela wokabaut em long helpim ol meri na komyuniti long pasin bilong rit, rait na kisim save long haijin na pasin bilong lukautim

gut famili long sait bilong helt na kaikai.

Ol liklik binatang nogut we i save kaikaim skin bilong man (ol i save kolim lijis long tok Inglis) i bin bagarapim tru lek bilong tupela meri na ol i pilim pen long olgeta hap long bodi bilong ol long dispela wokabaut i go long Avele. Long wanem ol bin wokabaut 13 awa olgeta long lek long kamap long Avele. Helikopta i bin lusim ol long Fane Katolik Misin stesen. Bikos i nogat rot o ka long helpim ol long dispela wokabaut, ol bin wokabaut nain (9) awa na nait i bungim ol na ol i slip long wampela ples pastaim bipo long ol i go hetim wokabaut long narapela foapela (4) awa long lek long kamap long Avele. Ren i pondaun wasim ol long rot na antap long en, ol i kalapim ol bikpela wara na maunten bipo long ol i kamap long Avele.

"Maski mipela i bungim pen na hevi long bodi bilong mipela long dispela longpela rot, mi amamas tru long mekim dispela wokabaut i go long Avele. Bikos mi luksave na lainim planti samting we mi no bin save long em pastaim.

"Bikpela samting tru we mi luksave na kirap nogut long en em watpo tru na ol pipel long dispela eria i no kisim ol besik sevis olsem helt, edukesen na rot? Namel long 75 na 80 pe sen long komyuniti i no save long rit na rait. Na dispela i karamapim moa long 500 pipel i kam long Avele na ol ples klostu long en.

I nogat helt senta, etpos na skul klostu long ol long kisim ol sevis we ol i laikim long ol pikinini na ol bikmanmeri yet.

"Taim ol bikman long komyuniti i harim kamap long grup bilong mipela

long ples, ol bin singautim komyuniti na mipela i bung na toktok.

Ol meri i tokaut olsem ol i laikim mipela long holim ol woksop na ol i ken skruim save long somap, kukim gutpela kaikai, lainim haijin na pasin bilong givim gutpela balens kaikai long ol pikinini na famili. Mipela bai i kirapim na go hetim dispela program long mun Julai bilong dispela yia. Long nau, mipela i makim pinis tupela yangpela man, wampela yangpela meri na wampela bikpela meri bilong Avele eria yet long YWCA i givim trening i go long ol na ol yet iken go bek long ples na skulim ol pipel bilong ol".

Misis Kerepia i bin tok. Na mipela bai i kisim helpim bilong Yunaitet Nesens Developmen Program (UNDP) long go hetim dispela program.

Insait long 20 yias bihain long indipendens, mi kirap nogut tru long lukim olsem gavman na ol palamen memba bilong Goilala

distrik i no putim kamap wampela rot, skul o helt senta long helpim komyuniti long Avele. Na ples ya i stap insait long sentrel provins, klostu tasol long hetkota bilong yumi long kantri, Mosbi. Fane misin stesen tasol we Katolik Sios i lukautim i save givim sampela helpim i go long komyuniti.

Stesen ya i gat wampela komyuniti skul na helt senta tasol em i stap samting olsem 15 mail longwe long Avele. Na ol pipel i painim hat tru long wokabaut i go kisim marasin na ol arapela helpim long Fane bikos i nogat rot.

Ol pipel i bihainim ol bus rot tasol na kalapim ol bikpela wara na maunten long kamap long Fane.

Bikos long dispela, planti mama i karim ol pikinini long ples na planti bilong ol i save dai. "Wampela komyuniti skul i stap foapela (4) mail longwe na dispela em long Kodige.

I go long pes 18

□ Kanage i wok olsem plisman long Mosbi. Em wok i stap na go aut long baim sampela kaikai logn stua. Sem olpela prenmeri bilong Kanage ring i go long plis stesin.

Wampela plisman kisim telepon na prenmeri askim: Could I speak to Mr Kanage. Plisman i harim na ting olsem meri tru bilong Kanage i ring. Kwiktaim em bekim: Is this Anges? Na olpela prenmeri i bekim: Wanem Agnes. Anges em bilong nau tasol. Mi wantaim Kanage bilong bipo yet.

Olpela prenmeri ya i min olsem Agnes em nau tasol Kanage i bungim na maritim. Mi em olpela prenmeri bilong Kanage. Tasol mitupela i no marit.

Papa Kanage  
MOSBI

■ Kanage i bilong Kerema. Wampela Sande apinun em kisim ol wantok bilong em na ol i go waswas long nambis arere long Kerema taun. Ol waswas i stap na Kanage swim long beksait long beksait stail i go ausait long solwara.

Sem taim em i wok long singim feveret singsing bilong Hollie Maea ben: Maunten wara bilong Kerema, miks wantaim solwara ... "I no longtaim Kanage tanim na lukim olsem em i stap pinis long namel bilong solwara. Man em kalap nogut stret taim em lukim ol dolfin i lukim em na swim i kam. Em lukim fin o tel bilong ol dolfin na ting olsem ol sak bai kaikaim em nau.

Kwiktaim em tanim na swim strong stret i go bek long nambis, na tanim singsing bilong em long Bikman mas sevim laip bilong em: Jisas i namba wan man, Jisas i namba wan ..."

Ol wantok bilong Kanage lukim olsem na ol i dai stret long laip.

Papa Kanage  
MOSBI

□ Kanage em i wampela hapman stret bilong bikhet long ples. Wampela de em kisim ol yangpela mangi na ol kilim kakaruk bilong wampela bikman long Kaindi. Bihain ol baim wampela paket rais, na kisim i go kukim long mangro wantaim dispela kakaruk. Man ol i amamasim ol yet na bel i pulap stret. Bihain ol i kam bek long haus na slip.

Orait long neks de, bikman ya i painimaut olsem wampela kakaruk i no stap. Em bikmaus nau long husat tru i kilim kakaruk bilong em. Tasol olgeta mangi i pasim maus na stap isi tru. Bikman bikmaus i go na bel kaskas stret.

Em stap i go na long nait em i go long matmat na singautim dewel bilong ol daiman na meri. Bihain em kisim wampela mambu i kam na holim long neks de long ples. Dispela mambu bai ol dewel i pusim i go bihainim rot ol mangi kilim kakaruk, na bai soim klia olsem mangi ya.

Ol bikman i kam na holim mambu ya nau. Mambu i kirap na bihainim stret rot ol mangi i kilim kakaruk na karim i go long mangro. Ol mangi lukim olsem na bel bilong ol i sut nau.


Ol stap na lukim mambu i go stret long hap ol mangi kukim kakaruk long mangro, na bihainim rot i kam bek. Taim mambu i kamap gen long ples, kwiktaim ol mangi i go holim tu as bilong mambu wantaim ol arapela bikman.

Taim ol mambu i pilim ol trabel mangi i holim em, em i seksek moa. Na bikman bilong kakaruk wantaim ol arapela lain i ting nau olsem klostu bai mambu i soim stret ol trabel lain.


Tasol ol mangi i strong na stiam mambu i go stret long bikman bilong kakaruk, husat i sotwin na sanap arere long kokonas. Em nau ol i sutim tok long bikman yet i kilim kakaruk bilong em, na sutim tok nating long ol arapela lain. Bikman ya i bel kaskas olgeta. Bikos plen bilong em i no karim kaikai o kik bek long em yet.

Papa Kanage  
MOSBI

Moa long pes 21



## "GUTPELA KIAU"



I STAP LONG OLGETA NABAWAN RITEL  
NA HOLSEL STUA LONG PAPUA NIUGINI





# Big Bro **REBO**



BIHAIN LIKLIK

AHA! NAU MI SAVE... PLANTI BILONG OL IGAT LOAN APLIKESAN...

...NA MI BAI SAINIM NA TOK - ORAIT LONG OL LONG KISIM MONI O NOSAT! MAN, MAN!



I'M SORI, TASOL YUMI OLGETA MAS YUSIM LO BILONG OPIS. INO WANTOK SISTEM!



SEKETERI INAP YU TAIPIM DISPELA INTANOL MEMO NA PUTIM LONG NOTIS BODZ... MI LAIKIM OLGETA WOKUAN LUKIM!

ORAIT BOSS!



MAN! OLGETA BAI KISIM TAIM STRET LONG KISIM LOAN!...

...OLI TING REBO EM ISI MAN TRU!



# Spak **MAIK**



NEKS DE MINISTA MAIK I SILIP LONG HAUS SIK...

OOH!



MINISTA SILIP ISTAP NA OL POLIS I KAM...

MONING MINISTA MAIK... MIPELA KAM LUKIM YU!

...YEAH! NA ARESTIM YU WANTAIM!!



MIPELA ARESTIM LONG MISYUS OF UNLAISENS FAIA-AM LONG PABLIK!

WA-!?!



SO MIPELA BAI HANKAFIM YU LONG BED BILONG YU...

...NA YU NO INAP LONG ESKEIP!!

OHH, PUS KILIM MI TASOL...



# Niupela lo na oda progrem bilong Sabama

IVAN BAYAGAU i raitim

SAPOS yu stap long Sabama na yu gat wanpela gutpela haus na yu laik rentim i go long ol wokman o meri insait long Mosbi, bai yu painim hat stret long painim wanpela gutpela manmeri long rentim haus ya.

Bikos Sabama em i wanpela ples, we i gat nem long pasin raskol. Na ol manmeri husat i stap longpela taim long Mosbi bai tokim yu stret olsem dispela ples i no gutpela tumas.

Em i tru! Tasol 1996 em i wanpela nupela yia, na i gat planti manmeri i save senis.

Sabama tu i sampela bikpela senis i kamap pinis. Na i laik kamapim gutpela nem bilong em long ai bilong ol pipel.

Planti ol yangpela man bilong Sabama husat i stap nating o raun nating i bin bung na statim wanpela progrem wantaim ol plisman ol i kolim long tok inglis olsem "Crimestoppers" o stapim raskol pasin.

Dispela progrem em i wanpela gutpela progrem we wanpela plisman, Sinia Konstabel Silas James i bin kamapim long bungim olgeta yangpela manmeri husat i stap nating long bung wantaim. Na wok wantaim ol plisman long stapim kainkain hevi ol pipel na narapela lain i save bungim long ples Sabama.

Wok bilong ol Crimestoppers em long lukaut long husat raskol i laik mekim nabaut long ol meri husat i kam long maket o long ol bas draiva na pasindia bilong em o ol i save laik kamapim pait nating.

Sapos wanpela i kamap wantaim dispela kain hevi, ol Crimestoppers bai stapim em kwiktait.

Na kisim raskol ya o dispela bikhet man o meri i go long plis long sasim em.

Tasol wok bilong ol i no stap long hia tasol. Ol crimestoppers i save lukautim maket, ol pablik toilet, na tu ol i save planim na lukautim ol diwai klostu long rot na bas stop.

Nau yet ol i sanapim ol rabis dram long wanwan kona bilong Sabama sopin senta, we ol pipel i ken tromoi pipia long em.

Sapos yu hambak na tromoi pipia long laik bilong yu, bai yu baim K2 spot fain. I gat tambu tru long kaikai buai insait long maket. Sapos yu no bihainim tok bilong ol, yu ken bai baim K2 long dispela.

Ol pipel i raun long Sabama ples i amamas tru long dispela nupela progrem, plis i bin kamapim we i lukluk long helpim ol yut long luksave long we bilong kamapim gutpela ples wantaim rispek tu.

Ol i tok olsem ol mama i no moa pret long go long maket. Na tu ol mama i no moa pret long wokabaut long nait.

Man i go pas long progrem, Sinia Konstabel James i tok olsem dispela progrem em ol i traim tasol. Em i tok wankain progrem i stat pinis long Manu Autopot na tu long Kaugere, we i stap klostu long Sabama.



Gavana bilong Nesenel Kapital distrik, Bill Skate tu i soim amamas long dispela. Na em i tok olsem em bai givim sampela kain helpim.

Bikos em i tok ol yangpela manmeri i lukautim gut ol maket, toilet, na tu long planim na lukautim ol diwai long Sabama.

Sinia konstabel James i tok em i laikim ol bisnisan na meri long luksave long dispela progrem.

Na traim givim sampela kain helpim long ol yangpela manmeri.

Crimestoppers i laikim bikpela trak bilong kisim ol pipia i go tromoi long pipia ples. Na tu ol i laikim sampela mani bilong baim singles bilong putim na mekim wok bilong ol bai ol manmeri i ken luksave.



□ (Antap) Dispela poto i soim ol memba bilong Crimestoppers grup bilong Sabama. Dispela grup i bin kamap wantaim sapot bilong plis.

□ Morea Koivi long lephan wantaim Lea Kemori i mumutim ol pipia long Sabama na putim i go insait long dram em ol yangpela manmeri i redim pinis bilong mumutim pipia.

Ol poto: IVAN BAYAGAU



□ James Mugava, wanpela memba bilong Crimestoppers grup i soim diwai em ol i planim long Sabama.

## BusinessPhone advantage

EMI NO BIKPELA  
MONI TUMAS LONG  
KISIM NA TU BAI  
YU HAMAMAS LONG  
USIM TELIPON

Dispela  
Bisnis  
Telipon yu  
ken putim long  
ol liklik opis o long  
wanwan haus bilong yu tu.



Isi tru long usim rot bilong bisnis telipon na bai halivim yu long wei bilong wokim bisnis kamap strong na gutpela tru.

### ROT:

4 pela telipon lain na 16 pela ekstensin.  
Pon igat piksa  
Pon yet i toktok  
Hanfri olgeta  
Kibung toktok  
Pasim toktok  
Dailim las namba

Toktok long olgeta pon long wanpela taim.  
Sotwei long dailim namba.  
Pon i gat kilok wantaim alam na Kalkuleta.  
Noken ringim em.  
Musik i karai.  
Duo Pon.  
Soim lait long pon.

ERICSSON



TELEPHONES THAT MEAN BUSINESS

Croton Street, Hohola  
P.O.Box 5602, Boroko,  
Papua New Guinea.

Ph: 256566 Fax: 254445



### Ol Avele pipel i no kisim yet gavman sevis

I kam long pes 15

long dispela skul long wanem bikpela wara i stap namel long ples na skul na sampela pikinini i dai pinis long taim wara ya i save tait. Nogat bris tu i stap long dispela wara olsem tasol ol arapela bikpela wara long eria.

Long sait bilong kaikai, ol Avele pipel i nogat wari. Bikos i gat planti wara, kaikai, kumu na ol prut. Ol pipel i kisim tu gupela kolwin na fres ea bilong maunten. Tasol wanpela samting mi lukim em skin bilong planti pikinini ino kamap gut bikos ol mama i no save wanem gupela balens kaikai bilong givim long ol pikinini na famili.

Osem mi tok pinis, ol pipel i no kisim gupela sevis olsem helt, eduke-sen na rot samting long helpim ol bilong skruim save na kamapim gut laip na sindaun insait long ples na komyuniti. Dispela samting mi ting i mas kamap tu long ol sampela arapela hap long kantri. Dispela em long ol ples we i stap longwe long taun na ol gavman sevis ino go insait long ol pipel. Mi lukim olsem planti pikinini na ol bikpela manmeri wantaim tu i gat sik kus.

"Planti long ol yang-pela na ol arapela pipel tu i gat bikpela laik long skruim save long rit na rait. Lotu CRC i go insait nau long komyuniti na i mekim gupela long helpim ol i kamapim bel isi na pren pasin.

Lotu ya i kamapim planti ol kristen ektiviti progrem long helpim komyuniti.

"Ol pipel i gat bikpela hop long Tolokuma Gol main we i stap long distrik bilong ol bai i helpim ol long kisim ol sevis ol i laikim tru olsem skul, helt na rot. Na tu ol wok long kisim mani long em.

"Long dispela taim, ol Avele pipel i nogat rot bilong yusim na karim ol gaden samting bilong ol long salim long maket na kisim mani long em. Sampela taim ol i save kisim ol buai long salim long Fane, tasol em i longwe na i hat long karim bek buai na wok-abaut i go long Fane.

"Komyuniti long Avele i bin autim tu bikpela wari long hevi na bagarap we dispela Tolokuma gol main bai i kamapim long laip na sindaun bilong ol. Na tu long envaironmen bilong ol we i karamapim ol wara, bus, graun na ol samting we i stap insait long ol.

Wari bilong komyuniti i go bikpela bihain long ol i painim na lukim olsem sampela pis long bikpela wara bilong ol i dai. Dispela em bihain long wok insait long Tolokuma gol main i kirap.

Tasol ol i laikim helpim bikos ol i tok nogat man i helpim ol long taim ol i bin autim wari bilong ol long dispela samting pastaim. Ol pipel long ples Tulala i save wokim ol gaden kaikai klostu long dispela bikpela we i ron klostu long Tolokuma gol main.

Na ol i wari tru long laip na sindaun bilong ol nogut dispela wara i bagarapim ol gaden kaikai, wara bilong kuk, dring na waswas na kisim abus long em.

Ol i tokaut strong olsem ol no laik bai maining kampani i rausim ol long as ples bilong ol na sindaunim ol long narapela hap sapos Tolokuma main i go hetim strong wok bilong em, "Misis Kerepia i bin tok bihainim wari we ol sief na kaunsela i bin autim insait long wanpela bung we ol bin holim long Avele long taim grup laip na sindaun bilong ol. Na tu long stap long hap.

Na ol bin singautim em tu long sindaun na harim ol toktok long bung bilong ol.

# 5-pela de bebi swim long wara

PLANTI manmeri i no inap long bilip long dispela stori olsem wanpela bebi husat i gat 5-pela de tasol i swim aininit long wara long 2 mita olgeta.

Dispela em i wanpela trupela stori, we i bin kamap long Kwinslen long Ostrelia long mun Epril, 1995. Na bebi husat i mekim dispela em nem bilong em i stap insait long buk bilong ol lain i mekim samting we ol arapela i no mekim yet. Nem bilong dispela bebi meri em Bobbie Hawes.

Bebi ya i lainim long smim aninit long lukaut bilong kosa Brian Rudd. Dispela em long swimming pul long haus bilong ol Hawes famili.

Mama bilong bebi, Misis Hawes i tok em i no inap long bilip long dispela samting. "Mi karim Bobbie long Fraide tasol. Na nau em Trinde na bebi bilong mi i swim aninit long wara, maus bilong em i op nogut tru tasol


em i no pulim wara i go insait long maus, na tupela lek bilong em i kikim wara long swim."

Papa bilong Bobbie, Jonno i no stap long haus na lukim bebi bilong em i swim long swimming pul.

Tasol bihain long wok, kwiktaim em i kisim nius na go kamap long haus. Man em tu i kalap nogut long lukim bebi bilong em i swim aninit long wara.

"Man mi amamas tru ya," Jonno i tok. "Tasol mi no kalap nogut. Ieje na mi i bilip olsem taim bebi go insait kwik long wara na lainim long swim,, bai ol i no inap pret long wara. Bikos nau yet planti papama-pret long pikinini bilong ol i go long wara o long swimming pul. Long wanem ol i no save yet long swim. Na ol i ken dring wara na indai."

Ieje i tok Jonno (man bilong em) i tok stret. "Mi bilip ol pikinini mas go insait kwik long wara



□ Jono wantaim bebi bilong em

bipo ol pipel i tokim ol olsem wara i no gupela.

Long wanem nogut ol i dring wara na indai."

Namba wan pikinini meri bilong Jonno na Ieje i gat 20 mun nau. Nem bilong em Choppi.

Em i stat lainim long swim aninit long lukaut bilong kosa Brian, taim em i gat 6-pela wik tasol. Nau Choppi em i wanpela fit meri bilong swim.

Na kosa mas kisim bikpela tok tenkyu long dispela.

Brian i gat nem long lainim ol pikinini long swim long 40 yia nau.

Brian husat i gat 59 krismas i tokim ol manmeri i ritim dispela stori long noken bihainim kain pasin. "Mi no laikim ol manmeri long tisim ol bebi long swim. Mi save long wanem wok mi mekim. Nogut yupela bihainim mi na bungim birua."

New Idea

## BIRUA MAN

### MAN LONG GIVIM BIRUA LONG OL RASKAL



SIMON!



# Nau FM givim sans long ol pipel

ELIZABETH LENY i raitim

OLGETA taim wanpela nupela samting i kamap, kainkain tok nogut bai kamap.

Tasol ol pipel i no luksave olsem ol kain tok nogut bai wokim ol samting i kamap moa gutpela.

Nupela redio stesin bilong Papua Niugini em ol i kolim "96 Nau FM Bilong Yu" em wanpela bilong ol nupela senis em planti manmeri i save mekim kainkain toktok olsem ol i no mekim gut wok bilong ol.

Nau FM i gat sampela hevi bilong em yet. Tasol sevis em i givim long ol pipel i kamap moa gutpela isi isi. Na long givim moa gutpela sevis olsem wanpela DJ i tok, ol mas save long tingting bilong ol lisina o pipel husat save harim redio stesin bilong ol.

Dis Jokis em ol redio anaunsa husat save pilaim ol musik, kisim askim o laik bilong ol lisina long pilaim musik, na putim ol ges DJ long ea. Em ol lain husat i mekim stesin i stap laip na go het.

Ol DJ i wok aninit long progrem seksen bilong stesin. Nem bilong ol em Job Povai em ol i save kolim em "Graveyard man", lukautim stesin long 12 klok i go



• Eli Web long namel long lukautim stesin na tupela wantok, Claire Hayes na Rhoda Mojica i sanap luk-luk. Ol foto: Ivan Bayagau.

inap long 6 klok apinun, Ricky Kipau, husat i tekova long brekfes so long 6 klok moning i go inap long 10 klok moning, Eli Webb husat i tekova long 10 klok moning i go inap long 3 klok apinun, na Claire Hayes, husat i joinim progrem tim long nau tasol i tekova long stesin long 3 klok apinun i kam inap long 7 klok nait.

Na Kanawi Danomira bai teko-va long 7 klok nait. Bipo em Wayne Brew save lukautim stesin stat long 7 klok i kam inap long 12 klok nait, na lusim long han bilong Job, "Graveyard man".

Rhoda Mojica em narapela nupela wokmeri long progrem seksen. Em save helpim long wiken, na tu helpim long 12 klok nait i kam inap long moning.

Nikki Linge em i wanpela lo studen long Yunivesiti Bilong Papua Niugini long Waigani, Mosbi. Em save helpim tu long wiken wantaim Saut Pasifik Top 20.

Misis Linge i wok pat taim tasol.

Ol dispela yangpela manmeri i no kisim wanpela stretpela redio teknik trening. Tasol ol i putim strongpela hatwok bilong ol i go insait long mekim ol lisina i amamas long harim nupela redio stesin.

Hia em sampela bilong ol husat i laik tokaut long wanem kain

tingting long wok bilong ol.

Claire Hayes i gat 18 krismas. Em i hap blut bilong Is Sepik na Ostrelia. Na i tok, "Em i wanpela nambawan wok stret na mi laikim."

Em i tok wok i hat liklik long em bikos em i stat nau tasol. Tasol em i stat long gat bilip nau long wok bilong em. Wanpela samting i mekim em i amamas em em i pilim olsem em i helpim pipel long kisim toksave bilong ol i go long ol poroman na famili bilong ol long ol provins na kantri.

Rhoda Mojica i gat 22 krismas. Na em i bilong Filipino Ailan. Tasol nau em i wanpela sitisen bilong Papua Niugini. I no long-taim i go pinis em i pinisim skul bilong em long lo long Yunivesiti Bilong Papua Niugini.

Em i joinim Nau FM bikos em i gat bikpela laik long dispela kain wok. Mojica i tok taim em i llukautim stesin, sampela lain save ring long tok amamas long wanem kain wok em i mekim. Em i tok ol pipel o lisina olsem long Tabubil, Porgera na Lae save ring. Na dispela i mekim em i amamas long wok bilong em.

Eli Webb i gat 20 krismas. Na em i bilong Nu Ailan provins. Em i tok tu olsem planti pipel i ring na sapatim ol. Na dispela i apim stret tingting bilong ol long wanem kain wok ol i mekim.

Ricky Kipau i gat 21 krismas. Na em i hap blut bilong Manus,

Buin na Ostrelia. Em i progrem menesa.

Ricky i tok wok bilong em i hat liklik bikos em i nupela kain wok long em. Tasol em i amamas long wok bilong em. Bikpela wok bilong Ricky em long sekim olgeta musik samting we ol arapela DJ i pilaim. Na tu long lukim olsem taim bilong senis we ol arapela DJ bai tekova long stesin i ron stret.


Ricky i tok em i laik stretim liklik presentsin bilong em olsem DJ. Tasol em i tok olgeta samting i wok long komyuta tasol. Na ol i lainim yet. Olsem na i gat sans bilong wokim sampela asua.

Sistem ol i yusim em ol i tok i wanpela top sistem insait long Pasifik. Bikos ol i yusim ol kain masin we olgeta samting bai yu kontrolim long komyuta tasol.

Bikpela wok bilong ol DJ olsem bos bilong seksen Ricky Kipau i tok em long mekim ol lisina i harim kainkain musik.

Em i tok Nau Fm i no inap pilaim wankain musik olsem bilong Kalang FM. Bikos dispela bai mekim hat long ol pipel long makim wanem kain stesin long harim.

Em i tok ol i givim dispela sans long ol pipel wantaim gutpela resis. Em i tok tu olsem planti pipel bilong dispela kantri em ol yangpela pipel. Na nupela stesin i pilaim ol kain musik bilong bungim ol long gro wantaim.



• Claire Hayes i kisim nau ples bilong Eli Webb. Na Ricky Kipau i stiam em long wok.



## SATURDAY 13/1

## EMTV

3.30 PROGRAM HIGHLIGHTS G  
4.15 TRANSMISSION OPEN G  
4.30 UK TODAY  
5.00 BEYOND 2000  
5.55 CHIN H MEEN  
SUPERSOUND NEW RELEASE  
6.00 NATIONAL EMTV NEWS G  
6.30 DON'T FORGET YOUR TOOTH-BRUSH The gags and pranks staged during toothbrush each week are top secret as the element of surprise is the program's driving force; and games are played with and on the audience members themselves. When viewers least expect it, they could witness their neighbour, relative or friend participating (not always voluntarily) in an embarrassing stunt - the likes of which have never before been seen  
7.30 LOOKING GOOD  
8.00 EVENING SHADE  
8.30 NCDC NEWS: NCDC news from around the city.  
9.00 WOPA WORLD CHAMPIONSHIP WRESTLING Features World championships wrestling including glittering array of talent such as Ric Flair, Sting, the Nasty Boys, Mean Gene, Okerlund and Bobby "The Brian" Heenan, and the return of Hulk Hogan. G  
9.30 PNG TATTS LOTTO  
10.00 GILLETTE The best sport programming events in over thirty different sports. An exciting sporting series.  
10.30 MOVIE: SEEMS LIKE OLD TIMES G  
11.30 NATIONAL EMTV NEWS REPLAY  
12.00 MEDITATION  
12.15 TRANSMISSION CLOSE

## SUNDAY 14/1

## EMTV

3.13 PROGRAM HIGHLIGHTS  
4.47 TRANSMISSION OPEN  
4.49 CHIT CHAT WITH SIR PAULIAS MATANE  
4.57 EMTV TOKSAVE WITH DORIS BUIYO  
5.00 BONANZA  
5.55 CHIN H MEEN SUPERSOUND NEW RELEASE  
6.00 NATIONAL EMTV NEWS  
6.30 WORLD OF DISNEY: DAVEY CROCKETT - WARRIORS FAREWELL  
7.30 LUMEN 2000  
8.00 THIS IS YOUR LIFE The life stories of famous Australians in areas of entertainment, sports and the arts, as well as every day people who may have achieved greatness, but not necessarily recognition, will be told in THIS IS YOUR LIFE. Hosted by Mike Munro.  
8.30 SING WITH JOY  
9.00 MOVIE: THE MOUNTAIN MEN  
10.30 CHIT CHAT WITH SIR PAULIAS MATANE  
11.00 CHURCHES MAGAZINE  
11.30 NATIONAL EMTV NEWS REPLAY  
11.57 MEDITATION  
00.00 TRANSMISSION CLOSE

## MONDAY 15/1

## EMTV

4.30 PROGRAM HIGHLIGHTS  
4.57 TRANSMISSION OPEN  
5.00 ITN NEWS Up to the minute round up of the latest world news sport and business information from Britain's respected International Television News service.  
5.30 DAYBREAK NEWS Up to the minute round up of Australia's as well as international news.  
6.00 TODAY SHOW The best in breakfast television presented by ELIZABETH HAYES & STEVE LIEBMAN  
8.00 SESAME STREET  
9.00 TRANSMISSION CLOSE  
9.01 PROGRAM HIGHLIGHTS  
2.45 TRANSMISSION RESUMES  
3.00 KIDS KONE/SESAME STREET  
4.00 THE BOOK PLACE  
4.30 HOT SHOT  
5.00 SKIPPY  
5.28 EMTV TOK SAVE  
5.29 EMTV NEWS BREAK  
5.30 HOME & AWAY  
6.00 NATIONAL EMTV NEWS  
6.30 CURRENT AFFAIR  
7.00 SIMPLY IRRESISTABLE  
7.28 LOTTO DRAW  
7.29 CHIN H MEEN SUPERSOUND NEW RELEASE  
7.30 NEIGHBOURS  
8.00 MIND & BODY  
8.30 STREET JUSTICE: LEGACY-LOYALTIES One's got a gun and a badge. The others an expert in the martial arts.  
9.27 CHIN H MEEN SUPERSOUND NEW RELEASE  
9.30 THE MAN FROM SNOWY RIVER: THE RECRUIT  
10.30 YOUNG DOCTORS  
11.30 NATIONAL EMTV NEWS REPLAY G  
00.00 STATION CLOSE

Note: Programmes are subject to change without notice

## TUESDAY 16/1

## EMTV

4.30 PROGRAM HIGHLIGHTS  
4.57 TRANSMISSION OPEN  
5.00 ITN NEWS  
5.30 DAYBREAK NEWS  
6.00 TODAY SHOW G  
8.00 SESAME STREET  
9.00 TRANSMISSION CLOSE  
9.01 PROGRAM HIGHLIGHTS  
2.45 TRANSMISSION RESUME  
3.00 SESAME STREET  
4.00 BOOKPLACE  
4.30 HOT SHOT  
5.00 SKIPPY  
5.28 EMTV TOK SAVE  
5.29 EMTV NEWS BREAK  
5.30 HOME AND AWAY  
6.00 NATIONAL EMTV NEWS  
6.30 A CURRENT AFFAIR  
7.00 SIMPLY IRRESISTABLE  
7.30 CHIN H MEEN SUPERSOUND NEW RELEASE  
7.33 NEIGHBOURS  
7.55 COLD POWER CASH CALL DRAW  
7.57 EMTV TOKSAVE  
8.00 BORAL GAS HOMEAKER'S SHOW Homemaker's show gives you handy hints on sewing, crafts, health and nutrition as well as product demonstrations from electrical goods to beauty products.  
8.30 BLUE HEELERS police drama with a difference set in a small country town.  
9.30 EMTV TOK SAVE  
9.33 DR. QUINN MEDICINE WOMAN: PIKES PEACES  
10.33 YOUNG DOCTORS  
11.35 NATIONAL EMTV NEWS REPLAY  
11.57 MEDITATION  
12.00 STATION CLOSE

## RADIO

## NAU FM

06.00am headline News  
Ricki and Nikki  
06.30am French Bake Haus  
Horoscopes  
06.45am CHM New Local Release  
07.00am News  
07.30am Worthless Information  
07.35am First Investment Finance Ltd. Business Report  
07.40am Coca Cola Breaker  
07.00am News  
08.20am This "Day in History"  
08.40am Birthday calls  
09.00am News  
09.15am Telkom Phone in challenge  
10.00am News  
Eli Webb  
11.00am News  
11.05am Big Rooster Forty Minute Music Marathon  
12 Noon News  
12.15pm CHM New Local Release  
01.00pm News  
More Muzac  
02.00pm News  
02.05pm 3 from 1 at 2: (3 songs from 1 artist at 2 o'clock).  
02.30pm Telkom Phone in challenge  
03.00pm News  
Kanawi Danomira  
04.00pm News  
More Muzac  
05.00pm News  
05.05pm Pepsi Top 5 at 5  
06.00pm News  
More Muzac  
07.00pm News  
H.B. Brew. (The Night Man)  
07.15pm CHM New Local Release  
08.00pm News  
More Muzac  
12 Midnight News  
More Muzac until 6 am

## KALANG

0500 OPENING  
0505 BREAKFAST  
0530 MORNING DEVOTION  
0600 NEWS  
0630 BIRTHDAY CALLS  
0700 NATIONAL NEWS  
0715 SECRET SOUND  
0730 ON THE SPOT  
0800 NATIONAL NEWS  
0805 BREAKFAST (Continued)  
0900 NEWS  
0903 TALKBACK RADIO  
1000 NEWS  
1003 TALKBACK (continued)  
1100 NEWS  
1200 NEWS  
1205 LUNCHEON  
1300 NEWS  
1400 NEWS  
1403 AFTERNOON MUSIC  
1500 NEWS  
1600 NEWS  
1603 DRIVETIME  
1700 NEWS  
1800 NEWS  
1810 Sports Desk  
1900 NATIONAL NEWS  
1905 PNG BANK REPORT  
2000 NATIONAL NEWS  
2005 FM CLUB REQUESTS  
2100 NEWS  
2103 LATE NIGHT RADIO  
2200 NEWS  
2230 TODAY WITH DEREK PRINCE  
2300 NEWS  
2303 LATE NIGHT RADIO  
2400 CLOSE

## WEDNESDAY 17/1

## EMTV

4.30 PROGRAM HIGHLIGHTS  
4.57 TRANSMISSION OPEN  
5.00 ITN NEWS  
5.30 DAYBREAK NEWS  
6.00 TODAY SHOW  
8.00 SESAME STREET  
9.00 TRANSMISSION CLOSE  
9.01 PROGRAM HIGHLIGHTS  
2.27 TRANSMISSION RESUME  
2.30 BORAL GAS HOMEAKER'S SHOW  
3.00 SESAME STREET  
4.00 BOOKPLACE  
4.30 HOT SHOT  
5.00 GHOST WRITER  
5.28 EMTV TOK SAVE  
5.29 EMTV NEWS BREAK  
5.30 HOME AND AWAY  
6.00 NATIONAL EMTV NEWS  
6.30 A CURRENT AFFAIR  
7.00 SIMPLY IRRESISTABLE  
7.27 CHIN H MEEN SUPERSOUND NEW RELEASE  
7.30 NEIGHBOURS G  
8.00 GOLDEN MEKIM MUSIC  
8.57 PNG GARDNER  
9.00 MOVIE: SING From the writer/producer team of the new love story SING.  
10.30 A COUNTRY PRACTISE  
11.30 NATIONAL EMTV NEWS  
00.00 TRANSMISSION CLOSE

## THURSDAY 18/1

## EMTV

4.30 PROGRAM HIGHLIGHTS  
4.57 TRANSMISSION OPEN  
5.00 ITN NEWS  
5.30 DAYBREAK NEWS  
6.00 TODAY SHOW  
8.00 SESAME STREET  
9.00 TRANSMISSION CLOSE  
9.01 PROGRAM HIGHLIGHTS  
2.45 TRANSMISSION RESUME  
3.00 SESAME STREET  
4.00 BOOKPLACE  
4.30 GLAD RAGS  
5.00 GHOST WRITER  
5.28 EMTV TOK SAVE  
5.29 EMTV NEWS BREAK  
5.30 HOME & AWAY  
6.00 NATIONAL EMTV NEWS  
6.30 A CURRENT AFFAIR  
7.00 SIMPLY IRRESISTABLE  
7.28 LOTTO DRAW  
7.30 NEIGHBOURS  
8.00 PEPSI FIZZ  
An hour of local music entertainment and update of musical attractions around town.  
9.00 FISH INTERNATIONAL  
9.30 PNG TATTS LOTTO  
9.33 WORLD WIERDEST TV  
10.03 THE EXTRA ORDINARY The Extraordinary presented by Warwick Moss, a program that probes the world of the unknown, the unexpected, the unexplained and the unusual. The Extraordinary is the exceptional the exotic, the explosive the extreme, the eccentric and airs in 32 countries around the world.  
11.00 EVENING SHADE  
11.30 NATIONAL EMTV NEWS  
00.30 TRANSMISSION CLOSE

## FRIDAY 19/1

## EMTV

4.30 PROGRAM HIGHLIGHTS  
4.57 TRANSMISSION OPEN  
5.00 ITN NEWS G  
5.30 DAYBREAK NEWS G  
6.00 TODAY SHOW The best in breakfast television presented by ELIZABETH HAYS & STEVE LIEBMAN. G  
8.00 SESAME STREET G  
9.00 TRANSMISSION CLOSE  
9.01 PROGRAM HIGHLIGHTS  
2.45 TRANSMISSION RESUME  
3.00 SESAME STREET  
4.00 BOOKPLACE G  
4.30 GLAD RAGS  
5.00 THE GHOST WRITER  
5.27 EMTV TOK SAVE  
5.29 EMTV NEWS BREAK  
5.30 HOME AND AWAY  
6.00 NATIONAL EMTV NEWS National EMTV News followed by international news. G  
6.30 A CURRENT AFFAIR  
7.00 SIMPLY IRRESISTABLE  
7.28 LOTTO DRAW  
7.30 NEIGHBOURS G  
8.00 PNG GARDNER  
8.08 COUSTEAU DOCUMENTARY  
9.18 YEAR REVIEW - DOCUMENTARY - ARE WE UNDER THE SPELL  
10.48 EMTV TOK SAVE  
10.50 CHIN H MEEN SUPERSOUND NEW RELEASE  
11.00 A COUNTRY PRACTISE  
12.00 NATIONAL EMTV NEWS REPLAY  
00.30 TRANSMISSION CLOSE

## HBO Friday

8.30 MISSION TOP SECRET: THE TREASURE OF ELEPHANT RIDGE Centauri's arch enemy, Neville Savage, has just acquired Duplivox, Mark 7 - Sir Joshua's device that can steal voices. Having taken away the voice of a young opera singer, Carlos Jueves. Along with their Centauri members in Spain, Sandy and Spike race against time to save Carlos Jueves from Neville Savage's trap!  
10.00 WISHBONE 01: A TAIL IN TWAIN Joe and his friends, Sam and David, have an adventure at the end of summer in Jackson Park and learnt about the power of stories. Meanwhile, Wishbone as Tom Sawyer, has an adventure with Huck Finn in Mark Twain's "The Adventure of Tom Sawyer".  
11.00 FALL FROM GRACE Cody - Sydney's cop who breaks all rules - combs the grounds of a race track to solve the case of a dead jockey. What initially looks like the suicide of a leading jockey has now become a murder investigation. Cody and his partner Fiorelli (Mammone) uncovers some surprising clues.  
12.30 GUNSMOKE: THE LONG RIDE The legendary Marshall Matt Dillon, rides again! Here's a chance to relive the gun-slinging days of Gunsmoke with James Arness again. Playing the vintage role of Matt Dillon, Arness comes out of retirements to defend himself against a murder charge in the way he knows best - going after the trail of the actual culprits himself. On hand to give him support are Jane Merckel (MacGraw, Murder Elite), an independent frontier woman who runs a trading post and a drunken ex-preacher (James Brolin, Ted & Venus) in search of his own redemption.  
2.15 THE ASSASSIN - A flashy, stylish, fast-paced action drama based on the French thriller, La Femme Nikita. Maggie (Fonda, Singles & It Could Happen to You) is a beautiful, violent, young cop-killing junkie who is condemned to die when her government decides that she's better off being on their side.





■ Kanage i bilong Saranguandu long hap bilong Maprik, insait long Is Sepik provins. Em i wanpela rasta mangi. Na tu em i gat wanpela Suzuki ka.

Wanpela taim em i go raun long Wewak taun i go inap apinun. Na i gp spin long YC maket long Kaindi.

Long maket i gat sampela mama, na tu sampela yangpela meri i sindaun long maket i stap. Kwiktairm wanpela yangpela mama i singaut long Kanage: Mangi ya em rasta ya! Gras yu karim ya!

Taim Kanage harim olsem, man em kisim krangi filings na putim ful brek long Suzuki bilong en. Ensin i tak of na ka i no inap stat moa.

PS Kanage  
WEWAK

□ Kanage i sindaun long veranda long haus bilong em na kaikai buai i stap. I no longtaim em lukim dogman bilong em, nem Amigo i wok long pilai wantaim narapela dog i stap. Em sindaun isi na wok long skelim dog bilong em.

Taim Amigo i kis long narapela dog, Kanage i tok: Em mi save. Taim Amigo i ranawe long narapela dog, na dog ya i raunim em, bai Kanage tok: Em tu mi save.

Na taim Amigo i stap long claud 9, Kanage daunim spet isi na toktok long em yet: Ah Amigo! Em i orait, long dispela tasol em yu winim mi!

Willie Anton  
WEWAK

■ Kanage em bilong Sepik tasol em i stap long Biala blok long Navo, Wes Nu Briten provins. Wanpela foitait de em kamap long Raun Isi PMV na laik go limimbur long Biala taun.

PMV i no stap gut na Kanage saitim wanpela marit meri Yauro pinis. Sem taim meri lukim Kanage putim wanpela trausis we i bruk long rong ples stret. Na tupela bodi gad bilong Kanage i heng lus i stap.

Meri ya kirap na tokim Kanage: Moning tru heng lus. Kanage kisim tingting pinis na tokim meri ya: Heng lus i gat wari na em laikim bai yu stretim.

Meri Yauro harim olsem na tokim man bilong em. Man bilong meri ya kam na Kanage lus nating long taun.

Oi wantok i no save long wanem rot Kanage i kisim na kamap gen long blok. Em kwik wan go senisim ol klos laplap na sindaun kaikai buai i stap olsem em i no save long wanpela samting.

I no longtaim ol plisman i kamap long holim pasim Kanage. Kanage kirap na tokim ol plisman olsem: Oi yo plis! harim ol bos, mi nogat rong ya. Em ol mangi Yauro i westim taim na Gawi mangi i tromoi Tok Pisin tasol long lukim sapos i gat spes o nogat.

Oi plisman harim olsem na isi tasol ol tekov. Tasol Kanage i no moa go limimbur lonhg Biala.

Jay Kilison  
BIALLA

□ Kanage em wanpela ples mangi. Tasol em laki long winim wanpela resis na ol kampani salim em i go lukim Stet ov Orijin ragbi lig resis long Ostrelia.

Taim em i kam bek, em save so op stret. Na stori long ol arapela mangi long wanem samting em i bin lukim. Planti stori em i mekap tasol. Hia em wanpela stori bilong em: Balus kirap, we flew fly flew fly, Townsville there, Brisbane there, we just name! it straight to Sydney.

At Sydney, ladies ya maski, take another one.

Bihain em i laik fensi liklik na salim papa bilong em i go long Taka Boks long baim wanpela Benson & Hedges smok. Tasol papa i no save gut long Tok Inglis.

Kanage wet i stap na lukim papa karim wanpela botol bensin na kerosin i kam. Man Kanage i kros olgeta na go slip hariap long bed.

Papa Kanage  
MOSBI

# Man Jimi maritim Masalai meri



LONG taim bilong tumbuna, i gat wanpela ples ol i kolim Anmep-Kap. Dispela ples i stap long Jimi distrik bilong Westen Hailans provins.

Long dispela ples i gat wanpela man i slip arere long wanpela bikpela wara. Nem bilong dispela man em Kundunga Tok.

Kundunga Tok em i wanpela hap man bilong kilim abus stret.

Wanpela taim long nait, dispela yangpela man i kisim spia wantaim bunara bilong em. Na wokabout i go putim was long wanpela pikinini diwai long nait. Dispela nait em mun i lait gut tru.

Dispela pikinini diwai em ol kapul i save kam kaikai long nait. Man ya sindaun long han bilong dispela diwai na putim was gut tru i stap.

Em sindaun i go biknait na i no longtaim em harim nek bilong sampela meri i mekim fani na laip long bikbus i kam. Em harim i go na nes i kam stret long dispela diwai em putim was i stap. Em pasim maus na sindaun isi tru i stap wantaim spia na bunara bilong em.



Em stap isi i go na lukim 5-pela yangpela meri i goapim diwai ya. Na mekimsave long kaikai ol pikinini bilong diwai olsem kapul stret. Em lukim na skin bilong em i kirap olgeta. Bikos em i no lukim wanpela meri long longpela taim tru.

Em skelim ol meri ya i go na lukim olsem wanpela meri em i naispela tru, na winim ol arapela. Tingting bilong em i kirap

nau long holimpas dispela meri.

Em i no save olsem ol meri ya i no meri tru. Em ol masalai meri ya.

Em lusim spia wantaim bunara pundaun i go daun long graun. Kwiktairm em kalap na holimpas dispela naispela kum katim meri. Ol arapela masalai meri i lukim olsem na ranawe. Ol i no tingting long helpim poro bilong ol.

Man ya wantaim meri ya pundaun i go daun long graun na stat long takel nau. Yu save masalai meri ya. Em rausim olgeta masel tasol bagaros nogut i holimpas em strong yet.

Mekim nogat na meri ya tanim i go kamap olsem snek. Tasol bagaros i no pret. Em holim pas dispela snek yet.

Meri ya traim na tanim kamap olsem kain kain abus long pretim man long lusm em. Tasol man ya i tingim olsem em sans nau ya. Nogat moa sans olsem bai kamap long bihain taim.

Em holimpas meri ya i go na meri i nogat moa strong. Na tanim kamap olsem dispela naispela meri long pikinini diwai.

Em nau man ya i tokim meri ya long maritim em. Na meri i bekim olsem man i strong pinis. Olsem na tupela i ken marit.

Tupela i go bek wantaim long ples na stap wantaim. Na man ya i givim nem long meri ya olsem Kunongsaun.

Tupela stap i go na kamapim tupela pikinini, wanpela pikinini man na wanpela pikinini meri. Nem bilong pikinini man em Bekalo. Nem bilong pikinini meri em Moleambo.

Em tasol stori bilong masalai meri kamap meri tru.

Alphonse Anda  
Jimi Distrik  
WESTEN HAILANS

## Meri laik senisim pasin bilong man long dring

Dia PREN,

Pasin bilong dring, smok na kaikai buai em i hat long stapim. Yu mas stap isi na luksave long man, sapos yu laikim em i lusim ol samting ya. Em bai no inap amamas sapos yu tokim em long

wanem samting em i mas mekim long laip bilong em. Sapos em pilim olsem yu laik bosim em, dispela i ken bagarapim marit bilong yutupela.

Long pasin bilong lav, traim na toktok wantaim man long we yu pilim long pasin bilong em. Tokim em long wanem kain tingting yu gat long ol samting ya i bagarapim laip bilong em, na marit bilong yutupela.

Tokim em olsem yu gat bikpela laik long helpim em long stapim ol samting ya. Yutupela wantaim save pilai

spot o nogat? Planti pipel save dring bikos ol i stap nating. Sapos yu na man i traim mekim ol arapela samting long fri taim, dispela bai helpim man. Bikos em bai nogat inap taim bilong dring.

Traim long plenim na mekim ol samting wantaim olsem wanpela marit o famili. Dispela bai kisim man i go long ol hap we em i no inap tingting long dring.

Yu bai helpim man bilong yu, sapos yu save long wanem as na em i dring na smok. Maski em save dring oltaim. Ating bikos i gat sampela as olsem i gat planti wok long opis na taim em i pinisim wok, em i laik dring na smok long rausim ol dispela pen bilong wok.

Yu mas skelim o tingting gut taim yu toktok wantaim em long ol hevi em i bungim long dispela kain pasin. Bikos yu ken painimaut moa as long bilong wanem na em i dring na smok tumas. Long dispela we, yu ken painimaut ol arapela rot bilong helpim man bilong yu.

Tasol man bilong yu wanpela i ken senisim laip bilong em. Em yet mas lukim olsem dring bia na smok i bagarapim laip bilong em.

Mipela askim yu long pre, bai man i ken luksave olsem laip i ken kamap moa gutpela sapos em lusim pasin bilong dring na smok. Askim God long helpim yu na man bilong yu.

LAIPLAIN

TOKSAVE

Salim ol hevi na wari bilong yu i kam long Laipain, PO Box 6047, Boroko. Yu ken ringim mipela tu long telipon namba 326 0011. Mipela i no inap autim trupela nem bilong yu long hia. Tasol taim yu rait long Laipain, yu mas putim trupela nem na adres bilong yu, bai mipela ken bekim pas bilong yu.



Dia LAIPLAIN,

Mi wanpela Kristen tasol man bilong mi nogat. Em laikim mi na mi laikim em. Tasol mi laik helpim em long lusim dispela pasin bilong smok, dring bia na ol arapela strongpela dring na kaikai buai. Bikos ol dispela samting i bagarapim bodi na laip bilong em.

Planti taim em tok long stap long ol dispela samting. Tasol em i no stap yet. Bai mi senisim pasin bilong man bilong em olsem wanem?

RESCUE



# Ol hap kas pikinini bai haitim PNG stail

**Dia Edita,**

Mi laik autim bikpela tingting bilong mi i go long pasin bilong ol yangpela pikinini husat i save go skul wantaim ol waitman long ovasis o insait kantri yet.

Mi lukim olsem ol i wok long sensim stail bilong ol na toktok bilong ol i go narakain tru long pasin bilong yumi stret long PNG.

Mi askim papamama bilong ol long i mas mekim planti tumbuna stori na moa tok pisin na

soim ol moa pasin kastom bilong PNG.

Bikos mi ting ol dispela lain tasol bai namba wan lain bilong haitim kastom na tumbuna pasin bilong yumi long PNG. Bikos ol i kisim narakain skul bilong arapela kantri na ol bai lusim PNG stail bilong yumi stret. Ol bai go traime long bringim ol kain pasin bilong ovasis na waitman i kam long mipela na senisim laipstail bilong mipela long bihain.

Mi ting dispela bai bikpela hevi

long bihain bikos bai ol brata susa bilong yumi yet long PNG i kamap na sanap egensim yumi long pasin na kastom bilong yumi. Tasol ol i no narapela. Ol i blut tru bilong PNG stret.

Mi lukim dispela pasin i wok long kamap na mi askim ol papamama bilong ol dispela kain hap kas pikinini husat i save skul wantaim ol waitman o long ovasis long lukluk insait long putim sampela tingting bilong PNG tu i go long het bilong ol

pikinini bilong ol. Bai mipela olgeta i ken sanap wantaim long bihain taim na soim mipela yet olsem mipela i bilong PNG na mipela i amamas long kalsa na kastom bilong mipela.

Em tasol liklik tingting bilong mi na husat i laik tromoi moa tingting antap em laik tasol long rait na olgeta arapela i ken lukim tu.

**Cos Jason Ukarumpa**

# Besta tin pis i nogat swit

**Dia Edita,**

Mi laik autim wari bilong mi long dispela nupela tinpis ol i kolim long "Besta". Dispela tinpis ol i wokim long fektori hia long Lae, PNG yet.

Tinpis ya em i sting na i no gutpela long ol man long kaikaim.

Planti lain husat i kaikim dispela tinpis i kisim sik pekpek wara, sua na arapela kain sik moa olsem. Mipela ol grasrut long kantri husat i save baim tinpis i no laikim tru dispela Besta tinpis.

Mipela i laikim kain tinpis we mipela i save gut long ol olsem Sun Flower, 777 na Madam. Yupela i laik traime wokim nupela tinpis long PNG na mipela ol pipel i pilim olsem em i no gutpela long mipela i kaikaim. Em i olsem kaikai bilong dok.

Long nau tu, em i kos bikpela mani long baim tinpis o go long kisim marasin long haus sik na olsem gavman i mas lukluk long kamapim gutpela tinpis long ol pipel i kaikaim.

Em tasol komplem bilong mi na husat i gat arapela gutpela tingting long tromoi antap em welkam tasol.

**James Malouwas**

**Wewak**

**Is Sepik.**

## Ol plisman mas mekim gut wok

**Dia Edita,**

Mi sapotim brata Willis Joe long pas we i no longpela taim i go pinis em bin raitim kamap long Wantok Niuspepa. Long dispela pas em bin komplem long sampela plisman long Ok Tedi husat i givim bikpela tingting long painim meri na ino tingim tumas wok bilong ol.

Brata Willis, mi laik tokim yu olsem dispela samting em i tru tumas tasol i no kamap long Ok Tedi tasol. Long Goroka we mi stap long en, mi lukim tu dispela pasin i kamap. Moa yet wantaim ol yangpela plisman.

Mi save lukim olsem hia long Goroka, ol yangpela plisman i save yusim ka long painim ol yangpela skul meri long Goroka Hai Skul. Dispela kain pasin tasol we ol yangpela plisman i wokim long slek long wok na ol hevi bilong lo na oda long Goroka taun i no pinis liklik.

Wanpela taim mi raun i go long Goroka pos opis na mi lukim wanpela yangpela plisman i putim yunifom i sanap gut stret long baksait bilong Pos Opis na stori wantaim wanpela Goroka hai skul meri. Dispela em long taim bilong wok. Tingting bilong mi em dispela yangpela plisman i tingting long wok o nogat o em i painim skul meri tasol.

Liklik tingting bilong mi long ol yangpela gret 10 Goroka hai skul meri em long yupela long stap isi na tingim skul wok bilong yupela. Maski long wokim pren na bikhet pasin.

Husat i laik sapot o egensim em laik tasol.

**Daniel Nasam Sandaun provins.**

# EM TV mas pilaim wan aua Gospel Musik program

**Dia Edita,**

Mi autim komplem bilong mi i go long ol lain husat i save putim kamap "Sing With Joy" program long EM TV televisen stesen hia long kantri.

Mi no amamas long pasin we yupela i mekim long givim hap aua tasol long ol singsing we i liptimapim nem bilong God Papa. Bikos yupela i putim kamap program long 8.30 inap long 9 kilok long olgeta Sande nait.

Mi tokim yupela olsem dispela em i no stret. Mi putim tingting bilong mi na bilong planti narapela lain long moabeta yupela i putim kamap Sing With Joy program long wanpela ful aua. Na dispela i min olsem statim program long 8 klok na pinis long 9 klok nait.

Yupela i save givim ful aua long Pepsi Fizz program na wankain tu long Mekim Musik program. Na watpo yupela i no mekim wankain long Sing With Joy program? Planti long mipela

insait long pablik i laikim dispela program na yupela i no givim bikpela tingting long em tasol long narapela tupela program, yupela i ken givim ful aua i go. Dispela i no stret tru.

Plis lukluk long askim bilong mi na senisim taim bilong putim kamap dispela singsing lotu program i go long wanpela ful aua tu olsem narapela tupela program.

**Daniel Nasam Sandaun provins.**

# Kalabusman autim belhevi bilong independens

**Dia Edita,**

Insait long stori bilong mi, mi bin raitim na salim i go long *Wantok* na kamap long niuspepa long 14 Septemba, 1995, mi bin stori long wanpela man Papua i dai long Independens De stret. Dispela dai bilong man Papua i bin kamap stret long 16 Septemba, 1975.

Na mi bin stori tu long as tingting bilong dispela stori bilong mi.

Na long nau, yumi ken lukim olsem insait long ol arapela independens selebren, long yia 1976 i kam inap 1994, gavman na ol kampani nabaut i no bin putim bikpela mani i go insait long dispela selebren. na ol dispela selebren i no kamap bikpela na wankain olsem long yia 1975, nogat.

Ol dispela selebren i bin kamap liklik na tu sampela provins i no selebretim bikos gavman i no givim mani i go insait long ol Provinsal Gavman o Independens komiti bilong ol.

Tasol long 1995 Septemba 16, mi bin harim long redio na ritim long niuspepa olsem dispela selebren bai kamap bikpela moa yet.

Mi lukim na harim tu olsem ol kampani na gavman i putim bikpela mani tru i go insait long mekim dispela selebren i kamap bikpela moa yet.

Taim mi lukim na harim olsem long niuspepa na redio, mi tingim dispela man mi raitim dispela stori,

mi no gat amamas long bel bilong mi long lukim na harim long redio na niuspepa olsem yumi ol pipel bilong Papua Niugini bai amamasim dispela 20 Independens Eniveseri.

Mi tok olsem bikos mi no lukim wanpela gutpela as tru long yumi amamas taim kantri bilong yumi i painim bikpela hevi tru long sait bilong moni na ekonomi na kain kain lo na oda hevi.

Mi bin gat bikpela belpen na wari long lukim gutpela flak bilong yumi i flai i go antap gut tru.

Insait long moning taim tru long Septemba 16, 1995, mi bin kirap nogut tru long harim long redio na bihain long sampela de i go pinis lukim long niuspepa olsem wanpela redio anaunsa i pundaun antap long Independens Hil na i dai.

Mi gat bikpela sori tru long harim indai bilong Gabriel Lavakia.

Taim mi harim na lukim long redio na niuspepa mi bin tingim i go bek long dispela stori bilong mi long dai bilong man Papua ya long 1975 independens de.

Mi lukim olsem dispela 20 Independens selebren i wankain tru olsem bilong yia 1975. Olsem amamas bilong dispela 20 Independens em i bihainim tru wankain amamas we i bin kamap long 1975.

Na mi bilip olsem i mas kes, (curse) o hevi toktok i stap antap

long dispela Independens Hil bilong yumi bihain long indai bilong man Papua ya. Na taim mi wok long skelim tupela indai, mi lukim olsem bihain long narapela 20 yia, wankain pasin o dai bai kamap yet long dispela hap ples.

Mi olsem sitisen bilong kantri, mi gat wari na mi laik bringim kamap wanpela tingting bilong mi i go olsem;

Mi laik gavman bilong yumi mas rausim Palamen Haus long Waigani na putim i go long arapela hap provins olsem long Garaina, Finsafen, Madang, Makam Veli, Kainantu, Hagen o arapela hap.

As bilong dispela tingting i olsem, sapos yumi lukim long ol bikpela kantri olsem Amerika, Australia na Nu Silan, kapital siti bilong ol i stap long ol liklik siti.

Australia em Kenbera, Amerika em Wesington na Nu Silan em Wellington. Tasol long wanem as ol i mekim olsem mi no save tasol dispela i olsem piksa yumi ken skelim.

Mi lukim olsem Mosbi em bikpela siti bilong yu na ol putim haus palamen long hap em i no gutpela tumas.

Mi tok olsem bikos olgeta amamas bilong graun i pulap insait long Mosbi. Na kantri bilong yumi em yangpela tumas nating tingting bilong yumi i no klia tumas.

Olsem na taim yumi winim ol ileksen na go long palamen, yumi i no

inap tru long tingting gut long ol welfea bilong pipel na kantri.

Ol dispela amamas bilong graun bai paulim tingting bilong yumi na bai yumi lusim tingting long wanem as na yumi kam stap long palamen. Long dispela as yumi ken lukim olsem ol man yumi ol pipel makim ol i olsem mausman bilong yumi long palamen.

Ol i wok long painim ol trabel olsem spak na draiv, painim ol meri long disko haus, paulim ol meri bilong narapela man, spak na pait long pablik ples na tu karim gan long pablik ples na pretim ol arapela.

Mi lukim long niuspepa na harim long redio long ol kain bikhet pasin we ol memba bilong mipela i mekim na mi save pilim bikpela sori tru. Bel bilong mi i sori tru long kantri bilong yumi.

Na sapos yu husat man o meri i bin lukim namba wan stori bilong mi long *Wantok* niuspepa long 14 Septemba, 1995, na dispela namba tu stori bilong mi, mi bai amamas tasol long wanem tingting bilong yu, yu i gat long mekim.

Em tasol stori na tingting bilong mi.

**Makora Archie Tomiang (Kalabusman na Victim bilong sistem) Buimo, Lae**

# Ol maritmeri mauswara long ol yangpela man

**Dia Edita,**

Mi wantaim wanwok bilong mi i lukim wanpela pasin long liklik taun bilong mipela long Vanimo i no stret olsem na mitupela autim wari ya.

Sampela meri hailans ol i save stailim ol yet olsem yangpela meri na gris wantaim mipela ol yangpela man. Na ol i save tok ol i no marit. Ol i save tok strong moa olsem ol i singel meri. Olsem na mipela i save kisim ol na raun wantaim.

Tasol bihain las minit, ol sampela man i save tokim mipela

olsem ol dispela meri em ol marit meri na ol i gat pikinini pinis.

Olsem na mi laik tok, yupela kain ol meri olsem yupela save sikirap long wanem samting?. Ating yupela mas pundaun stret long ol yangpela manki bilong Sandaun provins ya.

Em tasol komplem bilong na poro bilong mi. Husat i laik sapot o egensim em laik tasol long rait na yumi olgeta i ken lukim.

**K Joe Vanimo**

## Noken sensim nem bilong Madang taun

**Dia Edita,**

Mi laik autim komplem bilong mi go egensim toktok bilong Madang Provinsal Interum Gavman na Gavana, Peter Barter long toktok bilong ol we ol i laik sensim nem bilong Madang taun.

Mi egensim tru dispela tingting bikos nem Madang i gat bikpela as olsem na ol klap na Eria Atoriti long bipo i bin givim dispela nem.

Mi ting sapos dispela Provinsal Gavman i laik

sensim nem orait em i mas stretim gut olgeta liklik strit na taun bilong Madang taun i go gutpela pastaim. Sapos taun i no senis gut, orait larim nem Madang i stap olsem.

Mi no lukim wanpela gutpela as long mekim dispela senis long nem bilong taun bikos Madang provins tu i wetim yet developmen na gutpela sevis. Dispela olgeta samting i no kamap gut yet na ol lida i laik hariap long senisim nem.

Madang i no wanpela bikpela taun we planti samting i no kamap gut long en.

Olsem na yupela ol lida i mas tokpait yet long moa developmen na gavman sevis pastaim.

Bihain orait yumi ken lukluk long kain samting olsem senisim em bilong taun.

Em tasol liklik tingting bilong mi.

**Laswood Sol Madang**



## Ol meri bihainim waitman stail

**Dia Edita,**

Mi wanpela grasrut tasol mi laik autim wanpela komplem bilong mi long pablik i ken lukim na givim tingting bilong ol long en.

Wari i stap wantaim planti bilong mipela ol man.

Mi laik komplem long klos we planti ol meri i putim long dispela taim. Planti nau i wok long putim klos bilong ol man na i no laplap na klos bilong ol meri yet. Ating long nau taim i senis na ol meri i laik bihainim pasin bilong ol waitman.

Mi lukim olsem dispela pasin we ol meri i putim klos bilong ol man i kamap long olgeta hap bilong kantri. Olsem na long tingting bilong mipela planti ol man, em i taim nau mipela i traim putim klos na laplap bilong ol meri na ol maski. bai ol i putim klos bilong ol man.

**Frank Laun  
Kimbe**

## Amos Yamandi putim EDF mani we?

**Dia Edita,**

Mi wanpela manki ples Monadambin long hap bilong Boana, Morobe provins. Mi laik toktok long memba bilong mipela em Amos Yamandi husat i stap nau long nesenel palamen.

Mista Yamandi i no tokim mipela ol pipel bilong Nawae long ol dispela mani bilong EDF na ol arapela mani bilong fan long Nawae ilektoret.

Na tu em i no save raitim long niuspepa o tok stret olsem mani em wokim ol wanem kain wok long en. Nogat tru.

Mipela ol pipel bilong Nawae wet yet long lukim developmen.

Em inap. Yu ken raun long nupela Nissan 4x4 na Toyota Corolla bilong yu.

Lukim yu long 1997.

Em tasol komplem bilong mi na husat i laik egensim o sapatim em welkam tasol long rait na mi ken lukim.

**Mahu Salak  
Mosbi**

# Gavman i no bihainim gut lo bilong em

**Dia Edita,**

Mi wanpela manki tu mi bin pinisim komyuniti skul na nau mi stap long Vanimo taun. Lukluk bilong mi long ol gavman bilong PNG we i no save mekim gutpela wok tumas insait long ol provins long kantri.

Wanpela bikpela hevi we i stap em long Bogenvil we hevi ya i stap longpela taim tumas na gavman i no stret yet.

Narapela samting mi lukim long Vanimo em taim ol OPM paitman bilong Wes Irian i bin kukim Konsulet opis bilong Indonesia long Vanimo.

Mi lukim dispela i no wanpela hevi bilong mipela PNG tasol gavman i save kalap nogut hariap na subim ol ami na plisman bilong mipela i go long hevi ya.

Em ol OPM paitman i mekim dis-

pela bikos long hevi ol i bin gat long en longpela taim nau. Ol i pait long kisim independens bilong ol olsem na gavman i mas skelim gut dispela samting. Mipela i mekim olsem we ol OPM bai i ting mipela i laik sanap sait wantaim Indonesia na birua long ol.

Gavman bilong mipela i gat bikpela hevi bilong PNG yet i stap long han bilong em tasol nau em i laik kalap i go insait long hevi bilong ol arapela kantri hariap tru.

Mi ting gavman i mas go na sindaun toktok gut wantaim Indonesia gavman na tok klia long sanap bilong em long dispela kain samting.

Em tasol tingting bilong mi na husat arapela i laik bekim em laik tasol.

**Mark Waina  
Maprik**

## Ol lain long boda i save raun fri

**Dia Edita,**

Mi wanpela meri Sandaun. Mi laik bekim pas bilong brata Mosa Nangi i bin kapa long Wantok Niuspepa long 9 Novemba, 1995.

Brata ya i bin tok olsem em i givim tok lukaut i go long ol pipel i stap klostu long boda olsem ol i mas lukaut gut taim ol i go raun long Jayapura.

Em i tok ol i mas lukaut gut taim ol i go raun long Jayapura bikos taim ol i go raun long hap, ol i save mekim ol lain long hap i

save wari. Bikos ol tu i laik raun i kam long hap bilong yumi tasol gavman bilong ol i pasim o tambuim ol.

Sori tru brata, ating yu stap longwe long Vanimo olsem na yu no lukim yet. Sapos yu kam long Vanimo, bai yu lukim na skelim ol toktok bilong yu.

Ol lain long Jayapura tu i save i go i kam long hap bilong yumi.

Gavman bilong ol i no tambuim ol long katim solwara kamap olsem long hap bilong yumi na raun long laik. Dispela i

wankain olsem mipela ol boda pipel i save go raun long hap bilong ol.

Olsem na brata, plis yu mas lukim tru long ai bipo yu toktok. Nogut yu westim taim na pen bilong yu long rait nat-ing.

Em tasol na sapos husat brata na susa i laik sapatim o egensim dispela pas, yu welkam tasol long rait bai mi tu i ken ritim.

**Liz K.  
Vanimo**

## Stopim pasin pamuk long PNG

**Dia Edita,**

Mi wanpela manki Sepik na mi laik autim bikpela komplem bilong mi i go egensim kain pasin bilong ol manmeri i save mekim long olgeta taun long raun na mekim pamuk pasin.

Mi lukim dispela pasin i bikpela long olgeta hap bilong PNG na mi save olsem dispela em hat long yumi arapela long stopim.

Mi save stap long Wewak na mi yeti save lukim olsem pasin pamuk ya i bikpela tru bikos i gat planti meri tru i go insait long dispela wok ya nau. Ol i

lukim olsem arapela meri i save gat mani long paus bilong ol na amamas dring raun long hotel o slip long hotel. Na dispela i opim ai bilong arapela meri na ol tu i go insait na apim namba bilong ol pamuk pasin i go bikpela nau.

Long Wewak bai yu no inap paul. Bikos yu ken luksave long bilas bilong ol olsem em ol kain meri bilong paul raun.

Mi no lukim wanpela wantok meri bilong yet. Tasol sapos mi lukim wanpela wantok meri i mekim dispela pasin, mi bai tokim em stret

long ai bilong em long lusim kain pasin ya na go bek long ples na wokim gut gaden na planim kaikai na kisim mani long en.

Yumi olgeta em pikinini bilong man we mama i karim yumi na ilaik bai yumi mas kamap gut na sindaun gut long ples o long taun. Yumi olgeta i save harim tok bilong God na yumi mas pret long mekim kain pamuk pasin olsem bikos dispela i egensim tru tok bilong bikpela.

Pasin pamuk i save kamapim sem pasin long famili, kros pait, sik nogut na

nem nogut long famili.

Olsem na yumi wanwan yet i mas tingim na lusim dispela kain pasin.

Go bek long ples na yusim graun bilong yu long mekim wok bai yu ken painim gutpela amamas.

Em tasol likk wai bilon gmi em mi tromoi na yupela arapela i ken skelim. Sapos yu egensim, yu ken rait tasol long Wantok niuspepa bai mi tu i ken lukim.

**Wielley Jangiang  
Wewak**

## Noken salensim arapela yusim tok bilong God

**Dia Edita,**

Mi wanpela kristen husat i egensim pas bilong wanpela pasto we i bin kamap long Wantok Niuspepa bilong Novemba 16, 1995.

Mi bin guria liklik long lukim dispela pas. Nau mi laik tokim yu olsem i nogat tok salens o pasin bilong politiks i stap insait long wok bilong God.

Ating moabeta yu lukim dispela wok bilong yu olsem pasto long wanem mi pret sapos yu traim long

egensim muv bilong Holi Spirit long dispela liklik taim yumi stap na wetim kambek bilong God Papa bai yu kisim bikpela kikbek long en.

Mi tokim yu ol lain husat i save egens na tok pait oltaim i save stap long sait bilong lus tim.

Lukim dispela tok piksa. Sapos tupela tim i pilai soka na wanpela i putim skoa, narapela tim bai i belhat, kros na tokpait i stap.

Sapos yu lukim olsem ol samting in o stret, yu olsem pasto i mas

beten na givim helpim bilong larim wok bilong God i ron gut.

Ritim ol dispela ves na bai yu kisim sampela gutpela tingting: 2 Kronikel 7: 14, 2 Kronikels 7:19-20, Sam 30: 11, Sam 149, Sam 100 na James 4:6-12.

Brata pasto, yu no wanpela grasrut. Singaut bilong God em i wanpela bikpela samting na yu mekim bikpela wok bilong Bikpela i stap.

**Robert Gaigili  
Lae**

## Rivaivel Senta long PNG i wok gut yet

**Dia Edita,**

Mi bekim pas bilong brata Spirituel Konsen bilong Wewak. Pas bilong em i bin kamap long Wantok Niuspepa bilong Novemba 30, 1995.


Mi wanpela sapota bilong PNG Kristen Rivaival Senta we Pasto Godfrey Wippon i hetman long en.

Brata ya i go het na tok Pasto Wippon em i risain long Rivaival Senta Intenesenel. Dispela em mi ken tok em i tru. I gat as na pasto ya i bin risain. Tasol long Rivaival Senta bilong PNG, em i stap hetman yet. Dispela tok long em i risain na statim wanpela nupela lotu brata Spirituel konsen i kolim long Asosietet Felosip em i no tru. Ating dispela lotu em i bilong brata Spirituel Konsen na lain bilong em long Rivaival Senta Intenesenel.

Brata, ating yu wanpela sapota bilong ol RCI. Dispela lain i save laikim mani, kago, bilas na promosen insait long sios. Yu i mas wanpela bekslait long rivaival olsem na yu tromoi kain toktok olsem.

Tasol mi tokim yu Pasto Wippon em i wanpela man husat i bringim trupela lait bilong bilip i kam long PNG.

**Mete Marumbe  
Aitape**



**Developim  
Sauten Hailans  
wantaim mani  
bilong  
Wol Beng  
na IMF**

**Dia Edita,**

Mi wanpela man husat i save laikim tumas long ritim Wantok Niuspepa. Tasol tude em i namba wan taim long mi i raitim wanpela pas i kam long dispela niuspepa long ol bikman long gavman i lukim na givim tingting bilong ol long en.

Mipela 300,000 tausen manmeri na pikinini bilong Sauten Hailans long nau i laik lukim sampela bikpela prosek nesenel gavman i kirapim long dispela dinau mani we em i kisim long Wol Beng na IMF.

Mipela i laik lukim haiwe rot i kamap namel long Sauten Hailans na Galp provins na wanpela intenesenel ples balus long provins bilong mipela.

Long sait bilong helt na edukesen, mipela i laikim gutpela helpim i kamap. Long sait bilong trenspot na komyunikesen hia long provins, mipela i laikim dispela eria i kamap gut wantaim helpim i kam long mani bilong baim ges na gol we provins i wok long kamapim.

Sapos gavman i no wokim wanpela gutpela samting, bai ol manmeri bilong provins i putim bikpela kros i go long gavman bilong kantri.

Em tasol bel hevi bilong mi i go long gavman bilong tude.

**Matiabe Yuwi  
Mendi**

**Husat i laik salim pas i kam long edita mas raitim stret nem na salim i kam long dispela adres: Pas i go long Edita, P.O. Box 1982, Boroko, NCD.**



# WANTOK

MUSPEPA BILONG OL PAPA NIUGINI STRET

# PABLIK NOTIS

Sapos yu laik advertais, telepon 25 2500 na askim long

Miri Aiori Ext. 214  
Jeffrey Maliou Ext. 215  
Joe Naime Ext. 218

## BUK BILONG OL SEVISIS

**CHRISTIAN BOOK CENTRE**

**LAE & MADANG**

Educational/Christian books  
English/Pidgin/Tok Ples

Gifts & school stationery  
Nanulon St, Madang  
Ph: 82 2043 Fax: 82 3376

4th St Lae  
Ph: 42 4156  
Fax: 42 7073

**ELECTRONIC**

PAPA BILONG OL TV  
SAPOS TV BILONG  
YUPELA I BAGARAP  
SEKIM WANTAIM MPELA

O KAM NA LUKIM MPELA LONG OLGETA  
LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT  
■ REPAIRS TO T.V.'s, RADIOS, ETC.

PO BOX 3572 BOROKO N.C.D. PHONE 25 1952 FAX 25 4743

**HAIR & BEAUTY**

*His 'N' Hers*  
**HAIR SALON**  
All Hair Care  
Black Hair &  
Beauty Products  
**42 1843**

P.O. Box 1721, Lae, Central Arcade

*Yu ken edvetais hia long  
K10 tasol long wanpela  
wik. Long painimaut moa  
long dispela, ringim  
Augustine, Jack or Joe  
long telipon namba  
325 2500.*



Department of works



POSITION AVAILABLE

**WABAG - WAPENAMANDA HIGHWAY UPGRADING AND SEALING PROJECT HAS ONE POSITION FOR WOMEN'S LIAISON OFFICER**

DUTIES: The Women's Liaison Officer will:-

- Assist the AMC Community Liaison Specialist on Women Liaison Program and issues relating to women on road construction.
- Communicate and liaise with organised women and traditional women groups about their current activities and how they can fit in on road construction.
- Identify and recommend road construction related activities including income generating projects and social activities suitable for women living along the road.
- In construction with DOW Wabag, secure and organise engagement of women on approved women benefit projects such as improving market places, sporting areas and wash areas.
- Assist in identifying and developing training to improve women's ability and confidence in ventures other than traditional women's role.
- Consult and liaise with government officers and NGO's and follow up with appropriate agencies relating to involvement and participating of women on road construction project.
- Provide prompt weekly, monthly and quarterly reports to project construction site management.

QUALIFICATION REQUIRED: The Women's Liaison Officer is:-

- Fluent in Enga, Pidgin and English and reports in English.
- Able to communicate well with village women, government and non-government personnel and agencies.
- Not necessarily be from along the project area.
- Respected and of good standing in her community.
- Able to operate freely with the community living along the Wabag to Wapenamanda road.
- Experienced, preferably in at least one of the social development fields.
- Preferably educated to tertiary level.

The level of appointment depends on qualifications of the appointee. Housing is not provided. Other entitlements will be made known at interview.

Applications for this position are asked to address with application giving details of CVs and at least three (3) current character, employment and or academic references to:-

The Provincial Works Manager  
Department of Works  
PO Box 154  
WABAG  
Enga Province

Attention: Senior Project Engineer

Application close 19th January 1996 at 4.06pm.

**UNIFORMS FOR SALE**

**JACK'S TAILORING PTY LTD**

We make

- School Uniforms
- Industrial Uniforms
- Corporate Uniforms
- Security Uniforms
- Ladies Dresses
- Children Clothes
- Screen Printing & many more

We provide best quality & prompt services at the lowest prices.  
Call us now for your orders!

PO Box 3260  
BOROKO, NCD 111  
PH: 323 5319

*See your weekend  
Racing guides in*

**THE Independent**

*copy today*

**BUY ONE  
NOW !!**

*only*  
**60t**

**NA  
YU?**

*...Baim Wanpela Nau!*

**50t**  
Tasol

**PEPA BILONG  
YUMI STRET..!**



# MIPELA I SALIM

# THE Independent




**BAIM WANPELA KOPI TETE NA LUKIM OL  
NIUS BILONG PNG, WOL NA KAIN KAIN  
NIUS BILONG SPOT TU.**

*Pepa bilong yumi stret!*

# BAIM NA RITIM!






□ Lók fowat bilong St Vincent i nogat ples bilong ron taim ol Opongo Warriors i banisim em.




□ Op sisen Ragbi Lig resis long olgeta hap i save paia olsem ol brata ya long Meninga Oval long Goroka.



□ Bogi tim long Pepsi Op Sisen resis.



□ Ol poimo Sharks traim ol Sub Siti Raiders long Pepsi op sisen lig.



□ Wapela pilaia bilong Bogi i ron long painim spes taim ol i pilaim ol Manumanu long Pepsi Op sisen lig.



□ Hohola Files tim husat i winim Pepsi Op Sisen Lig taitel long las yia Tasol dispela yia ol i sindaun nambe 5 long poin lata bilong resis.



LAE  
BISCUIT

# RAGBI LIG NIUS

LAE  
BISCUIT

Vanimo lig  
makim nupela  
eksektiv  
bilong 96

FELIX RAMRAM i raitim

WANPELA yia olgeta long las yia 1995, ol sapota bilong lig kod i no bin lukim pilai ragbi lig i kamap long ol wiken long Vanim. As bilong dispela em bikos i bin gat wanpela bikpela salens we i kisim Vanimo Asosiesen i go long kot.

Dispela salens em bihain long Tarangau Klub i no bin wanbel long risals bilong ol geims i kamap long Vanimo.

Tasol nau bihain long ol nupela eksektiv bilong lig i makim pinis ol yet i go insait long opis long Dismemba 1995, i gat bikpela tingting nau long kirapim bek ol pilai long dispela yia.

Ol nupela lig eksektiv bilong Vanimo Ragbi Futbol Lig (VRFL) em Frank Issac (presiden); Kevin Pilo (namba tu presiden); Paul Samof (kuskus) na Brian Cullinan (Tresera).

Presiden Issac i tok olsem em i amamas tru long lukim olsem 6-pela klab i wok hat tru long kisim gutpela trening long las tupela wik.

"Mi laik givim strongpela tok lukaut tu long wanwan klab, ol pilaia na ol sapota bilong ol olsem ol eksektiv bilong mi i wanpela strongpela lain tru na long dispela yia ol i no laikim wanpela trabel long kamap long pilai graun. Long dispela yia bai gat wanpela strongpela judiseri komiti bilong lig long lukluk long dispela kain ol pasin," Issac i tok.

Issac i tok tenkyu tu i go long ol sampela lain bisnis haus insait long Vanimo husat i redi tu pinis long sponsaim ol sampela ol klab insait long asosiesen.

Issac wantaim ol lain bilong em long eksektiv tu i bin kisim pinis K1,500 sponsasip mani na dispela mani em ol bai afiliat wantaim Papua Niugini Ragbi Futbol Lig (PNGRFL) na tu bilong opim nupela pasbuk akaun bilong Vanimo Ragbi Futbol Lig.

"Mi laik tok tenkyu long Sandaun Motel husat i givim K1,000 na Garamut Enterprise husat i givim K500 i go long lig. Ol narapela em Pepsi husat i sapotim Tigers na Sapotama Treding tu bai sapotim yet Tarangau klab."

Presiden i tok olsem sapos olgeta samting i ron gut, dro bilong ol pilai bai kamaut long Januari 10 na pri sisen pilai bai stat long Januari 13 na 14 na kikop pilai bilong 1996 bai stap namel long Tigers na Tarangau.

Olgeta 6-pela klab husat i bin pilai long 1994 sisen i mekim strongpela toktok olsem ol bai pilai gen long dispela yia. Ol tim yia em Brothers, Hawks, Royals, Sea Eagles, Tarangau na Tigers. Difens klab nau bai bung wantaim Tarangau na nupela nem bilong ol bai stap olsem TARADEF.

Em i tok olsem afiliesen fi bilong wanwan klab insait long Vanimo lig em K300 na registresen fi bilong wanwan pilai em K30. Ol klab husat i no peim afiliesen fi bilong ol bipo long pri sisen i kikop bai lusim pons long fofit na nupela samting ol bai kamapim long dispela sisen em ol bai kamapim ol pilai long Sarere na ol mein geim tasol bai kamap long Sande apinun.

Presiden i tokaut tu olsem Asosiesen bilong ol tu i wet yet long tok klia bilong SP Holdings na Coco-cola long sponsaim fig.



• Sarry Hawks 'C' gred tim bilong Unagi lig op-sisen kompetisen. Foto: Joe Ivaharia

# Mamando joinim Adelaide Rams

IAN KAKARERE i raitim

WOL Kap fowat bilong Papua Niugini Kumuls Bruce Mamando i sain pinis wantaim nupela klab bilong Supa Lig Adelaide Rams na bai pilai wantaim nupela klab yia long dispela yia namba wan sisen bilong Supa Lig.

Mamando wantaim narapela Canberra Raiders fowat David Westley na Adrian Lam em ol lain man husat i bin stap baksait long Papua Niugini Kumuls tim husat i bin pilai long wol kap resis long England long las yia.

Wanpela niuspepa bilong Adelaide ol i kolim Sunday Mail i tok olsem Mamando husat i gat 21 krismas em i opim ai bilong planti manmeri tru pinis olsem em bai kamap wanpela biknem pilaia long Supa Lig resis.

Na dispela saining bilong Mamando wantaim Adelaide

Rams bai givim dispela nupela tim planti sapot tru i kam long Papua Niugini. Ol Adelaide Rams bai pilai bilong ol bai kamap long Fraide nait taim ol i pilai long Adelaide yet.

Ol pilai bilong ol Rams long Fraide nait i luk olsem bai kamap fri long Channel Nine Network husat i wanpela bikpela seaholda long televisen stesin bilong Papua

Niugini EMTV.

Long taim bilong ragbi lig sisen, Fraide Nait Futbol i save pulim planti manmeri tru long Papua Niugini long lukim na i luk olsem sapos Mamando i pilai wantaim ol Adelaide Rams long ol pilai long Fraide nait, dispela bai pulim moa manmeri long lukim TV.

Ol Adelaide Rams bai pilaim

## Moa Kumuls bai traim ol ovasis klab

TAIM kankain toktok i wok long karamapim tripela Papua Niugini Kumuls pilai long go pilai wantaim Hull Ragbi Lig klab long Inglen, Kumul huka Elias Paiyo i stap yet long tingting bilong ol Brisbane Broncos kosa Wayne Bennett.

Bennett husat i toktok wantaim liklik brata bilong em Bob Bennett husat nau i kosa bilong Lae Bombers sait i tok olsem ol Broncos i laikim yet sevis bilong Paiyo tasol Papua Niugini Ragbi Futbol Lig i no toktok gut long Paiyo bai i go daun.

Long sait bilong ol narapela intanesenel pilaia, Kumul prop David Westley i sain pinis wantaim Canberra Raiders long tupela yia kontrak long pilai long supa lig na kepten Adrain Lam tu i sain gen wantaim Sidni Siti Roosters long Australian Ragbi Lig resis.

Ol tripela yia Mamando, Westley na Lam i bin givim bikpela helpim tru long ol Kumuls long taim bilong wol kap resis.

Narapela olupela Kumul pilaia, Ricky Emmanuel husat ol selektas i no lukluk long em i sain wantaim


namba wan pilai bilong ol egensim ol Auckland Warriors long Fraide Mas 3 long Adelaide Oval na ol Rams em ol namba 10 klab bilong supa lig.

Kosa bilong ol Adelaide Rams em bai olupela sta pilaia bilong St George Rod Reddy husat i bin kosa bilong St Georger Risev gret long las yia.

Mosbi Ragbi Lig pinis na em i save pilai wantaim fida klab bilong Canberra Raiders ol i kolim Canberra Buffaloes. Na i gat toktok olsem ol bai traim kisim olupela Kumul senta George Kele na kepten Kera Ngaffin long joinim ol Buffaloes tu.

Ol tripela Kumuls pilaia Marcus Bai, John Okul na Stanley Gene em toktok bilong ol long pilai long England wantaim Hull i no stret gut tasol olgeta samting i stap long han bilong tour manesa Bob Robertson.






□ Tim bilong ol meri Fuji Bears long Mosbi Sofbal resis.  
Ol Poto: JOE IVAHARIA


□ (Antap raithan) Kriket i kirap gen long Mosbi. Long Desemba i kamap long Janueri bai i gat moa kriket eksen long Mosbi.

□ (Raithan) Unagi ragbi lig eksen long las wiken. Dispela pilai em i stap namel long ol Sarry Hawks na Sinae long C gret.



□ Pitsa bilong Karanas Aida Robert i salim wanpela strongpela bal bilong em i go long pilai bilong ol egensim ol Fuji Bears.

□ Wanpela pilaia bilong Karanas i taitim bun stret long paitim bal egensim of Fuji Bears. Fuji Bears i win 32-0





# SOKA NIUS

## Nupela soka asosiesen long Mosbi

I GAT bikpela plen i stap nau long kamapim nambat tu soka asosiesen insait long Pot Mosbi. Na dispela nupela soka bodi i toktok long statim soka kompetisen bilong ol long 1997.

Ol lain husat bai oge-naisim dispela nupela soka bodi i makim olsem dispela yia 1996 em yia bilong ol long plenim olgeta samting na redim ol gut bipo long ol i statim sisen bilong ol long 1997.

Biknem soka edministreta na Nesenel Kapitel Distrik Pablik seabs Soka presiden Francis Kasau i tok em i tingting long kamapim nupela soka bodi long wanem em i no amamas tumas long we ol eksekutiv bilong Mosbi Soka Asosiesen(PMSA) i save mekim wok bilong ol. "Long dispela yia, em yia bilong plenim ol samting na long neks yia em yia bilong karimaut ol samting na pilai bai stat," Kasau i tok. Em i tok olsem wanpela liklik mama lo bilong ol i stap gut pinis na em bai mekim olgeta wok taim pablik sevans soka resis i pinis.

Pablik Sevans soka resis bai pinis sampela taim long neks wik na Kasau bai singautim wanpela miting bilong ol interim komiti bilong kamapim dispela asosiesen na lukim olsem em i mas kamap tru. Na bikpela wok bilong komiti ya em long lukim olsem ol i kisim wanpela sponsasip na tu long wanem ples ol bai pilai long em.

Kasau i tok olsem wanpela rot bilong painim pilai graun em ol bai askim Papua Niugini Spots Komisen long yusim pilai graun bilong ol o nogat bai askim Intitute of Pablik Edministresen long rentim pilai graun bilong ol.

Kasau i tok olsem dispela nupela asosiesen bai mekim ol wok bilong PMSA i isi liklik long wanem ol i gat planti tim tumas na i nogat inap taim long ranim olgeta yet.

Kasau i tok olsem dispela nupela asosiesen bai gat 30 tim olgeta, we 10-pela long wanwan divisen.

Kasau i tok ol i no nap fosim ol kalb long putim tim tasol ol i mas gat tupela o moa tim long ol wanwan divisen.



□ Wanpela soka tim bilong Lae Football Asosiesen i redi long oilai.

## Morobe Soka Federesen redi long bikpela tonamen

PRESIDEN bilong Morobe Soka Federesen(MSF) John Peka i tok olsem em i amamas long nupela konsept bilong Morobe Soka Federesen.

Em i tok olsem em i amamas long dispela nupela konsept o rot bilong promotim na developim soka insait long Morobe provins.

Peka i tok olsem tupela ten tim(20) bai salens long dispela namba tu Morobe Soka long Finshafen.

Finshafen Soka Asosiesen i makim pinis ol oge-naisim komiti husat nau i wok long stretim hap bilong silip, trenspot, na ol narapela samting.

Tonamen dairekta Aaron Mungauon bai go daun long namba wan wik bilong mun Februari long lukluk raun long ol wok bilong oge-naisim komiti konfemim ol wok

### FRANCO NEBAS i raitim

bilong pilai graun na banis we ol man i ken baim geit na go insait long lukim ol pilai.

Peka i tok olsem tu moa long tupela ten tim (20) bai pilai insait long dispela tonamen tasol ol bai kisim fes 20 tims husat i peim afiliesen fi na tonamen fi.

Afiliesen fi i sanap olsem K200 na tonamen fi i sanap long K150 long wanwan tim.

Ol taim bilong bai fi bilong tonamen na afiliesen bai pas long namba 15 dei bilong mun Mas.

"Mipela bai lukluk long 20 tim bilong wanem mipela bai lukluk long

taim na ples we inap long holim dispela ol tim," Peka i tok.

Long ronim dispela tonamen, tonamen ya bai kos K11,000 olgeta. Dispela mani bai karamapim ol tropi na kes prais bilong ol tim na ol pilaiatu.

Na long dispela taim yet, Peka i tok sori i go long olgeta tim husat i pilai long las yia 1995 we ol tim i no kisim prais mani long ol politisen husat i bin promis long helpim ol na i no bin givim helpim.

Em i tok olsem long dispela yia, ol bai lukluk pastaim long dispela ol hevi bilong ol wina bilong las yia na stretim ol pastaim.

Sampela samting we Morobe Soka Federesen bai lukuk em long ol wok bilong kosing, referi na aominist patron bilong ol asosiesen husat i

afilet wantaim Morobe Soka Federesen.

Dispela em bai wok bilong Morobe Soka Federesen wantaim Morobe Spots Opis long Lae.

Narapela samting em long Morobe Soka Federesen bai afilet i go long Papua Niugini Futbol Asosiesen(PNGFA) long dispela yia 1996.

Peka i tok Morobe i gat planti ol gutpela soka pilaiatu husat inap long mekim nem bilong ol yet na save long kainkain trik bilong pilai husat i ken go aut na soim skil na talent bilong ol long pilai long ol narapela hap bilong kantri na tu i ken kisim sana long makim kantri.

Finshafen, Nawae, Morobe North na Bulolo husat tu bai afiliet wantaim LFA, Lahi, Gafar na KDS.

## Pablik sevans bai holim nokaut long Sande

SOKA resis bilong Mosbi Pablik Sevans (NCDPSSA) bai statim nokaut bilong em long 14 Jenuari long dispela wiken.

Olgeta pilai we i no bin kamap long Disemba las yia bikos long ren bai ol i pilaim olgeta gen long Sarere 13 Jenuari.

Seketeri bilong NCDPSSA, Ben Harry i tok bihain long olgeta pilai i pinis long 3 kilok apinun long Sarere, bai i gat wanpela bikpela miting

### YAKAM KELO i raitim

bilong olgeta klap eksekutiv. Dispela miting bai tokaut long olgeta klap long wanpela posisen ol i sanap long en long poin lata bilong resis.

Harry i tok dispela miting em bikpela samting bikos olgeta klap i mas save long wanem hap ol i sanap long en. Na ol i ken save long ol i gat sans long pilai insait long nokaut long Sande o nogat.

Harry i tok bihain long dispela miting bai ol klap i ken save long wanem resis ol bai pilai long en long nokaut. Bikos i gat resis bilong pilai long Kap, Plet na Tropi.

Olgeta husat i stap long top 4 ples long Pul A na B bai pilai long tropi, ol tim i stap long 5 ples i go daun long 8 bai pilai long kap na 9 ples i go daun long 11 bai pilai long plet. Toktok namel long ol Mastas na Niusman i pas pinis long opim gren fainal

bilong NCDPSSA soka gren fainal long 28 Jenauri.

Ol niusman i gat dinau i stap yet long bekim egens ol Mastas bikos Mastas i bin autim tiket bilong ol 2-0 long las yia. Olsem na ol niusman bai traime gen long bekim dinau na holim taitel inap long Mastas i ken bekim gen long neks yia.

Harry i tok eksekutiv bilong NCDPSSA i laik pinisim olgeta pilai hariap bikos ol i no laik skruim moa taim

long holim pilai ya i stap longpela taim tumas.

Dispela em wanpela bikpela tenis nau NCDPSSA i kamapim long pinisim olgeta pilai bilong em hariap. Bikos long ol arapela yia i bipo, dispela resis i save go longpela moa inap long pinis bilong mun Februari.

Tasol Harry i tok dispela yia i no olsem. Ol bai pinisim pilai long mun Jenuari yet bikos ol i gat planti samting long mekim.



**PUBLIC SERVANTS SOCCER ASSOCIATION  
NCD PSSA CUP COMPETITION  
WASHED OUT GAMES - DRAW  
SATURDAY JANUARY 13 1996  
SIR JOHN GUISE STADIUM**

**GROUND 2**

| Game | Time  | Pool | Team     | Vs | Team      |
|------|-------|------|----------|----|-----------|
| 1    | 8.00  | W2   | BPNG     | vs | Finance   |
| 2    | 9.10  | M2   | Teachers | vs | UPNG      |
| 3    | 10.00 | W2   | Teachers | vs | UPNG      |
| 4    | 11.10 | W1   | ICPNG    | vs | Education |
| 5    | 12.00 | M1   | ICPNG    | vs | Education |
| 6    | 1.10  | W1   | Harbours | vs | CMB       |
| 7    | 2.00  | M1   | Harbours | vs | CMB       |

**Ground 1**

|   |       |    |           |    |              |
|---|-------|----|-----------|----|--------------|
| 1 | 8.00  | W1 | Elcom     | vs | Home Affairs |
| 2 | 9.10  | M1 | A/General | vs | Fisheries    |
| 3 | 10.10 | W1 | A/General | vs | Fisheries    |
| 4 | 11.00 | M2 | PNGBC     | vs | Air Niugini  |
| 5 | 12.10 | W2 | PNGBC     | vs | Air Niugini  |
| 6 | 1.00  | W2 | Transport | vs | NPF          |
| 7 | 2.00  | M2 | Transport | vs | NPF          |

**Sunday January 14 1996**

**Ground 2**

|    |       |   |              |    |              |
|----|-------|---|--------------|----|--------------|
| 1  | 8.00  | M | 10 of Pool 1 | vs | 10 of Pool 2 |
| 2  | 9.00  | W | 9 of Pool 1  | vs | 11 of Pool 2 |
| 3  | 10.00 | M | 1 of Pool 1  | vs | 4 of Pool 2  |
| 4  | 11.10 | W | 6 of Pool 1  | vs | 7 of Pool 2  |
| 5  | 12.00 | M | 8 of Pool 1  | vs | 5 of Pool 2  |
| 6  | 1.10  | W | 3 of Pool 1  | vs | 2 of Pool 2  |
| 7  | 2.00  | M | 6 of Pool 1  | vs | 7 of Pool 2  |
| 8  | 3.00  | W | 10 of Pool 1 | vs | 10 of Pool 2 |
| 9  | 3.50  | W | 4 of Pool 1  | vs | 1 of Pool 2  |
| 10 | 4.50  | M | 11 of Pool 1 | vs | 9 of Pool 2  |

Bye: of Pool 1 vs 3 of Pool 2 (M)

**Ground 1**

|    |       |   |              |    |              |
|----|-------|---|--------------|----|--------------|
| 1  | 8.00  | M | 3 of Pool 1  | vs | 2 of Pool 2  |
| 2  | 9.10  | W | 5 of Pool 1  | vs | 8 of Pool 2  |
| 3  | 10.00 | M | 9 of Pool 1  | vs | 11 of Pool 2 |
| 4  | 11.10 | W | 11 of Pool 1 | vs | 9 of Pool 2  |
| 5  | 12.00 | M | 7 of Pool 1  | vs | 6 of Pool 2  |
| 6  | 1.10  | W | 3 of Pool 1  | vs | 2 of Pool 2  |
| 7  | 2.00  | M | 4 of Pool 1  | vs | 1 of Pool 2  |
| 8  | 3.00  | W | 1 of Pool 1  | vs | 4 of Pool 2  |
| 9  | 3.50  | W | 8 of Pool 1  | vs | 5 of Pool 2  |
| 10 | 4.50  | M | 5 of Pool 1  | vs | 8 of Pool 2  |

Bye: W 7 of Pool 1 vs 6 of Pool 2

**PUBLIC SERVANTS SOCCER  
POINTS LADDER  
DIVISION: MENS POOL I**

| Teams            | P  | W | D | L | GF | GA | Points |
|------------------|----|---|---|---|----|----|--------|
| ICPNG            | 9  | 7 | 2 | 0 | 25 | 9  | 23     |
| Elcom            | 10 | 6 | 3 | 1 | 17 | 8  | 21     |
| DCA              | 10 | 6 | 2 | 2 | 11 | 8  | 20     |
| CMB              | 9  | 3 | 5 | 1 | 14 | 11 | 14     |
| Works            | 10 | 3 | 5 | 2 | 12 | 9  | 14     |
| NBC              | 10 | 3 | 3 | 4 | 11 | 12 | 12     |
| Attorney General | 9  | 2 | 3 | 4 | 10 | 10 | 9      |
| Education        | 9  | 1 | 5 | 3 | 11 | 19 | 8      |
| Harbours         | 9  | 1 | 4 | 4 | 7  | 16 | 7      |
| Fisheries        | 9  | 2 | 1 | 6 | 6  | 14 | 7      |
| Home Affairs     | 10 | 1 | 1 | 8 | 3  | 10 | 4      |

**DIVISION: MENS POOL II**

|             |    |   |   |   |    |    |    |
|-------------|----|---|---|---|----|----|----|
| PTC         | 10 | 8 | 1 | 1 | 17 | 3  | 25 |
| Transport   | 9  | 6 | 2 | 1 | 19 | 12 | 20 |
| NPF         | 9  | 6 | 1 | 2 | 20 | 9  | 19 |
| Air Niugini | 9  | 5 | 0 | 4 | 14 | 8  | 15 |
| Teachers    | 9  | 5 | 0 | 4 | 11 | 8  | 15 |
| Finance     | 10 | 4 | 2 | 4 | 16 | 22 | 14 |
| POSF        | 10 | 4 | 2 | 4 | 10 | 11 | 14 |
| BPNG        | 10 | 3 | 3 | 4 | 11 | 13 | 12 |
| IRC         | 10 | 3 | 1 | 6 | 7  | 15 | 10 |
| UPNG        | 9  | 1 | 2 | 6 | 3  | 9  | 5  |
| PNGBC       | 9  | 0 | 0 | 9 | 3  | 19 | 0  |

**DIVISION: WOMENS POOL I**

|                  |    |   |   |   |    |    |    |
|------------------|----|---|---|---|----|----|----|
| ICPNG            | 9  | 6 | 2 | 1 | 23 | 3  | 20 |
| DCA              | 10 | 6 | 2 | 2 | 11 | 3  | 20 |
| Education        | 9  | 5 | 3 | 1 | 14 | 6  | 18 |
| Harbours         | 9  | 5 | 2 | 2 | 11 | 4  | 17 |
| Attorney General | 9  | 5 | 2 | 2 | 10 | 8  | 17 |
| Works            | 10 | 4 | 3 | 3 | 6  | 6  | 15 |
| NBC              | 10 | 2 | 3 | 5 | 10 | 10 | 9  |
| CMB              | 9  | 2 | 2 | 5 | 6  | 14 | 8  |
| Elcom            | 9  | 1 | 5 | 3 | 4  | 9  | 8  |
| Fisheries        | 9  | 1 | 4 | 4 | 4  | 9  | 7  |
| Home Affairs     | 9  | 0 | 0 | 9 | 0  | 26 | 0  |

**DIVISION: WOMENS POOL II**

|             |    |   |   |   |    |    |    |
|-------------|----|---|---|---|----|----|----|
| PTC         | 10 | 9 | 1 | 0 | 27 | 0  | 28 |
| UPNG        | 9  | 5 | 4 | 0 | 17 | 0  | 19 |
| IRC         | 10 | 4 | 4 | 2 | 6  | 11 | 16 |
| Finance     | 9  | 4 | 2 | 3 | 10 | 5  | 14 |
| Teachers    | 9  | 3 | 3 | 3 | 8  | 4  | 12 |
| NPF         | 9  | 3 | 3 | 3 | 7  | 9  | 12 |
| Air Niugini | 9  | 2 | 4 | 3 | 2  | 8  | 10 |
| Transport   | 9  | 3 | 0 | 6 | 5  | 15 | 9  |
| POSF        | 10 | 2 | 3 | 5 | 2  | 10 | 9  |
| BPNG        | 9  | 2 | 1 | 6 | 5  | 18 | 7  |
| PNGBC       | 9  | 1 | 1 | 7 | 3  | 17 | 4  |

**1995/1996 KNOCK OUT FORMAT**

- 1 of Pool 1 / 4 of Pool 2
- 4 of Pool 1 / 1 of Pool 2
- 2 of Pool 1 / 3 of Pool 2
- 3 of Pool 1 / 2 of Pool 2
- Winner in game 1 vs winner in game 4
- Winner in game 2 vs winner in game 3
- Grand Final For Cup
- Winner of game 5 vs winner of game 6

- 5 of Pool 1 vs 8 of Pool 2
- 6 of Pool 1 vs 7 of Pool 2
- 7 of Pool 1 vs 6 of Pool 2
- 8 of Pool 1 vs 5 of Pool 2
- Winner of game 1 vs winner of game 4
- Winner of game 2 vs winner of game 3
- Grand Final For Plate
- Winner of game 5 vs winner of game 6

- 9 of Pool 1 vs 11 of Pool 2
- 10 of Pool 1 vs 10 of Pool 2
- 11 of Pool 1 vs 9 of Pool 2
- Winner of game 1 vs winner of game 3
- Winner of game 2 vs loser of game 4
- Grand Final for Trophy
- Winner of game 4 vs winner of game 5

**MADANG SOFTBALL ASSOCIATION  
1995 - 96 SEASON**

**Womens Draw Round Three.**

**January - February 1996.**

**Saturday 06/01 - B Grade**

| Time  | Fixture             | P/Umpire  | B/Umpire | Scorer    |
|-------|---------------------|-----------|----------|-----------|
| 12:00 | Idmon vs Tarangau   | Karao     | Kalibobo | Karao     |
| 13:00 | Royals vs U/Sisters | Idmon     | Tarangau | Idmon     |
| 15:00 | Karao vs Kalibobo   | U/Sisters | Royals   | U/Sisters |

**Sunday 07/01 - A Grade**

|       |                    |          |        |          |
|-------|--------------------|----------|--------|----------|
| 12:30 | Idmon vs Kalibobo  | Kabiu    | Royals | Kabiu    |
| 14:00 | Karao vs U/Sisters | Kalibobo | Idmon  | Kalibobo |

A Kabiu Bye

**MADANG SOFTBALL ASSOCIATION  
1995 - 96 SEASON**

**Mens Draw Round Three.**

**January - February 1996.**

**Saturday 06/01 - B Grade**

| Time  | Fixture              | P/Umpire | B/Umpire | Scorer   |
|-------|----------------------|----------|----------|----------|
| 12:00 | Guria vs Aviat       | Malangan | Tarangau | Malangan |
| 14:30 | Kabiu vs Newtown     | Guria    | Aviat    | Guria    |
| 16:00 | Malangan vs Tarangau | Newtown  | Kabiu    | Newtown  |

**Sunday 07/01 - A Grade**

|       |                  |       |          |       |
|-------|------------------|-------|----------|-------|
| 13:30 | Kabiu vs Newtown | Guria | Malangan | Guria |
| 15:00 | Aviat vs Guria   | Kabiu | Newtown  | Kabiu |

A Malangan Bye

**MADANG SOFTBALL ASSOCIATION**

**Points Ladder as at Sunday January 7, 1996.**

| Team        | P  | W | Womens B |    | F  | A   | P   |     |
|-------------|----|---|----------|----|----|-----|-----|-----|
|             |    |   | D        | L  |    |     |     |     |
| Karao       | 12 | 8 | 0        | 4  | 16 | 110 | 56  | 1st |
| Utd Sisters | 12 | 8 | 0        | 4  | 16 | 98  | 69  | 2nd |
| Idmon       | 12 | 7 | 0        | 5  | 14 | 78  | 67  | 3rd |
| Kalibobo    | 12 | 8 | 0        | 6  | 12 | 114 | 67  | 4th |
| Tarangau    | 12 | 5 | 0        | 7  | 10 | 63  | 116 | 5th |
| Royals      | 12 | 2 | 0        | 10 | 4  | 61  | 99  | 6th |

| Team        | P  | W | Womens A |   | F  | A  | P  |     |
|-------------|----|---|----------|---|----|----|----|-----|
|             |    |   | D        | L |    |    |    |     |
| Idmon       | 10 | 8 | 1        | 1 | 17 | 70 | 37 | 1st |
| Karao       | 10 | 7 | 0        | 3 | 14 | 58 | 31 | 2nd |
| Kalibobo    | 10 | 4 | 1        | 5 | 9  | 61 | 71 | 3rd |
| Utd Sisters | 10 | 3 | 2        | 5 | 8  | 87 | 99 | 4th |
| Kabiu       | 9  | 3 | 6        | 6 | 6  | 67 | 69 | 5th |

| Team     | P  | W | Mens B |   | F  | A   | P  |     |
|----------|----|---|--------|---|----|-----|----|-----|
|          |    |   | D      | L |    |     |    |     |
| Malangan | 11 | 8 | 1      | 2 | 17 | 113 | 93 | 1st |
| Kabiu    | 11 | 6 | 0      | 3 | 12 | 74  | 34 | 2nd |
| Tarangau | 11 | 5 | 1      | 4 | 11 | 67  | 81 | 3rd |
| Newtown  | 11 | 4 | 0      | 6 | 8  | 76  | 68 | 4th |
| Aviat    | 11 | 3 | 0      | 7 | 6  | 98  | 93 | 5th |
| Guria    | 11 | 1 | 0      | 7 | 2  | 38  | 97 | 6th |

| Team     | P | W | Mens A |   | F  | A  | P  |     |
|----------|---|---|--------|---|----|----|----|-----|
|          |   |   | D      | L |    |    |    |     |
| Kabiu    | 9 | 8 | 1      | 0 | 17 | 73 | 15 | 1st |
| Aviat    | 9 | 4 | 0      | 5 | 8  | 52 | 68 | 2nd |
| Newtown  | 9 | 3 | 1      | 5 | 7  | 47 | 54 | 3rd |
| Guria    | 9 | 3 | 0      | 6 | 6  | 58 | 54 | 4th |
| Malangan | 8 | 3 | 0      | 5 | 6  | 40 | 69 | 5th |

**UNAGI OFF-SEASON POINTS LADDERS  
1995 - 1996  
FINAL 5 PLAY OFF  
ROUND 3**

**A GRADE**


|               |    |    |   |   |    |
|---------------|----|----|---|---|----|
| SNJ3 Warriors | 16 | 13 | 3 | - | 26 |
| SK Warriors   | 16 | 11 | 4 | 1 | 24 |
| Gordon/Ridge  | 16 | 10 | 3 | 3 | 24 |
| Wara Sua Eel  | 16 | 10 | 2 | 3 | 23 |
| 7 Mile Jets   | 16 | 10 | 4 | 2 | 22 |

**B GRADE**

|               |    |    |   |   |    |
|---------------|----|----|---|---|----|
| 7 mile Jets   | 16 | 12 | 2 | 2 | 26 |
| SNJ3 Warriors | 16 | 12 | 2 | 2 | 26 |
| 5 Mile Nogats | 16 | 12 | - | 2 | 26 |
| 4 Mile Youth  | 16 | 11 | 4 | 1 | 25 |
| Wara Sua Eel  | 16 | 10 | 4 | 2 | 22 |

**C GRADE**

|               |    |   |   |   |    |
|---------------|----|---|---|---|----|
| 4 Mile Youth  | 11 | 3 | 2 | - | 24 |
| Wara Sua Eel  | 9  | 4 | 3 | - | 21 |
| Saraga        | 10 | 3 | 3 | - | 23 |
| 7 Mile Jets   | 10 | 4 | 2 | - | 22 |
| SNJ3 Warriors | 9  | 4 | 3 | - | 21 |



• Hohola tim bilong Port Moresby Pepsi Lig.



# Lido volibal tonamen holim ol fainels

KRISMAS volibol tonamen long Lido insait long Vanimo Wes Kos i bin holim gren fainel bilong en long aste Trinde, 10 de bilong dispela mun.

Moa long 17-pela tims i bin tekpat long dispela tonamen stat long mun Disemba. Bihain long strongpela pilai na salens 4-pela tims i mekim wei bilong ol igo insait long fainels.

Long fainel bilong ol meri bikpela salens tru i stap namel long nupela tim "Vampires" husat i laik brukim ston bilong ol sempion na kwin

bilong ol meri, Wadu Breakers. Dispela fainel i bin kamap long las wik Sande tasol ples i tudak olsem na ol opisel i kolim op dispela pilai.

Wadu Breakers i pilai strong bikos ol i laik holim dispela tropi em ol i bin winim taim dispela tonamen i stat nambawan taim long 1992. Tasol ol meri bilong sakim blut ino laik givim dispela gem igo isi. Ol i bin sanapim gut ring na sampela gutpela spaik. Ol bai strong long tripela ki pilai bilong Wadu Breakers, Sendra Nuya, Janet Deklin na Tedy Deklin husat

i bin go joinim ol.

Long fainels bilong ol man, nupela tim Hembo Norths bai traim strong bilong HBAI husat i wok long wetim ol long taim pinis bihain long tupela wik malolo. Dispela gem bai pulim planti saptas long tupela tim ya. Hembo Norths bai winim dispela pilai sapos kepten Danny Kehali i toktok strong long ol boi bilong em long pilaim "3 men's game" na wokim ol gutpela setings. Danny bai kisim helpim bilong Alphons Mupilagi, Tony na Rickson Malala long sitim 6 tu

spika "Chris Deklin long tromoi bom.

HBAI tu bai paia bek bikos ol i gat sampela longpela man na gutpela setas olsem Ben Nehu, Xavier Gabriel na Steven Tekwie. Ol dispela man i lapun long dispela klab na ino laik givim gem igo isi.

Dispela em i nambawan taim long ol i go long fainels olsem na pilai ibin stap long kot bilong ol na i no laik mekim ol HBA saptos kompani i wari. Ol i hangre tru long winim dispela pilai.

Wonem tim i pilai gut na ino

mekim plenti mistek ibin winim dispela fainels.

Tonamen Komiti i kisim K1,8000 long baim ol praises na i bia holim presistesen long Trinde nait yet.

Dispela tonamen bai kamap bikpela na gutpela long dispela Krismas i kam. Tonamen i laik kisim dispela taim long givim bikpela tok tenku na amamas long Sandaun Gavana.

Mr Joha Tekwie long saptos em i givim long lukim dispela pilai i bin ron gut long Krismas na Niu Yia we i no gat bikpela trabel i kamap.

## Vanimo Lig redi long Nesanel 9's sempionsip

STAN RANGA i raitim

VANIMO Ragbi Lig (VRFL) bai makim wanpela strongpela skwat bilong en long tekpat long Nesanel nains asiat (9's) sempionsip long Lae. Dispela ragbi sempionsip bai kamap long Lae long mun February long dispela yia. Insait long General Miting oli bin holim long las mun, ol i bin elektim ol nupela eksekutiv na i tokaut long dispela tingting na ol arapela bikpela plen Vanimo Ragbi Lig igat long developim gen pilai ragbi insait long Vanimo.

Igat sikispela klab bai tekpat long kompetisen en, Tigers, Royals, Hawks, Brothers, Sea Eagles na Tarangau. Na dispela seleksen bai ol makim ol pilai ikam long ol dispela klab.

Long dispela General Miting ol mausman bilong wanwan wan bilong sikispela klab is bin makin nupela eksekutiv olgeta. Ol i makim menesa bilong PNG Habours Bod long Vanimo, Mr Frank Issac olsem Presiden, Kevin Pilo (Vais Presiden) Paul Samof (Sekreteri) na Mensesa bilong Vanimo Saundaun Motel, Brian Cullinan (Tresara).

Sekreteri Mr Paul Smof itok as tingting tru bilong dispela nupela eksekutiv em long kamapim gut pilai ragbi insait long Vanimo. Maski igat ol lilik hevi, Vanim Ragbi Lig i bungim na stopin pilai ino bin kamap long sampela yia go pinis, Mr Samof i tok dispela nupela eksekutiv nau igat plenti gutpela tingting long developim ragib kod gen insait long Vanimo long dispela yia. Mr Samof i tok,

las wik VRFL i baim k1,000 afiliesen fi igo long PNGRFL. Dispela bai bihainim bikpela tingting bilong ol long tekpat long ol bikpela kompetisen en PNGRFL i kamapim.

Dispela nupela ipisels itokorait pinis long kamapim tripela divisen long kompetisen. Bai gat A gret divisen, resev B gret na Anda 19 division long Lig.

Nau yet Mr Samof ito pre-sisen Kompetisen bai stat long Sarere 11 na Sande 12 de na bai ron long tupela wik olgeta. Bihain long prisisen bai gat sisen propa stat.

Long Pri-sisen ol selektas bai makim hariap wanpela skwat o tim bilong Vanimo long go pilai long Lae. Komiti i tokaut pinis long husait ol opisels bai lukautim tim ya. Brian Cullinan (Tim Menesa) Daniel Maskim (Kodineta) Kevin Pilo (Tim Kosa) Vuatha Kapa (Treina) na Dokta Hawap bai go olsem tim Dokta. Tasol wok blong Brian Cullinan long painim spona bilong dispela tim.

Bosman bilong PNGRFL Mr Martin Adamson i amamas tru bikos Vanimo i afiliat igo insait long Nesanel Lig. Em itok Vanimo Ragbi Lig long plenti yia go pinis isave gat klinpela rekot, maski ol liklik long menesmen sait. - i save stopim pilai. Long sait bilong menesmen, Mr Samof itok, "mipela i laik taitim ap na strongim ol sait bilong gems Konstitusen, mekim disisen long ol pleias na klabs mas pilaim gutpela ragbi kod long dispela kompetisen."

Dispela nupela eksekutiv i laik mekim dispela ol samting i kamap tru na ron stret bilong lukim gutpela pilai ragbi i kamap insait long Vanimo.



• Sir Henry ToRobert, namba 2 long raithan i sanap wantaim ol spot opisal long taim bilong lonsing.

## Spona bai mekim K100,000 bilong Olimpik Gems

RODNEY KAMUS i raitim

COCA-Cola kol dring kampani i mekim promis long kisim mani inap long K100,000 we bai helpim long salim Papua Niugini tim i go long Olimpik Geims long Atlanta long dispela yia.

Nem bilong dispela fundraising Coca-Cola i kamapim em ol i kolim Olympathon na dis-

pela em long salim ol kol drink i gat mak bilong PNG Olimpik tim i stap antap long ol. Na long dispela ol kol dring, sapos ol man i baim ol, mani bai go stret long fain raising bilong Coke na Papua Niugini Spots Federesen long salim ol spotman na meri bilong Papua Niugini i go long Atlanta long Olimpik Geims.

Coca-Cola olsem wanpela opisal spona bilong Papua Niugini tim i amamas tru gen

long saptosim PNG tim long pilai long Olimpik Geims long Atlanta long dispela yia bai stat long July namba 9 dei na i go olgeta inap long mun Ogas 4. Atlanta em wanpela bikpela taun long Yunaited Stets bilong Amerika(USA).

Long las wik Fonde, presiden bilong Papua Niugini Sports Federesen (PNGSF) Sir Henry ToRobert yet i lonsim dispela fanraising bilong opisal spona Coca-cola.

## Malangan wilwilim Brown Eagles

LAE SOFBAL RIPO

GERSON TOKANA i raitim

SOFBAL resis bilong 1995-1996 sisen long Lae i stat gen long las wiken bihainim malolo bil

I bin gat sampela liklik samting i bin kamap long ol top tim taim ol tim husat i stap daunbilu i klostu rausim trausis bilong ol tim husat i stap long antap.

Long las wiken tu i bin gat wanpela liklik asua i bin kamap em

namel long wanpela pilai bilong Malangan na Brown Eagles. Malangan i bin wilwilim gut tru Brown Eagles.

Brown Eagles em i stap olsem namba wan tim long Lae Sofbal resis na dispela em i namba wan taim tru bilong ol long dispela sisen long lus na lus bilong ol i go stret long han bilong ol mangi Niu Ailen.

Tasol ol Brown Eagles i no wari long dispela lus bilong ol long wanem sampela bilong ol i kam bek tasol long malolo na i no bin redi gut tru long pilai.

Narapela pilai i bin kirapim das long wiken em namel long YMCA na NGI long mein geim. Tupela tim wantaim i soim gutpela stail bilong pilai long dispela geim.

Ol YMCA i bin brukim kiau long namb tu ining taim Henry Kuloko, Tailo na Robert i skorim tripela ran bilong ol long dispela ining taim ol mangi NGI i bin banisim ol gut tru.

Tasol NGI i kam insait strong tru long namba tri ining na mekim skoa bilong ol i wankain gen long 3-3.

NGI i bin gat bikpela




sans long skoarim moa pions tasol ol yet i mekim liklik asua bilong ol yet na YMCA i autim ol long dispela ining.

YMCA i bin putim narapela tripela ran gen long namba 4 na 5 ining. Tasol ol NGI i kirapim das gen na tu skorim narapela 3-pela ran gen na tupela wantaim i dro long 6-6 long fainel ining.

Long ol narapela pilai, Aviat i nekim Island Hawks, Bismark i daunim Karanas, Malangan wilwilim Brown Eagles na Gazelle hangamapim Taubar 15-2.



# WANTOK SPOT



# Husat tru i papa bilong Lae City Bombers?

## BOB SINCLAIRE VS LAE RAGBI LIG

### ALPHONSE PU i raitim

LAE Ragbi Futbal Lig na Bob Sinclair i mas gat gutpela tingting long husat tru i papa bilong Lae Siti Bombers ragbi lig tim husat i save pilai long inta siti resis.

Bob Sinclair em i papa bilong Lae Builders and Contractors(LBC), kampani husat i bikpela spona bilong Lae Bombers long inta siti resis. Kampani bilong Sinclair i sapatim ol Bombers taim inta siti resis i bin stat.

"Taim inta siti resis i bin stat, mi bin helpim ol Bombers i kam inap tete na nau mipela i winim inta siti kap na dispela kap bai stap yet long Lae," Sinclair i tok.

Mista Sinclair i skruim tok tu olsem em bai i papa long ol Bombers Ragbi Lig tim inap long taim em i dai.

Planti taim Sinclair i bin tokim ol niuspepa na redio olsem em i papa bilong ol Bombers. Nau yet bihainim ol tok win olsem ol LBC bai katim daun ol sponsasip bilong ol, Mista Sinclair i tok olsem dispela i no trupela toktok.

"Mi papa bilong ol Bombers na mi laik makim ol kosa, menasa na ol pilaias mi yet bikos mi spendim bikpela mani pinis," Sinclair i tok.

Bihainim ol dispela toktok, mausman bilong Lae Ragbi Lig John Boino i tok olsem Mista Sinclair i no papa bilong Lae Bombers.

"Mista Sinclair wantaim kam-



## Warriors laik mekim nem

SNJ3 Warriors em i wanpela klab husat i pilai long Unagi op sisen ragbi resis. Dispela em i B Gret tim bilong ol husat i wanpela strongpela tim na i stap long fainels. Moa ragbi lig eksen bai kamap long dispela wiken. Foto: Joe Ivaharia.

pani bilong em i spona tasol na i no gat bikpela spes long em i mas mekim toktok long Lae Ragbi Futbal Lig," Boino i tok.

Ol pilaias insait long Lae Bombers em Lae Ragbi Lig i kamapim. Dispela ol pilaias i afiliet na regista long wanwan klab na pilai insait long resis bilong Lae Lig. "Ol pilaias em ol i kam long Lae Ragbi Futbal Lig

na ol i makim Lae, ol i no kam long LBC o Bob Sinclair," Boino i tok.

Boino tu i singaut na askim Bob Sinclair long kam long wanpela miting wantaim Lae Ragbi Futbal Lig na ol i mas sindaun na toktok long sponsasip na neim bilong Lae Siti Bombers.

"Em i mas kam long wanem em i save yusim nem bilong mipela

nating na mekim planti mani bilong kampani bilong em. Sapos em i les, em i mas pekim ol samting bilong em na go na bai mipela bai painim nupela spona," Boino i tok.

Long narapela stori gen, i gat ol tok win i kamap olsem kosa bilong Lae Bombers Bob Bannett husat i kosim ol Bombers long 1995 long winim inta siti kap i

stap long bikpela paia nau wantaim LRFL. Ol tok win i kamap olsem Bannett i wok long mekim wok olsem seketeri bilong nupela Morobe Country League.

Long dispela Boino i tok olsem sapos Bannett i laik mekim dispela wok bilong Morobe Country League, em i mas lus tingting long kamap olsem kosa bilong ol Bombers.

## Nupela fainels fomat bilong NCD Pablik Sevans Soka

MOSBI Pablik Sevans Soka Asosiesen long dispela yia bai yusim nupela fomat bilong pilaim ol fainels bilong ol we bai kamap long dispela wik Sande.

Na seketeri bilong asosiesen Ben Harry, i laikim olgeta klab opisal i mas kamap long wanpela kibung wantaim ol asosiesen eksekutiv bihain long olgeta pilai i pinis long 3 klok apinun long dispela wik Sarere.

As bilong dispela miting em long stretim olgeta samting bilong ol fainels

### RODNEY KAMUS i raitim

pilai bipo long ol tim i go insait long ol fainel.

Wanpela bikpela samting ol bai toktok em long nupela fomat bilong pilaim ol fainels.

Seketeri bilong asosiesen Ben Harry i tokim Wantok olsem long dispela wik Sarere namba 13 dei bilong mun Janueri, ol bai pilaim ol laspela pilai bilong sisen propa.

Tasol dispela ol pilai em ol wasaut pilai we i no bin

kamap long Disemba namba 9 dei.

Bihain tasol long dispela ol pilai bai ol i holim wanpela miting bilong ol eksekutiv wantaim olgeta ol klab opisal na bai stretim ol pilai bilong ol fainels we bai kamap long Sande.

Long dispela miting tu Harry i tok olsem ol bai stretim, ol lo bilong pilai olsem ID kat bilong ol wokman, poin lata bihainim dispela ol wasaut geims na tu ol tim bai save husat tru ol bai pilaim long fainels. (Lukim moa stori long pes 29)

## UNAGI RAGBI LIG DRO

### FAINELS DROS SANDE 14/1/96

| TIME  | TEAMS                | VS | TEAM          | Grade |
|-------|----------------------|----|---------------|-------|
| 10.00 | Saraga               | vs | 7 Mile Jets   | C     |
| 11.00 | SNJ3 Warriors        | vs | Wara Sua Eels | C     |
|       | Bye: 4 Mile Jets C   |    |               |       |
| 12.00 | 7 Mile Jets          | vs | 5 Mile Nogats | B     |
| 1.00  | Wara Sua Eels        | vs | 4 Mile Youth  | B     |
|       | Bye: SNJ3 Warriors B |    |               |       |
| 2.00  | SK Warriors          | vs | Gordon Ridge  | A     |
| 3.00  | 7 Mile Jets          | vs | Wara Sua Eels | A     |
|       | Bye: SNJ3 Warriors A |    |               |       |



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.